



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

WIDENER



HN JN1E B

Ital 6873.1



0

COLLEZIONE
DI TUTTI I POEMI IN LINGUA
NAPOLETANA.
TOMO DECIMOSESTO.

AGNANO ZEFFONNATO,
E
LA SPORCHIA DE LO BENE.

L' AGNANO ZEFFONNATO

POEMMA AROICO

E LA MALATIA D'APOLLO

I D I L L I O

D' ANDREJA PERRUCCIO.




^C
N A P O L I M D C C L X X V I I

P A R E S S O G I U S E P P E - M A R I A P O R C E L L I

Con Licenza de' Superiori.

Ital 6873.1



A CCHI HA BOGLIA DE LEGGERE.

LA primma vota , ch' ascette a Nuce sto poemma arojeco de l' *Agnano Zeffonaro* fuje a lo 1678. e ffuje addecato a no Vedetore de le Ggalere de sta Cetà chiammato D. Pietro Palommara , e Valasco , ch' a la casata nme pare no Spagnuolo ; e ll' Aotore , cche ffuje Andreja Perruccio , comme fuorze ca le parette de naneja sto presiento , e isso era n' ommo generuso , le parze de bene de nc' agghiognie na fella de pizza ppe bon piso , zoè n' avotro Cantariello fatto ncoppa la *Malatia d Apollo* (fuorze ca otre de ll' essere Poeta e ccacciatore era mporzi Mmiedeco l'ammico) , e bedite vuje mo , si non è cchisto na jonta degna de chillo ruotolo . Chello cche se po assecurà ntorno a l' Aotore eje , ca non era nativo Napoletano nuosto , ma de quarche Ppajese da ccà attuorno , e ppuro ncantato de la bellezzetuddene , comme tante avotre uommene granne , de sta Lengua nosta arcesmargiassa , cche nnesciuno maje abbastanza porrà llaodare , tanto se nc' appricaje a nvezzaresella propejo de core , cche addeventatonce dottore , e cchiù cche Ccetatino ppe sto mestiere , vadite vuje mo co cquanta bella grazeja , e cco cquanta agghiustatezza , e llimmatura nc' ar-

rivaje a scrivere : Schitto no cetato no lo bede, e no ntontaro nfrisasomoro no lo ntan-
 ne, e ccapesce . Ma chesto , co tutto ca
 non è ccosa de naneja , puro non farrà mma-
 raviglia, pocca a le ccose granne da la natu-
 ra stessa , si non avotro, nce sentimmo spen-
 gere, e cquase strascenà a mmitarle: ccossì ssia
 ditto sempe a groleja soja , quanta Griecce ,
 senza esse nè de la Cetà d' Atene , nè de li
 contuorne , e ppaise dell'Atteca , ma Dore, e
 Ghiuoneche , o d'avotre banne, ppe sboreja,
 e cca loro piacette cchiù lo pparlà Ateneje-
 se de lo nnativo llozo , comme ecierie cche
 mmo vanno apposta 'n Toscana pe mparà li
oh ohie , quase , anze affatto affatto teranno
 a scordarese la Lengua materna , s' apprica-
 jeno a mmezzà non sulamente a pparlà , ma
 se dettero a scrivere 'n chillo dialetto lim-
 mato , e straliffato ; nè ffuje sulo Tirtamo
 de Cedoneja , chiamato po Tiofrasto pe
 cchella bella loquela soja , che ttanto facet-
 te , simbè no juorno, pocca comme a li Ca-
 lavrise , cche non se scordano maje l' ac-
 cente de lo Pajese llozo , le scappaje na spe-
 zeja pe no *cori meu* , e na Viennevruccole
 redenno e ddannonnele la cucca lo chiam-
 maie *frostiere* . Ppe lo ccontrarejo po comme
 'ca a ccierie avotre garbezzaje cchiù cchello
 bello parlà chiatto e mmajateco de li Dore ,
 nn' affettajeno la decetura , quanno cche lo
 Cielo fatte ll'avenno nasce nn' avotro crim-
 ma , e 'n pajese deverzo pastenatele , a tutt-
 t'avo-

s'avotro erano state addestenate: St' agguajeto o buono, o tristo, o de laude, o de vetoperejo digno cche ssia, sortette porzi a l' Abreje, a li Latine, e ntra nuje, senza parlà dell'avotre, lo bedimmo mo puro. E cchi non sa Regnier Desmarais, cche nnato Franzese (a lo ccontrarejo de la moda attuale, che cchi nasce Talejano more Franzese) cossi, e ttanto bello screvette 'n Toscanese, e cchello cch' è cchiù 'n poesia, cche non tte dico avotro! Lo stisso te porria dī de no megliaro autro de perzune, ma co addotte no accorre zità asempaje; e chesta porria parè na mpartenenzeja, e na presonzejone de volè passà pe alletterate, e ppe cchesto ddi mme scanze, ca sse fimmocetate mofeteche non mme songo jute maje ppe la capo; Ognuno ben sa, ea io non songo l' Emiono Benfuorzo smetamorfosez-zato, ch' aggio lo fanatisemo ciuccigno (pp' essere zoè cossi mmeglio conosciuto, e mmostrato a ddito) de mme fa merte da chillo avotro Ntorcia ogne ghiurno, e ssemmana ppe ssemmana dinto a la Gazzetta Givca comme a Llummenareja magna; e ppe figlio scommejato de no gran Patrejuoteco, e ddi-gno figlio de chillo Patrejuoteco, e cca la vertute patrejoica strascennentale de chillo gran Patre tanto patrejuoteco muto trasfoma tutta straloce nchisto gran figlio . . . uh premmonate! vo a forza essere canosciuto, scopierto a ramma, e scommogliato nne le

mmetamorfose porneche soje; ma vî lo dia-
 scance, lo Munno accrejanato, sî mbe sa
 lo tutto, ppe cconvenenzeja se stà zitto,
 e flegne de no lo ssapè schitto ppe ppolezia,
 e pure se va struzzecanno lo chitarrino a le
 ccecale ppe le ffa cantà: nzomma vo essere
 eredito ppe cchillo che *Naturaliter* eje: e
 biva l'aruoja de la *Gazetta*. E ccossì ppe
 nornà a nnuje: Po quarche presentuso ppe
 ffa lo bello, e lo zimeo, mme nne perria fa
 la baja da dereto, e mme rencresciarria, ma
 che! sî da dereto jennome eo la lingua fru-
 sciamo mme sforfeca, le responno co lo
 fatto senza chiacchiarejà, e pperde parole a
 lo viento co ssimmele caccialappascere, ca
 chillo luoco è a cciammiello ppe cchi parla
 ccossì. E ssi po quarche ccorejuso (cch' è
 lo vero signo de chi ha bona ntenzejone de
 volè sapè quarche ccosa), volesse passà
 cchiù nnante, non le renersca de l a scar-
 tabellà la prefazejone nprecisa de l'Ellenope-
 dia de F. M. F., ca llà se potarrà sfizejare
 a ggusto sujo de ciento cosarelle a sto pro-
 poseto, e a ll'avotra prefazejone fatta a la
 aradozejone de la *Pluralità de' Mondi* de Mr.
 de Fontanelle da lo Franzese, cche se nc' è
 lassato de fronte. Lo ffa l'alogejo de lo va-
 lore de st'uommene d'azzò, non è ne ppe
 no chiatillo comme a mme, cche ffuorze
 no barraggio no quaglio de cane, e cchi-
 ste già da no piezzo *laudati sunt a viris lau-*
dati, quod maximum elogium, dicette no
 ad-

addotto ; nè mmanco è ccosa ppe sto luoco,
 e ttiempo ; ma cche nc' abbesogna chesto
 mo ? Lloro se jette n' uocchio nceppa , e
 po vi se non è ttutto lo vero , e ttanto de
 echità de quanto aggiove ditto . E ttornan-
 no a la via . Si cosa nc' è da dì ppe lo Si
 Perruccio, è schitto ll'avè quarche bota isso
 mollate le rretene de lo nghiegno co no po
 de franchezza ppe dà sbafo a lo ffuoco de
 la fantasta soja poeteca, pigliata già de cao-
 do , e ppe asseconnà lo gusto de lo secolo,
 e de chille tiempe , cche ccossì pportavano ,
 'n quarche mmetaforella ; ma a la fina fatta
 ll'Opra è bernesca , comme ognuno lo cca-
 nosce da lo titolo schitto, e dda l' argomien-
 to , simbè pegliata co n' areja smargiassa , e
 ccantata co ttromma arojeca ; e ssarrà no bel-
 lo aseno chi ppe ffa lo saccente, non se vor-
 rà arrecordà de lo ditto d'Arezejo , *Non ego*
paucis offendar maculis, quanno po tant'avo-
 tre belle cose llà nce songo da fa restà am-
 misse , ncantate , e boccapierte li primme
 vuommene de sto Mummo , cche se stirano
 le ccavozette : E 'n quanto a lo riesto , chi
 no bede quanto bello ha ssaputo i pede ca-
 tapede appriesso a Ommero , e a Bergilejo
 senza perderle de vista maje , e lassarne la
 pista ? Ppe rreguardo po a l' aitate de sto
 gran socciesso , se po ccarcolà , ppe cchello
 cche se recava da le ccronache , e Ffaste
 Agnanise de chella Sninfeja Quaraquacchia-
 ra , cche ffuje la Musa de ll'Aotore de st'

Opra , e da no mutto scappato ncoppa ne po de carta a cchisto mprefazejonezzanno a li corejuse. Leggeture , d' esse ntravenuto ncirca no miezo secolo dapò muorto lo Cortese , o si no sbaglio, e comme penza n'avotro Patavejo a la moda, doppo cche cchillo Ommero de le Bajasse, e de lo Si Micco Passaro cantaje , e screvette de lo *Cerriglio scantato* , e ccomme da Regno addeventaje Taverna : e bl cche mmetamorfosa ! Nue volite cchiù ? ve vasta dî , ca sta bella Poesia mmeretaje ll' approvazejone de lo P. Ccasalicchio, lo quale non n' avette difficortà de dî : *Imò sicut illum qua eruditione refertum , qua Patria Linguae puritate cultum , qua argumenti commentatione ingeniosum multa laude , ita prae laudum dignum judico* .

Ma comme ca sto tommo veneva troppo peccerillo , e ppo quarcuno de l' assecejate se poteva lagnà de me , comme si nc' avesse io voluto fa nigozejo , pocca nce songo cierte babbalucche , cche mmesurano le cose , e nfra ll' avotro li libra da la grossezza ppe lo valore , comme verborazeja no ciuccio de la Torre , pocca ppe la schenositatesoja mastineca , e ccoda longa , e ecomme ca buono ppe rrazza , pecchè simmele a cchillo , che bencette Prejapo *penis magnitudine cum coertantem* , o che ppare de la vettimma de chille de la Palèstina, cch'aosavano l' Abreje de li tiempe Patriarcale , e antesa l' omoneche , jute ppe cchasto n' proyerbejo , e ddonne l' appiello , e ppa-

pparagone co lo famuso Issacarro ; no ciuc-
 cio , a buje decenno , de la Torre , e cche
 ssia no stallone fremmo , e nquatrato , loro
 pare cchiù mmeglio , e cchiù ddigno de no
 bello Sardagnuolo spiretuso , o de n' armelli-
 no delecato , schitto pocca-cchiù de chiste
 è gruosso , e avoto de groppa ; ccossì llas-
 sanno sso ppenzà a cchi ccossì ffacesse ,
 non pregiudecanno , nè ddicenno manca-
 mento de li buone , aggio pensato d' ao-
 nirence la *Sporchia de lo Bene* , o sia
 l'*Aosanza* posta 'n canzona , zoè 'nn ottavà
 rimma da Santillo Nova , nommo fegnuto ,
 e ffuorze 'nn anagramma , comme s' è ssoluto
 fa 'n tiempe passate , e mmo puro da chi
 miezo appauruso de le mmale lingue , e de
 la fruoffece de la nvideja , da chesta se vo
 annasconnennose , sarvà ; cosa cche non me
 caccio de saccoccia , o comme a mmonaco
 da dinto a lo manecone , ma cch' aggio tro-
 vato dinto a n' alogejo , cche Mminecandre-
 ja de Milo , ommo d' azzò de l' aità ssoja ,
 zoè de lo 1716. le facette , dicenno : *Lepi-
 dum , & jocosum Auctoris ingenium , licet
 suppresso illius nomine, ab oculos ponit ; Ipse
 utile dulci sapientissime miscet &c.* Chi vo
 senti , o ppe ddì meglio , vo leggere na pre-
 deca , cche ssenza desceprina a ssango , e
 ssenza fa chiagne , mova , commova , e com-
 merta , e ssenza li spauracchie de Cappellu-
 ne , ma a sseconna de lo gran conziglio d'
Grazejo miscendo utile dulci , e ffacanno ri-
 a. 6 de-

dere, ma no da boffone, veda carcà la cop-
pola, e ffaccia mette la capo a ssiesto, si
maje stà sbertecellato, ntenna a mme, non
se cagne da la lettura de sto Sio D. Santillo
Nova, cch' ha ssaputo co ttanto bello jodi-
cejo, e ntennemento 'n poco di tanto, e cco
ttanto bello mudo, cche chi non è sta-
to no mammalucco, e ll' ha sentuto, ap-
profettannose de l' avertemiente, che ffacen-
no isso nfenta de non ce jocà, bello pòlito
è ghiuto danno quase 'nnogne bierzo, se nne
è ttrovato contento, e sciala cojeto a la ca-
sa soja. Li malate hanno abbesuogno de
cure, e ppocca cierte songo de chille cche
ddeceva Giovenale, zoè troppo fastedejuse,
e che *castigatique remordent*, ppe cchesto
abbesogna co cchisse tale nfra ll' avotro, fa
comme se ausa co li peccerille a lo ccantà
de Tasso, cche ddice:

Così ad egro fanciul porgiamo asperso

Di soave liquor gli orli del vaso:

Succhi amaro ingannato intanto ei beve,

E dall' inganno suo vita riceve.

nn' avotro caso la copella è nvertecata e bo-
na. E cchesso è cquanto t' aveva da dì, e
ppe mmo nce steva; appriesso po nce re-
vedimmo, Cammarata Leggetore, e bona sera.

A LO SIO ANDREA PERRUCCIO

PE L' AGNANO ZEFFONNATO .

*Se tocca la casata soja , e ll' arma , che è no
Cacciottiello janco .*

DE LO SIO ANIELLO GIANNINO.

CHe ttenche , cche Ppantano atta de mene!
Non è lo vero , troppo lo sbelisce ;
Sso lago è dde Caistro , e d' Eppocrene ,
Addò li Cigne sautano pe ppisce .

Na grotta a ccanto a isso Agnano tene ,
Dove ogne ccano vivo ntesechisce ;
E ttu pe ddare a ll' Arestarche pene :
Ntra sso Lago Fenice , e ccante, e ccrisce :

Cano , che mozzecanno li gnorante ,
Co ll' acqua de ss' *Agnano Zeffonnato* ,
Le ffaie schiattà pe nvidia tutte quante .

Pinno , ch' ave lo llinu ammatorato ,
Ed azzò scritte nc' avisse li cante ,
Nn' ha fatto carta janca , e tte l' ha ddato .

E ppe tte è ddeventato

No maro sso Pantano nzapetito ,

Co lo ssale de grazie saporito .

So già jute a l' acito

Li nvediuse ; e a li nnemmice tuoje

Na mmala tenca mannare le puoje .

E ccomme non te vuoje

Ammortalà co sso Poemma raro ,

Si t' è stato sso Lago calamaro .

A

A LO STISSO

Toccannose lo mmedesemo

DE LO M. R. D. ADDEVICO DE
TOMMASO.

TEbe, Corinto, Troja, arze, e scadute,
E dda le gguerre, e ppe l'antichetate:
Nullo nce fu, che mmuosseto a ppiatate.
L'avesse co li vierze arrepolute.

Marone, Omero l'eppero allostrute,
Quanno stevano nsciore ste Ccetate;
D' *Andrea Perruccio* sulo la vertute.
Sa ngrannire le ccose zeffonnate.

Perruccio schitto ha trasportato *Agnano*:
A non Prus-utra de le ccose belle:
Decenno, ch'è no Sciummo, e non Pantano.

Dīnto a sto sciummo posano l'ascelle
Cigne, e Sserene; e ffatto autrò Oceano,
Dove se vanno a ssemmozà le stelle.

DE LO SIO BRUNO DE BRUNO.

TOsta a lo Tasso daie ; faie sta marfusso
 D'arraggia lo Poeta Mantovano ;
 E ppe scuorno lo Grieco fatto russo ,
 Co cchella Aliade cagnarria ss' Agnano .

S' auto pesca ranonchie ; aie tu lo jusso
 De pescà perne dinto sso Pantano ;
 Si nne cacce nfonnennoce lo musso ,
 De recchenze de Pinno n' Aoceano .

Cano ; a lo canto jugne a tale signo ,
 Che pe cchiammare a tte da mo nne nanze ,
 Non derraggio , Ci , Ci , ma Cigno , Cigno .

Si dde li cane po so pproprie aosanze
 Ghi appriesso a lo patrone : oie tu s' ddigno
 De ghi co sso Poemma a tutte nnanze .

Perzi a l' Autore, e a la Casata soja :

PE L' AGNANO ZEFFONNATO

DE LO SIO CICCIO BAUZANO .

DErruecio , co ss' Agnano Zeffonnato ,
 Cchiù d uno tu nne faie restare nfoce ,
 Che s' attrippa a Ppárnaso d' acqua doce ,
 E cco no lince , e quince-va ntosciato .

Tu de Napole bello aie sorzetato
 Lo pparlà , ch' arreceia , si jova , o noce ,
 Co lo quale Cortese ad auta voce
 Le Bajasse laudanno , è nnommenato .

Na grotta rente ha chillo Pantano ,
 Che accide cane ; e le grannizze soje
 No CANE canta cchiù ssaputo , e ssano .

Sarranno aterne affè le grolie toje ,
 Ne scomparranno , fi che ttene Agnano
 Ranonchie , e ghiunche , e nc' ararrà lo voje .

Ncoppa a lo mmedesimo

DE LO SIO DOMMINECO PIGNATARO.

PErruccio, io de me ffora songo asciuto ;
 Ca chisso Agnano chiamme Zeffonnato
 Devive di cchiù priesto ammortalato:
 Mentre l' aie co li vierze annobeluto .

Ave Apollo sso Lago già bannuto ,
 Che llino non ce sia cchiù ammatorato ;
 Ca si ll' aie nn' Eppocrene tramotato ,
 Vo che lo fonte sia d' ogni saputo .

Dinto a la Grotta llà more ogni ccano ;
 Ma lo tuio , ch' a la Morte spezza ll' arme ;
 Sarrà sempe de Pinno Guardejano .

Vola le Famma toia nfi a li Bejarne ,
 Decenno : ch' a la guerra de ss' AGNANO
 Nce chiantaste , cepriesse , e ccuoglie parme .

DE LO MUTO REVERENNO D. FELIPPO
GAMMARDELLA .

Prosopopea de la Nvidia .

CHi po contà l' arraggia , che mme vene ,
Mo che ssento sso canto accossì ddoce :
Donca ne cano ha ttanto bella voce ,
Che lo nomme de Cigno le convene .

M'abbagliano le stelle , ch' isso tene ,
Mme caccia chillo cano assaie feroce ;
E ppuro, benchè ANTREIA tanto mme nòce ,
Tutte io smacco , e dde chisso dico bene .

Non saccio cchi mme forza notte , e gghiuorno :
Laudo ss' Agnano , addove ha già chiantato
Febo pe cchisto sciure , e llaure attuorno .

Cossì , vedenzo ANTREIA ammortalato ,
La Nvidia disse : e ppo pe raggia , e scuorno
Se jettaie dinto Agnano Zeffonnato .

AD EUNDEM .

Distichon .

Er vet Terra, Canis Coeli cum nascitur ardens:
Ira ardet livor, dum Canis iste micat .



A LI COREJUSE.

STacquo no juorno de strujere echilà la vita, che le scarpe appriesso l'aucielle, trovannome a lo Lago d'Agnano, mme mise sorta a n'arvolo a treposare; e benutosenne Compà Suonno, mme fece serrare l'uocchie pe la porvera; quanno mme parze de vedere da mezzo lo matreco d'Agnano ascire na capozzella, che accostannose vietzo terra, mostaje d'essere na Ranonchia, che zompanno, zompanno s'abbecènjaje addove steva io, e mme decette: Dormeglione che ffaje? io sentennola parlare apppe a sperciare; e pe ppaura, quanno dapò mme scetaje, trovaje ca lo suonno avea puro fatta operazione de torriaca; ma allecordato-me le ffavole d'Asuopo, e lo vierzo de lo Sannazzaro:

Ne'tempi antichi quando i buoi parlavano. mme prejaje tutto vedennome fatto Ampollone Tiano, che ssenteva le buce de l'anima-le: tornammo addonca a lo proposero de ti Todische de mprimma; che ffaje dormeglione: me decette la Ranonchia; tutto lo juorno nce viene a nterrompere lo doce canto che ffacimmo, co le scoppettate; e non te vuoje mparare a ccan-

ccantare comm' a nnuje, avennote Apollo mbrea-
cato de lo lecore de Parnaso, che dace ncapo,
comm' a bino del Pezzulo; io fattome armo,
parea che le responnesse: bella Ranonchiella
mia, che buoje che ccanta? si sò nzallanuto
pe dleverze cose: nprimmo e nnantemonia le
mmeserie mme scannano; lo nciegno è itardaci-
no, la volontate è ghiuta a speluorcio; la
Musa Toscana pe troppo ccantare, e ssonare
non piglia quaglie, e non vale no quaglio de
cano; soggetto de scrivere nò lo saccia tro-
vare; li luoche sò accopate, e chi tardo arri-
va, male alloggia; e stanno de casa, pe dde-
sgrazia mia, a lo Mantracchio, che ccosa bo-
na nne po ascire da me?

No mme credeva, decette la Ranonchia,
ch'iere tant' aseno, e pe non te fa stare cchiù
regnoluso comm' a peccerillo, c' ha fatto quar-
che mmate servixio, te voglio conzolare; si
tu pienze a le mmeserie, te schiaffarà nnan-
tecore rinante li juorne tuoje: si faje nfrace-
tà ntra l' abbasche lo nciegno, quanto primmo
tu vaje a trovare Masto Giorgio; si la Musa
Toscana te renne la ntrata, e la sciuta de
Porta Capoana, che nce vuoje fare? lo Mun-
no accossì ccorre: li Mecenate sò state mace-
nate da la Rota de lo Tiempo, e ffatte por-
vera se l' ha portata lo viento: si vuoje sog-
giette, tanto volisse scrivere, quanta nn' ascie;
nè perchè li luoche sò accupate, t' aje da scon-
fedare; chi fa zò che pote, non è itenuto a
cchiù;

occhiù ; e ssi fosse chesso , nesciuno deverria
 cchiù scrivere , nè ccantare: ogn' aseno se pre-
 ja de l' arraglio sujo ; chi te vo senti , te sen-
 ta , e chi no , che s' appila l' arecchie co le
 schiommarole ; ne te spaventare ca staje a lo
 Mantracchio , pocca lloco trovarraje l' anteches-
 sate de la bella lengua Napoletana , ch' a
 ddespiedo de li Toscane s' è consarvata dinto
 a la vammace ; tanto che si Marrone fece la
 scigna a lo cecato de Smirna ; lo Tasso fo
 pappagallo de Vergilio ; lo Marino jette ar-
 reto a Nnasone ; tu aje no Cortese , che ben-
 che vienghe da fora te po mmezzare l' arte , o
 mmetterete lo grassio nmano .

Buono , le decetti io ; ma chi mme po sar-
 vare de la mmale lingue , che ffacenno fuorfe-
 se fuorfese , non mme tagliano lo cappotto ?
 Stente , responnete la Ranocchia ; si te parla-
 no da dereto , hanno trovato lo luoco lloro ;
 si te parlano nmanete , o sò bertoluse , e am-
 mice , e te defenzarranno , e compaterranno ;
 o so bertoluse , e nemmice ; e chiste parlar-
 ranno pe schiattiglia , e ccrepantiglia ; o pec-
 chè nc' aje fatto sgarriglia , e se ponno pe-
 gliare na striglia ; o so gnorante , e tu rideten-
 ne , ca chisse so ccanosciute a la primma paro-
 la , che ll' esce da vocca , pocca sarrà n' arraglio
 comm' a lo Ciuccio d' Asuopo ; e pe scompere
 puoje dire a tutte , ca si li portarrobbe vanno
 cantanno pe s' alleggerì lo piso ; comme fan-
 no li zappature , li marenate , e tutte chille
 che

che ffaticano , in pure tante pe sfocarete , e
pe no affocarete ntrà li penziere : ora via de-
ceti' io , pocea vuoje , che tirasa a si abbal-
lo , che materia mme consiglia ch' afferra ? Si
à pe mmateria, n' aje tanta dinzo sto panta-
no , che te nne puoje sgolejara decette, la Ra-
nonchia .

Io non ce trovo niente , deceti' io , non
bego auto , che no Lago co folleche , mallarde
sommorziarielle , crovaste , e aute animale ,
che nce voglio cantare ncoppa a cchiste ? li
guaje mieje ? E comme si storduto , assecon-
naje la Ranonchia , cerca ca truove : non aje
lietto maje ca chesta è stata na Cetate , che
pò zeffonnaje ? l'aggio lietto , e ntiso dicere,
deceti' io ; ma lo nigorio è dubbioso, nè se scri-
ve pe ssecuro ; te n' assecuro io co sta zampa,
decette la Ranonchia , ca lo ssaccio da la de-
scennenzia ranonchiesca mia, e sta marmoria n' è
restata a la Casa nostra da la prima vavessa,
che zeffonnato Agnano , nce venne ad abetare.
Famme no piacere , le deceti' io , accossi la
Cielo te scanza da chille , che non avenno ,
che ffare , vanno ncappanno Ranonchie ; con-
tome comme s'occesse lo fatto , ca po io pe te
dà gusto , lo voglio cantare , e chiammare a
te pe Musa mia ; lo boglio fare , decette la
Ranonchia , e accossi me contaje tutto chello
che trovarrite scritto puosto da me avierze ,
e mme contaje tutte le straformazione de l'a-
nimale : Segnure mieje Corajuse ; lo m'aven-
noni

nome nchiocato tutto chello, che mme decete la Ranonchia, da no strillo de li Compagne mieje fue scetato, che mme dicessero: cila che ffaje? non saja, ca cca n' è mal' aria? che te vuojje accidere? ma lo c'aveva lo-vespone ncapo, misame da la Ranonchia; scaccata na penna da na folleca, ch'aveva acciso, e itemperatela, squagliata na poco da porvera de la scoppetta, accommenzaje a scrivere ncoppa a ccerta carta straccia, L'AGNANO ZEFFONNATO, che ve presento azzò che ve nce spassate pe ddinto co la varchetta de lo nciegno; ma si quarchuno, mme vò dicere: chisto avea sopierchio tiempo da perdere, avennò fatta sta fatica: io le responno, ca l'aggio arrobbato a lo suonno; si n'auto dice; e non c'era autà materia per scrivere? io le dico: ca si Ommero se pegliaje le Rranonchie, a me ha lassato no pantano; e ssi Lalle le mmosche, io mme piglio l'aucielle ca sò cchiù gruosse; si ntoppate a quarche arrove, penzate ca pe lo suonno socciesso era storduto da lo suonno; si volite sapere a che tiempo succedette sta guerra; la Ranonchia, mò che m'al-lecordero, mme decette ca fue cenquanta anne dapò che la Cerriglio, assenno Regno addevenzaje taverna; si parlesse a lo sproposito, scosatemme ca parlo nsuonno; e si pe ffine non volite credere chello che ch'aggio scritto io, puro ve conzeglio, che non credite a ssuonne.

Le parole de Dieje, Fortuna, Sciorta, e
 quar-

quarch' autà cosa, che tocca li sproposete de li
 Jentile , l' aggio scritto pe delliaggio lloro , e
 pe rridere , ca de lo riesto comm' a bero Cre-
 stiano crego tutto chello, che mme comanna la
 vera Fede mia , pe la quale so llesto a span-
 nere lo sango , e spennere la vita ciento mi-
 lia vote : Governateve , e mmagniate forte sì
 svite che mmagniate. Addio .

D E
L' A G N A N O
Z E F F O N N A T O
C A N T O P R I M M O .



A R G O M E N T O .

*Se parte Tartarone pe Ssardegna ,
E a Borcano lo porta lo viento ,
Feresce Bronte ; Vorcano conregna
A lo smargiasso no scuto mpresiento.
Vede le mmaraveglie , e po a Ccampegna
Scenne , addò vede co granne ornamento
Fare la mosta : vace a lo Rrè nnante ,
Conta li guaje , e ccapo è de l' Arrante .*

CAntà de na Cetate zeffonnata
Voglio , e mmo mm' è benuto sto golio ;
E cchiù de na perzona straformata
Fare sentire co lo canto mio ;
No cierto tiempo Agnano fu chiammata
Sta Cetate , de chi mo ve parl'io ;
Ma , pe bolè de Giove , auto d' Agnano
Mo remmaso non c' è , che no pantano .

Agn.Zeff.

A

Digitized by Google Mu-

Museche cantatrice , che strellanno
 Non lassate cantà tutto lo juorno ,
 Santatrice vezzarre , che zompanno
 De sto Lago , che dico , jate attuorno ,
 Li vierze vuie mme jate nfrócecanno ,
 Levannome da canto lo taluorno
 De la Musa Toscana segnà Crio ,
 Che bò che nTosco sia lo canto mio .
 Vuie , che non site vellane maligne ,
 Comme ve disse chillo grà Nasone ;
 Ma duce Muse co ccantà benigne
 Stordarrissevo puro no Marone .
 Vuie , ch' a ccantà vencistevu li Cigne ,
 E de li laghe fustevu Patrone ,
 Comme deciso a n'arvolo ntagliaje
 Chillo Pastore , che ssapette assaje .
 Vuie mme sperate , o Ranonchielle meje ,
 Li vierze , ch' a ccantare s' apparecchia
 La vocca , che bò dire de li Dieje
 La grà mmennetta , pe na trista vecchia .
 Ve derraggio de ciente Semmedieje
 Lo gran valore a ccuorpe de serrecchia .
 Orsù , mentre che ccanto sto gran caso ,
 Siame ches' acqua chella de Parnaso .
 A buie , Segnò Don Pietro , rreverente
 Conzacro sta nzalata boffonesca ,
 S' Giove no sdegnaje ruzze presiente ,
 Puro azzettate Vuie sta mmesca-pesca .
 A n'ommo non devea cossì azzellente
 Sta cosa dà , mme mmereto na sesca ;
 Ma , perchè site vuie , tanto ammoruso ,
 lo diventato so no presentuso .

Chi

CANTO I.

Chi sa sì quarche ghiurno, che la vena
 Me venesse a scetà Maddama Crio,
 Doce avesse da fa cchiù de Serena
 Dinto a le ggrolie toie lo canto mio;
 Tanno, no cchiù m' abbottarria d'avena;
 Ca lo lauro magnà puro sacc'io,
 E ffarria, de le Mmuse a la fontana,
 Sto Menecordio Cetola Toscana.

Ausolate mo chesta nzalata,
 Sto pasticcio, o menestra o st'arravoglio;
 Sta chelleta, che l'aggio fravecata
 Co ffraudare a mē stisso, e ssuonno, e uoglio;
 Ma sì ve faccio fare na risata,
 Aggio avuto lo ntento, e cchiù non boglio.
 De Napole mentr'io parole accapo,
 Attendetemi dunque, e son da capo.

S'era nvarcato ncoppa na falluca,
 Co ntenzione de passà nSardegna;
 No cierto smargiassone sango-zuca,
 Ch'era chiappo, e cchiappino pe ttre legna.
 Nvista pareva propio na tartuca,
 E sse vantava de Regia streppegha
 Chisto granne anemuso smargiassone,
 Ch'era a nnomme, ed a ffatte Tartarone.

Chisto credeva ghire a ffare Pasca
 Nsardegna, addove steano li Parfente,
 E ncuorpo aveva n'affannata basca
 Pe ghire priesto a fa joquà li diente.
 Ma veccote ca vene na borrasca;
 O mamma mia; che non te dico niente
 D'acqua, de lampe, e ttruone furiuse,
 Che ssorrejere fece all'anemuse.

A 2 La

CANTO I.

La zìrria porzì saglie a lo Maro,
 Che la falluca faceva ghì pe ll'aria;
 Sorriesseto, già ogne mmarenaro,
 Jastemma, e cchiagne la sciorta contraria,
 Ogne biento, ogne ccosa le và sparo,
 Pocca lo stisso viento vota, e sbaria;
 Tànte che lo smargiasso c'ha gran core,
 S'allorda, e giallo ha nfacce lo colore.
Lo Cielo la falluca anchieva d'acqua,
 Ed abballare la facea lo viento,
 E mmentre s'attenneva a sgottar acqua,
 Tutte le bele stracciava lo viento;
 Dapò lo Maro l'affennea co ll'acqua,
 S'isse mpoppa pigliavano lo viento;
 Tanto ch' erano affise d'acqua, e biento;
 Muorte pe l'acqua mò, mò pe lo viento,
Perza la carta de lo nnavècare,
 Rutte li rimme, e stracciate le bele;
 Cchiù non sapeano addove ghì a pparare
 Pe cchillo Maro ammaro cchiù de fele,
 Veccote nchesto, ca venne a scorare,
 E auta luce nce vò, che de cannele.
 Ma ntra sta notte tenebrosa, e bruna
 Tartarone accossì pregaie la Luna.
Bella Cornuta mia facce d'argiento,
 Che de tutte le stelle si Rregina,
 Tu che llà ncoppa de lo Fermamiento
 Frateto è ggallo, e ttu sì la gallina.
 Praca, Signora mia, sto frusciamento
 De sta sdegnata besteja Marina.
 Che nnauzarete statua nnargentata
 Prommecco, che sia sempre spreffommata.

Men-

CANTO I.

Mentre steva facenno sto locigno;
 Vecco na luce vedeno lontano,
 E Tartarone grida: ecco lo signo
 Ca già mm' ha ntiso la grà Ddea Diana;
 Ave de Giove pracato lo sdigno
 Chella Dea, che se lava a la fontana;
 Vecco llà vego na scjaccola ardente,
 Vecco Terra, compagne, allegramente.
 Pocca perduto s' era lo temmone,
 Se faceano l'assarvo co no rrimmo;
 Iogneno nfine nTerra, e Tartarone
 A ssautà comme a ggrillo fuie lo primmo;
 Ogn' uno se toccava lo premmone
 Che le sbatteva; e lo Patrone, stimpone
 Disse, l'Isola chesta de Vorcano,
 Addove sta co lo martiello nmano.
 Ogn' uno miezzo muorto, e ttutto nfuso
 Se muta, e ghietta po nTerra a ddormire;
 Ma Tartarone co ccore anemuso
 Ncoppa lo monte, disse, io voglio ghire;
 E benchè nchesto sia no presentuso,
 Sciorta non manca a cconca ave l'ardire;
 Aspettate; ma ccà cierto non torno,
 Si non rompo a Borcano quarche ccuorne.
 Nchesto a ssaglì se mette, o che gran core!
 E bede p' ogni banna, che scarpisa
 Scire lo fummo, tanno lo valore
 Jette mancanno, e allordaie la cammisa;
 Ma vo co ttutto chesto vèncetore
 Essere de la mpresa, e a la mprovisa;
 Se vedde nnante ascire messè Bronte
 Co na locerna nmano, e n' altra nfronte.

CANTO I.

Quann' isso vedde chisto gran Colosso,
 S'agghiajaie poveriello, e ddisse: Mamma
 Chisto è anemale, oimè! de me cchiù gruosso,
 Vorria mò confedareme a la gamma;
 Oimmè! ca chisto si mme cade adduosso
 Mme fa auliva novella: e ajuto chiamma,
 Ma nesciuno lo sente, e lo terrore
 Lega le ggamme, e ffa tremmà lo core.
 Ma tornato nse stisso, io, disse: addonca
 Fuì vorraggio da sso bestiale;
 Che ffuorze sta manzolla è accossì ccionca,
 Eh' accidere n' abbasta n' anemale:
 Caccia la spata che già fuie na ronca,
 Tartarone, che nguerra e ppòte, e bale,
 E botannose a cchillo accossì disse:
 Brutto Cecrópo, veccò n' altro Aulisse.
 A le pparole, e a la grà bravura
 Dè Tartarone, chillo brutto-fatto,
 Facennole na brutta sguardatura,
 Nò resillò se fece, e ddisse: o matto!
 Tu saie comme stà pella è fforte, e ddura;
 Si co sto dito te piglio, te sbatto
 Tanta vote de capo a ccheste pprete,
 Che cchiù non paterraie propeo de sete.
 Non serve de parlà, lo gran Sordato
 Le disse; su venimmo a la vattaglia;
 E tira no scennente spotestato
 Decenno: piglia rrazza de canaglia:
 Lo cuorpo, che de taglio era terato
 Contè de punta, e la carne le taglia,
 Tanto, che ffece torcere lo musso.
 A Bronte, ch'è de sango, e d'ira russo.

Ar-

Arrobba chiave accossì non se ncana,
 Quanno ave a tuorno tanta peccerille,
 Che chi le sona appriesso la campana,
 Ch' arrobba chiave la chiamma co strille,
 Ch' essa sbroffanno : figlie de pottana,
 Le cchiamma, secotanno è chiste, e cchilles;
 Comme lo Mostro cchiù sdegnato assaje,
 Contra de Tartarone se votaie.

Sbroffare, jastemmare, e la lucerna
 Tirà, no punto fù nmiero la facce;
 Si lo coglieva nrequia nmaterna
 Non facea Tartarone sanguenacce,
 Scanza lo catorpo, e disse : a la Taverna
 Cchiù non jarraie, e cchesto da me ssacce:
 E ttranno nò ccorpo bestiale,
 Couze Bronte a le pparte gnenetale.

Strillaie chillo cecato accossì forte,
 Che pparze proprio de cadè no truono;
 E ssì co isso nce potea la Morte,
 Certo ea llà restava acciso buono.
 Nne ntronaie, la montagna accossì forte,
 De chillo strillo a lo potente suono,
 Che Giunonè, e Nnertuno s' agghiajaro,
 Eolo fojette, e sse cojetaie lo Maro.

Steva facenno li furgole a Giove
 Vorcano, ed avea nmano lo martiello,
 Quanno sente a lo monte cose nove
 Ca Bronte strilla comme no porciello;
 Lassa la ncunia, e ssubeto se move,
 E bedè da lontano lo maciello
 De no grann' ommò, ch' appriesso de chillo,
 Ch' era Alifante pareva no chiattillo.

Sterope scette po dall' auta grotta,
 Che stea facenno d' Amore li strale,
 E itenea nmano de chell' arma cotta
 L' assaie cchiù ccruo frugolo mortale;
 Pe ddefenne lo frate na gran botta
 Le teraie, contr' a cchi scampo non vale,
 E fflu lo cuorpo accossì ghiusto justo,
 Che le fece senti caudo d' Agosto.

Non pe cchesto ha paura Tartarone,
 Disse; commatto puro co ccinquanta,
 E facenno de trippa corazzone,
 Vo mostrà, ca de chille non se spanta;
 Vorcano, ch' avea zuoppo lo tallone
 Correre voze, e ppe la furia tanta,
 Ch' aveva de mpedì la granne guerra,
 Co no smallazzo mesoraie la terra.
 Lo Cielo voze, ch' appriesso venire
 Fece a bedere chillo gran fracasso
 A Piracmone, ch' ajutaje a ssosire
 Vorcano, che non po muovere passo.
 Ionsero nfine, e beddero l' ardire
 De chillo speretato, e grà smargiasso;
 Ma chillo vede chiste, e alliccia, e fluiet
 Ch' Ercole manco potte contra a dduie.

Mentre fojeva pe cchille scarrupe
 Comme a llatro da sbirre secotato,
 O comme sole fù da li lupe
 Quarche nigro ainiello stroppejato,
 Sentette ca ntronava chelle ccupe
 Na voce, co no strillo spotestato,
 Che lle deceva: aspetta, o tu, va chiano,
 Ca p' ammico te voglio: io so Borcano.

Isso

Isso tornattè arreto, e ccanoscio
 A Borcano, ch'avea stuorto lo pede;
 Ed essenno vecino, disse: addio
 Vorcano, vi veng'io ncoppa la fede;
 N'aie paura, respose: figlio mio,
 E a la grotta portannolo, mo siede;
 Le disse: o Tartarone valloroso,
 De tutte l'anemuse cchiù anemuso.
 Benchè no lavorante mm'aie feruto,
 Vennecà non me voglio, e tt'aggio a ccare,
 Pecchè 'ccà ncoppa, a fa vedè venuto
 Si lo gran core tuo famuso, e rraro;
 Anze prommecco de te dare ajuto,
 E npace, e nguerra, e pe tterra, e pe mmaro;
 E perchè sì no forte, e gran sordato,
 Io t'aggio no gran duono apparecchiato.
 Ma sacce tu, ca quanno te menaje,
 Sterope chella frezza ntra lo pietto,
 Era chella d'Ammore, e perzò guaje
 Pe isso paterraie con grà ddespietto,
 Ma n'aie paura, n'fine arrivarraje
 A scompere la guerra ntra lo lietto;
 Ca lo travaglio a la Vertù non noce:
 Dapò, l'amaro è cchiù ccaro lo ddoce.
 Piglia sto scuto, che contro l'incante
 Io co le mmano meie l'aggio compuoato,
 N'aie paura de Maghe, e Nnigromante,
 Ogni nciarmo da chisto sta descuosto,
 Vencerraie ogni ccosa sì costante
 Sarraie dinto a l'affanne scuoglio tosto;
 Và ca po trovarraie chi t'annevine,
 Che bonno gnefecà ste ffegorine.

Da ccà a ccient'anne, Tartarone dice:
 Viecchio mio bello, cierto te rengrazio:
 Me faccia puro, quanto vo nfelice,
 Ca vencerraggio de Fortuna a sfazio,
 De rinauzareme spero cchiù felice,
 Comme vattuta la palla de fazio.
 Ma dlmme addò ste ccose hanno a ssortire,
 E ppe la Groia addove aggio da ghire.
 Mmarcate, e addovè te porta lo viento,
 E tu vattenne, Vorcano responne:
 Dè viene n'averraie cchiù sfrusciamentoto,
 Cojete se staranno e Cielo, e Onne.
 L'abbraccia, e ddice: vattenne contento
 Bello Giovane mio, nè tte confonne
 Chisso pericoloso, e grà bejaggio;
 Appriesso Aprile sole veni Maggio.
 Licienzia le cercaie lo Cavallero,
 E scennette ncorrenno a la Marina,
 A scia llà lo patrone, e ddice autiero:
 Miette sse bele sù, priesto cammina;
 Lo tiempo non è buono, si sommiero.
 Le dice lo patrone; addò destina
 Ló Cielo: isso responne: io voglio ghire,
 Sa pà sso fierro sù, voglio partire.
 Lo patrone schiattannose de riso
 Fèce sagli li marinare ncoppa,
 Ma ncuorpo le decèva: fusse acciso,
 Addò vo ghire sto varva de stoppà?
 Tartarone decette, tu mm' aie ntiso,
 Voglio, che ppiglie lo viento pe ppoppa?
 Responne chillo: facimmo, che buoje,
 Ch' affè nne vottarria li vische tuoje.

Pe ddinto l'acqua la varca scorreva
 Cchiù fiorèiosa, che ba-na sajetta,
 E beccote ca rinante se vedeva
 Na scioruta, e bellissemma Isoletta,
 Lipare se chiammava, e se nc' aveva
 De li venti lo Rrè la Corte aletta:
 O terreno felice all' ommo ammico
 Fertele de coniglie, passe, è ffico.

Da n'autra banna vede le Ssaline
 Ch'Eolie le cchiammaie l'antica aitate,
 E sse vedeva arreto po li ripe
 Ch'Arcure, e Ffelicure hanno lassate,
 Struongole, che gghiettava nzine fine
 Grà mmontagne de fummo spotestate,
 E dda la vanna ritta se vedea
 Lustrèca, e dda la manca Pannarea.

Iea volanno la varca comme aucielo,
 Quanno lo Sole scese nzino a Treta,
 E lo Cielo apparette accossì bello,
 Che sbrannente mostrava ogne Cchianeta,
 Quanno po ascette lo juorno noviello
 Se trovattero nfronte de Gajeta,
 Veddero fora lo stato Romano,
 E cchiù ccà dinto po lo Garegliano.
 Crapa po se vedea, che sta cchiù flora,
 E sse trovajeno d'Isca cchiù becino;
 Chella bell'Isca, ch'è famosa ancora,
 Che stace sempe carrega de vino,
 Addò nce sò li vagne, che nne n' ora
 Sanato chi de male stace chino,
 Addove ogne Poeta nc'ha notato
 Che Teseo lo Giagante sia atterrato.

Appriesso po Proceta bella steva,
 Ch' è ppuro ricca, e n'è na bella Terra,
 E nterra ferma po se nce vedeva;
 Vaja, che co lo Munno po fa guerra,
 Vaja, che tanto all' ora resbranneva,
 Che la Famma pe ttuto ancora sferra.
 E de lo sfarzo Romano già figlie
 De Pezzulo nce sò le mmaraviglie.
 Lo Tempio de Dejana, e c'hella rara,
 Che chiammano merabele Pescina,
 Che ntra lo Munno non ascie la para.
 E becino la fossa d' Agreppina.
 Nnauto po se vedea la Zorfatara,
 Che ghietta fummo da sera, e mmatina;
 E cciento, anze mill' aute cose belle,
 Le stufe co le cciento cammarelle.
 Pe Nniseta pegliaie dritto la via
 La falluca, e nnauzatte la bannera;
 E Tartarone stea co bezzarria
 Tutto nericcato co na bella cera.
 Nc' era llà nterra na gran compagnia,
 E ntra lo Maro cchiù de na galera;
 E li sordate sotta de la nzegna
 Aveano campo fattose Campegna.
 A li Vagnule la falluca jette,
 E Tartarone mesase la spata,
 E lo scuto pegliatose scennette.
 E scennenno vasaie la Terra amata;
 Rengraziaie Vorcano, e sse mettette
 A ccammenare dritto pe na strata,
 E co no core nvitto, e anemusò
 Ghiette a bedè lo Campo grolejuso.

No

No bardacchino fatto de mortella,
 E tutto ntornejato de sciurille
 Era nnauzato, isce che cosa bella t
 De sciure de janesta, e de cardille,
 D'ellera era lo Cielo, e mercolella,
 Che nmano lo teneano duie ninnille,
 Una nmiezo, e doie segge a li cantune
 Stevano ncoppa a ssette scantrune.

Ncoronato de lauro, e de gramegna
 N' ommo ntosciuto nmiezo nce sedea,
 Che co na facce torbata, e benegna
 N' agrodoce cetrangolo pareva.
 L' uocchie votava pe trutta Campegna,
 No caulo-sciore pe sceltro stregnea;
 E de lo ritto, e lo mancino lato
 Nce sò duie co la varva de crastato.

Ajutateme Vuie, Muse Strellante
 A ccantà de stò mmitto perzonaggio,
 Pocca non saccio co sti ruzze cante
 Volà tant'auto, e fa tanto veiaggio.
 Derraggio cose assaie, ma n'abbastante,
 Pocca decenno assaie niente derraggio:
 Ca nce vorria a llaudà sto smargiassone,
 Na lengua, che ncacasse Cecerone.
 Era de justa forma la statura,
 Ma la facce cchiù negra de li gruoje,
 Ch' allordà facea sotto de paura,
 Ed ha l' uocchie cchiù gruosse de lo voje,
 Era fatta co garbo la fegura,
 Ed ha no niego ncanna, ca li suoje,
 Che de streppegna nasceno reale
 Portano sto bellissemu nzeagnale.

Era

Era vestuto tutto d'arme janche,

E no paggio teneva lo cemmiero.

Ma de chill' autre duie, ch'ave a li scianche,

Si 'me voglio parlà, sò no sommiero,

Si pegliasse le ppenne co le branche,

Puro nce restarria zero via zero;

Uno è stato a la guerra gran sordato,

Mò lo Rrè Conzegliero l'ha criato.

Ceccone l'uno se chiammava, e ll'auto

Sfratta la mamma le mese po nommo,

Ch' a le botte fègliule cchiù de smauto

Ha rresestuto, e bale cchiù d'ogn' ommo,

Nascette ntra la prebbe, e po sto sauto

Fece, nchesto ajutato assaie da Ciommo,

Lo quale, essenno de lo Rrè pparente,

De st' afficio le dette la patente.

Se fa chiammare lo Rrè lo trōmmetta,

E ffacennole chillo lleverenzia

Disse: Signore, che fare m'aspetta,

Che mme commanna Vosta Rreverenzia;

Lo Rrè le disse: priesto mò và jetta

Lo commanno, ch' avante a mmia presenza,

Passeno tutte sotto le bannero

Sordate, e Capetaneie, co l'Arfiere.

A la ncorrenno lo trommetta jette,

Jetta lo banno; e beccote ca siente

Lo ntarantarantà de le trommette,

E sse pigliano l'arme li valiente,

Sotto la nzegna ognuno se mettette,

Ed acconciano a tutte li Sargiente;

Ed azzò che la fila vaga a pparo,

Vanno comm' a nnavetta de telaro.

Or

Ora ecà sì te voglio, io sò storduto

Musa non saccio addove dà la capo !

S'a lo mare Restotele saputo

Disse : capeme tu , ch' io non te capo .

A ddire tanto songo no paputo ,

Sciosciamme arreto , ca si lo senapo

A lo naso mme saglie , affè de Marte ,

Non passo nante, e straccio mò le ccarte

Vecco lo primmo , ch'è lo Segnò Cianno

Ommo , che ppote assaie, vezzarro , e bello ,

Ch'a le ffemmene ha dato lo malanno

Criccuso ntra li punte de doviello ;

Aveva commattuto cchiù de n' anno

Co li Franzise , e ffattone maciello ,

Ma contrastanno non c' avanzaie troppo ,

E nn'è rrestato no tantillo zuoppo .

Chisto portava li Napoletane ,

Che de le ffoglia fanno grà strapazzo ,

Sò languacciute, e llonghe hanno le mmane,

Ma maie se danno, e ffanno grà scamazzo.

Songo tutte sordate veterane ,

A la bannera portano no mazzo ,

De vuroccole , e sto scritto : *Ntra la panza*

Aggio de la vittoria la spetanza .

Biase po secotava , ommio nParnaso

Cresciuto , e benchè fosse scuccio muccio ,

Vale pe cciento , ed ha no gruosso naso ,

Che tturzo pare de foglia cappuccio ;

Va ntonato a cavallo adaso adaso .

Ncoppa de na chinea , scificet ciuccio ;

E pporta nò cemmerò co la lanza ,

Chè donato nce ll' ha lo Rrè de Franza .

Gen

Gente chisto portava ardita, e sfranca;
 Che cchiù de vraccia adoprano le mmole,
 De la Varra, e Sserino, e ttale allanca
 Io creò, che n'aggio visto maie lo Sole;
 Pe bannera hanno po na pezza-janca,
 Co rruospe pinte, e scritte ste pparole:
Nesciuno suto pe bista decreta,

Ca ntra sto brutto s'ascia na gran preta;
 Lollo appriesso veneva, o ccà te voglio?
 Ommo ch'assaie presumme, e ppoco vale,
 Che ntrecanno se vace ad ogni mbruoglio,
 Fa lo saputo, ed è no bestiale,
 Chesto sì, ca nce vole auto che d'uoglio
 A la feruta, ch'isso dà mortale,
 Ca pare d'uocchie, e quanno stà nzorfato,
 Tira proprio li cuorpe da cecato.

De n'aseniello jancò v' a ccavallo,
 Che ba de trotto, ed ha na stella nfronte;
 Porta li Cavajuole, ch' a l'abballo
 De Marte fanno cchiù de Rotamonte,
 Li revierze, e ppolere senza fallo
 Danno, e le bite fanuq ire a mmonte;
 Portano ncampo verde n'aseniello,
 Co no mutto: *Ntra l'erba io mi fo bello.*

Gola po secoteia, e ba marfuso
 Lo poveriello, ca lo crudo Ammore
 Pe l'uocchie non trasie conform' all'uso;
 Ma pe n'autro pertuso ije a lo core,
 Sentie cantare, e lo strale ammoruso
 Trasie a l'arecchia a ddarele dolore;
 E duie nemmice ntra lo petto dintò
 Nc'ave lo scuro Povertà, e Ccopinto.

De

De n' aseniello nigro vace nsella,
 Ch' è nnigro, comme av' isso li crapiccie,
 Penza, pocca lo tira la centella,
 Comme da chella guerra priesto alliccie;
 Sotto na nzegna carmosina, e bella
 Porta cierte Romane fojeticcie,
 C'hanno no manzo, e scritto a stampa d'oro:
La Pella, e Ccorna vale no tesoro.

No Ciccio vene appriesso, arrasso sia,
 Comm' arraggiato sta, comme sta brutto?
 Io creò, che le sia patria Schiavonia.
 Quase lo Munno ha cammenato tutto;
 Si n' auto, comme a isso nce sarria,
 Lo nemmico sarria vinto, e ddestrutto,
 Pocca quann' isso dà nguerra no cuorpo,
 Pare, che itenga li Demmuonie ncuorpo.
 Vace a ccavallo a n' aseno polito,
 Ch' è Ssardegnuolo, e ppure Sardegnuolo
 L' ha de sordate Puopolo nfenito,
 Che ssongo Procetane, e Iscajuole;
 Ogn' uno vace vezzarro, ed ardito;
 Ncolore hanno la nzegna de viole,
 Addò no fiasco nc' è de vino, e scritto
 Sto mutto: *Chisto dà fortezza schitto.*

Veneano appriesso cierte Pezzolane,
 Che pportate l' avea lo forte Rienzo,
 Che itanto nguerra sà menà le mmane,
 Che ppare, che le piglia lo descenzo;
 Hanno pe ccuorpo de mpresa no cane,
 Ncampo, che de colore è de nascienzo;
 Co sto mutto cacciato da no tiesto:
Sì mazzeca a quarch' uno arraggia priesto.

Ma-

Masillo Asciutto venèva lo reto

'Ncoppa nò ciucciariello tutto fuoco ,

Ma l'avea poste le spine dereto ,

Perch'era zuoppo , e ccammenava poco ;

Chisto vantava d'essere poieto ,

E meglio cierto ça facea lo cubito ,

Spera co li soniette , e mmattecale

De fà ghì li nnemnice a lo spitale .

Chisto , ch'a lo valore era nò Marte

Facea votà le spalle a li nnemnice ;

Ma commattemmo ntra na stretta parte

Scardaie la lanza , e rremmanie nfelice ;

Lassare già volea de guerra l'arte ,

Ma tanto dire seppero l'ammice ,

Gh'isso nce venne , ma primmo juraje

Non ghì de li nemnice appriesso maje .

Certa ggente portaie da lo pajese ,

C'hanno gran core , e cchiù grosse le trippe ,

Che le vanno le mmano a tutte mprese ,

E de loro non è cchiù che nne strippe ;

Chiste , pe spatagnarese le spese ,

Pocò stimmano mazze , fune , e cippe ;

'Ncoppa li macçarune ste pparole

Hanno : *Il simile sempre il simil vuole .*

Veneno mò li Cavaliere arrante :

Ota mò Musa mia nforza la lena ,

'Spriemmete , e a lluce fa scire sti cante ,

Ca lo ssaccio ça tu sì grossa prena ,

Sì mammana songh'io , non sò bastante

A farete fegliare , apre la vena ;

Votta sù priesto , gioia mia , che faje ?

Via ca lo figlio mascolo farraje .

Mic-

Miccio lo primmo fu ssordato forte

Vieccchio ostemato, c' ha lengua, che ttaglia,

Co sto sordato commante la Sciorre,

E ghiocanno restaie senza na maglia,

Sta desperato, e ppuro cò la Morre.

All' ombre joca, e dde spata la faglia;

Ma cchiù la Vertù soia saria stemmata,

Sì non avesse cchiù llengua, ca spata.

Pe cchella lengua appostata, e mmardetta-

Ogne ssordato lo luco le cede,

Ma quanno chisto a cquarch' uno carfetta,

Pe ppenetenza nesciuno lo cede.

Pare ch' a Mimmo paura le metta,

Na lacetta a lo scuto se nce vede.

Go la coda tagliata, e cchisto nuovo

Matto: *Quanto mme taglia, io cchiù mme move.*

Peppo, che la mogliere avea lassato,

Venette appriesso a fare lo maciello

Guappo, bello, galante, e aggraziato.

Sulo lo sconeceva lo scartiello.

Portava largo scuto nnargentato

Cò no Gammiello pinto, e sto cartiello;

Che le fece uno de grà sfonnamiento.

Chisto bavuglio mme dà cchiù ornamento.

Luccio appriesso venea, no Poetaccio,

Che non cedeva a la Musa marina,

Che de li livre nne facea scafaccio,

Pocca tutte l' aveva a la cantina;

Propio d' arraiso aveva lo mostaccio,

E ffa de li nmemmice jelatina,

E pporta ncampo russo no pegnato,

Co sto ditto: *So buono, ma affomato.*

Ver.

Vene appriesso Titone, e cchisto improva
 E lo cchiù foreiuso, e grà smargiasso,
 E schitto ch'isso na manzolla mova
 Farria ful n' Oulanno, e no Gradasso,
 Dinto la guerra fa, che ssango chiova,
 No cannone no fa tanto fracasso,
 Quanto nne face chella scemmetarra
 Quanno l'ha nmano, che maie cuorpe sgarra.
 E auto de perzona vinte parme,
 Ha mala lengua, e russo male-pilo,
 Quann'isso parla, se vanta, uh quant'arme,
 Ch'ave mannato de la spata a filo,
 Chi scapezza, chi squarta, e nmiezzo all'arme,
 De mille vite isso stroppea lo filo,
 Porta a lo scuto na Vallena, e scrive
 Chesta sentenza: *Me v' agliatto vivo.*
 Cola Jacovo pò nvitto sordato
 Se vede appriesso lo luoco accopare,
 Ch'a la guerra è accossi sproposetato;
 Comm'è sproposetato a lo pparlare;
 Porta lo scuto, ch'è miezo ncarnato,
 E nmiezzo giallo; e nce fece pettare
 No Pappagallo, e sto mutto tremenno
lo parle, e zò che ddico, no lo attenno.
 Ciccò veneva appriesso, e Ttonno, e Antuono,
 Uommene tutte de la maglia antica,
 Che ffranno cchiù ffracasso, che no truono,
 Quanno hanno a ffronte la gente nemmica.
 Mineco, Pizo, e Ccienzo stanno ntuono,
 C'hanno no core quanto a na formica,
 Peppo, e Rrazullo a la guerra azzelliente,
 Masillo, Ciullo, e Ttitta lo valente.

Nce

Nce sò duje autre Tonne, e n'altro Lollo,
E nce jeva nfra chiste la sia Rita,
Che ll' arme puro s'avea puoste ncuollo;
Ed è benuta a guerreggiare ardita.
Remmedio d'Ascolapio, nè d'Apollo
N'abbastia quanno dà chesta ferita,
E' ccierto c' ha cchiù uommene squartate,
Che no la Pasca piecore, e ccrastate.
E' balorosa, ed è cchiù bella assaje,
Solamente la guastano li diente
Chella, pe quale Troja s'abbrusciaje;
A cchesta scrofa n'assemeglia niente,
Ha na bella facciuzza verdevaj;
Ha n' uocchio, che de gatta è cchiù lucente,
E grassottella, e no poco chiantuta,
E arresemeglia a Ttolla la Nasuta.
Essa steva spannenno la colata,
Ch'era juta a llavare a le Ppadule,
E mmentre a n'auta banna stea votata,
Arrobbate le fuieno duie lenzule;
Essa strellanno, comm' a speretata
Seppe ca fuieno duie canzirre mule,
Essa s'armatte, e cchille pe ppaura
Fojettero d' Agnano into le mmura.
Lo Rrè de llà, ch'aveva de sti sordate
Besuogno, l'azzettaie dinto la Terra,
E benchè Rita l'avesse cercate,
Isso de chille la defesa afferra:
Rita perchè lo bo vedè scannate
Pigliaie la spata, e benette a la guerra,
Porta na scrofa, e scritto nc'è a lo scuto,
Voglio mennetta di chi mm' ha feruto.

Li' utemo, che benea de chesta schera
 E Smafara, che n' ha legge, nè nfede,
 Se yaveia, è zelluso, ed ha na cera
 Proprio de n' uorco, ed ha zuoppo no pede,
 Lo negrecato perchè ghije ngalera
 Perdie n' uocchio, e de l' auto poco vede,
 Non sà pparlare, e ppe direla nfine,
 E lo retratto d' arrobbà-galline.

Ma de la guerra pò, niente te dico,
 Novantanove nne vole isso sulo,
 Chisto sulo spaventa lo nemmico,
 E accravaccato và ncoppa a no mulo;
 De la vattaglia s' ascia ad ogne ntrico,
 Nè stimma lo contrario no cetrulo,
 Porta sto scritto ncoppa de no puorco:
Puro stemmato sò benchè sò spuorco.

Stette tutte a bedere Tartarone,
 E po, che fo passata sta marmaglia,
 Ncapo le venne na tentazione
 De ghire isso perzine a sta vattaglia;
 Jette nnantè a li piede a Fforeione,
 E nghienocchiato: benchè niente vaglia,
 Disse: me t' offeresco, o Rrè mio bravo,
 Io Tartarone songo, e tte sò schiavo.

Tanno lo Rrè le tenne mente nfaccia,
 E ddisse: o potentissimo sordato,
 E nchesto, dire lo vasa, e l' abbraccia,
 Llebreanno chi ccà t' ave portato.
 Mò lo nemmico contra a me zò faccia
 Che bole, ch'aggio sto grann' ommo a llato:
 E Ttartarone lo stato nfelice,
 C' ha ppassato, le scopre, e accossì ddice:
 O Rrè

O Rrè mio , tu saie buono ca partie
 Da Napole , ca diebbete nc' aveva ,
 E nTermone nSecilia me ne ghije
 Addove arreposare mme credeva ;
 Ma llà nfruscie cchiù triste nce patie ,
 Pocca all' aute sauzune mme nne jeva ,
 Si non decea lo Miedeco mut' aria ,
 Ca chesta de Secilia t'è ccontraria.
 Stette no pòco buono , e mme mmàrcaje
 Pe ghi nZardegna a trovà li pariente ,
 Ma venne na berrasca e mme portaje
 Lo viento tristo a n' Isola cocente ,
 Io llà ncoppa Vorcano nce trovaje ,
 Che ddisse : mpòppa mò piglia li viente .
 Subbeto io l' obedietie resolutu ,
 Ed a li piede tuoie songo venuto .
 Mo vego , ca li Dieie songo cojete ,
 Disse lo Rrè , ed ajutà mme vonno ,
 Mò sti sordate , c' hanno na gran sete
 De sango , satorarese se ponno .
 Voglio d' Agnano a le gente ndescrete
 Co li tammurre rompere lo suonno ;
 E ammico , tu che a cchesto sì bastantu ,
 Capo sarraie de li sordate arrante .
 Nchesto vennero a sci li sportegliune ,
 Ca già era notte , e scevano le stelle ,
 Lo Rrè lecenziaie l' aute Barune ,
 Che se jessero a nchire le bodelle ;
 Co Tartarone po a li pavegliune
 S' abbiatte contanno cose belle ;
 E po. ch' ognuno a ddormire se mise ,
 Se nzonna guerra , sango , e gente accise .
Scompetura de lo Canto Primo .

L' A G N A N O

Z E F F O N N A T O

C A N T O . S E C U N N O .



A R G O M I E N T O .

*Vace a lo Rrè de suonné la Paura ,
 E co nò tristo va à lo Rrè d' Agnano ,
 Vista de la mogliere la segura ,
 Fa conzìglio arraggiata comm' à ccano .
 De le Turte se pigliano le mmura ;
 Smasara , e Rita veneno a le mmano;
 Peppo co Cciommo , che se desfedarò ,
 Ll'uno nterra è aglittuto , e l' auto a mmare .*

N Coronata de rose , e de papagne ,
 Che de scarlato aveva la gonnella ,
 Colorenno de minio le mmontagne
 NCielo veneva a sci M' Arba novella ,
 S' allegravano tutte le ccampagne
 Venenno essa scornosa , e rossolella ,
 Memr' erve grellejavano , e sciurille ;
 Rescegnuole cantavano , e Ccardille .

Quan-

Quanno scetaiese la brutta Paura,
 Che ssemprè tremma, ed è na scura vecchia,
 Essa ave ncuollo na grossa armatura,
 Ed a ffoire sempe s' apparecchia,
 S' essa sente parlare pe ffortura,
 Pare ch' aggia magnato felehecchia;
 Lo nigro cuollo maie le stà cojeto,
 Pocc'essa sempe tene mente arreto.
 Pegliatose co essa lo sospetto,
 E lo penziero, e la malansonìa,
 La basca, co la zirria, e lo despietto,
 L'ira, e lo tremmoliccio, arrasso sia!
 Pe ttrommentà n' addolorato pietto
 La paura co cchiste fa la via,
 Penzano nprimmo, e rresolute vonno
 I propio into la grotta de lo Suonno.
 Stace lo Suonno addò sempe nc' è scuro,
 Addò sēpe nc' è notte, e maie nc' è ghiuorno,
 Nce sò ddoie porte nnante de lo muro,
 L'una de crestall' è, ll' autà de cuorno.
 Nc' è no Palazzo de crestallo puro,
 Addò vanno facenno no taluorno
 L' Ascie, e le Ccoccovaje, e nvarie forme
 Mille suonne nce stanno, e ogn' uno dorme.
 Ncoppa no lietto muollo de vammace
 Lo Rrè llozo d' adduobbio ncoronato,
 De galierè è bestuto, e se stà mpacè.
 Ronfanno comme fosse no scannato.
 Smorfeo, e Ttatone de na banna stacc;
 E Ppantaseo, e Ttaraffeo a ll' auto lato,
 Sulo remmore fa, mentre reposa
 Lo sciummo, che scordà face ogn' agosa.

Agn. Zeff.

B

Lo

Lo scetaie la Paura , e sse sosette

Lo poveriello tutto sorrejuto ,

Ferma , non te partire , le decette ,

La Paura , ch'io ccà vengo p' ajuto ,

Ma mentre essa parlava , isso se mette

A ddormire de nuovo ; e n' ha sentuto

Chello , che la Paura le contaje ,

Tanto , ch'essa de nuovo lo scetaje .

Che Ddeiaschence vuoiè , la capo tutto

M' aie , lo Suonno le disse , e sse sosle .

Io da te Suonno lo cchiù Suonno brutto ,

Le disse chella , voglio che mme die ,

Tanno lo Suonno tenne mente tutto

Lo Puopolo de Suonne , e nne sceglie

Lo echiù n'igro , e le dice , e ccapozzea ;

Vattenne priesto co sta brutta Strea .

Chisto , ch'era de sango tutto chino ,

Ed avea de Cevettola l' ascelle ,

E bommecava tutto lo venino

De sierpe , sollemato , e ccantarelle ;

Chisto , che ntra li Suonne pe Ddestino

Sempre sole portà triste novelle ,

Nfacce a Hipparco lo sango le jettaje ,

E ch'aveva a mmori le gnefecaje .

Chisto pegliaie la forma de Creonice ,

Che Pausania stropale , e ppo l' accise ,

E nghiodicio chiammaie chillo nfelice ,

E de la morte soia dettele avvisè ;

A Gracco puro ca da li nemmice

Acciso restarria paura mise ;

A Ccassio , che dormea dinto a lo muollo

Disse ; tagliato te sarà lo cuollo .

Ad

Ad Astejage , ed a Cresco compare ,
 E ad Asterio Ruffo lo Romano ,
 Ad Arcebiade , a Lucio Silla apparze ,
 Ad Amircaro puro a mmuodo strano .
 Chisto apparette , quanno Troja s' arze ,
 Na notte npante a lo grà Rrè Ttrojano ;
 Nzomma sto Suonno è accossì bestiale ,
 Che de sango , e dde muorte è lo nzegnale .
 Co cchisto Suonno schiecaièno l' ascelle
 La Paura , co tutte li compagne ,
 E perchè de lo Munno sò rrebelle
 Nfettaieno de venino le scampagne ,
 Seccattero porzi l' erve novelle ,
 Scorzèro sango li sciumme , e li lagne ;
 Cadettero le rose , e le beiole
 A tale vista , e sse scoraie lo Sole .
 Subeto s' abbiàjeno verzo Agnano ,
 E trovaieno dormenno Rotamarte ;
 Rotamarte , che ha lo sceltro nmano
 D' Agnano , che de guerra sape ogn' arte ,
 Forte ronfava : quanno chiano , chiano
 Trasle lo Suonno , e mmisose a na parte ,
 Da ll' autà se nce mese la Paura ;
 E subbeto mutaie forma , e ffegura .
 De tutto ncuoello se stese no manto ,
 E nbella straformaie la brutta cera ,
 Ed aveva lo pietro tutto quanto
 Nsangueneiato , e na feruta nc' era ;
 Da l' uocchie facea scire no gran chianto ;
 E ghiusto assemmegliava a la mogliera ,
 E mpaurenno a cchillo ommo feroce ,
 Jettaie no strillo , e po sciouze la voce .

Rotamarte lo tiempo è glà benuto ,
 Che lo Cielo de me farrà mennetta ,
 Sto core affritto , sto pietto feruto
 Sulo da Giove la Iostizia aspetta .
 Si pe ttè songo jonta a lo tavuto ,
 Mo proprio trovarraie chi te carfetta ;
 Sacce , diventarrà no lago Agnano ,
 E ttu Mallardo dinto a sso pantano .
 Lo tremmoliccio le mese a lo core ,
 Le mpizzaie ntra la capo lo penziero ,
 La basca le trasette , e lo dolore ,
 E ghiette l'ira ntra lo pietto autiero ;
 Vedenno Rotamarte appè terrore
 Sto brutto suonno , che pparzele vero ,
 Voze parlare , e lo manto l'afferra ,
 Ma strenze ombre , e ccadie zuffete nterra .
 A la caduta de lo fietto forte ,
 Se scetaie lo scur' isso pauruso ,
 Penza a cchelle ammenacce , e de la morte
 Cchiù tremma , che de l'auto temmoruso .
 Chiamma subeto , o gente , olà de Corte ?
 Corre lo Cammeriero comm'è ll'uso ;
 Ma lo Rrè niente a cchillo voze dire ,
 Ma semmolanno fecese vestire .
 Scette a la Sala , e se fece chiammare
 A Ppopa , ch'avea nomme de Janara ,
 Dinto à no cammariello reterare
 Se voze , e le contaie la storia amara .
 Mmitto Rrè , cride a mme , non dobetare ,
 Cride a la scienza mia fammosa , e rrara ,
 Le disse Popa , non c' avere fede ,
 Pocca è no pazzo chi a li suonne crede .

Lo Rrè co cchesto manco se cojeta ;
 Ca lo penziero le deva tromiento ,
 Lo sospetto , l' arraggia , e lo ncojeta
 Tanto , che lo nigr' isso n' ave abiento.
 Già schiatta, ne tenè pò cchiù secreta
 La causa , che le dà sto frusciamento ;
 E sto leione fattose coniglio ,
 Ordena , che s' aguna lo Conziglio .
 Vennero tutte quante li Barune ,
 Ch' a Rrotamarte stevano soggette ;
 E a la sala nmiezo a duie liune
 De lo grà Rrè lo trono se mettette .
 Brano aunite tutte le pperzune ,
 Quanno , che Rrotamarte se sedette .
 Ncoppa la seggia miezo nzallanuto ,
 Tutto penziere , e tutto ncepolluto .
 Nmano ha lo sceltro , e ncapo la corona
 Ave sbroffata d' oro macenato ,
 Pocca se stette zitto ogne perzona
 Disse accossì , dapò ch' appe penzato :
 Fammosa gente mia , che ssempe bona
 Fuste nguerra, e cchiù d' uno aie stroppeiato,
 Pocca ntra li penziere io sò sperdute ,
 Io ve cerco conziglio , e boglio ajuto .
 Moglierema sta notte mm' è comparza
 Co la feruta , ch' io le dette npietto ,
 Tutta la vita avea de sango sparza ,
 E mme disse accossì co grà ddespietto :
 No sperà Rotamarte , che ssia scarza
 La grà mennetta , che de te nn' aspetto ;
 Sarrita , e ccride a mme , non sarrà tardo ,
 La Cetate Pantano , e ttu Mallardo .

Sto tristo suonno manco mme spaventa,
 Ca n'aggio core accossi peccerillo;
 Ma sulo è c'hello oimmè che me tromenta,
 Ca mme vò assediare no verrillo.
 La Sciorta cierto non era contenta
 Ne strazià st' affritto speretillo,
 Facennole da chillo fare guerra,
 Mme commatte co ssuonne into la Terra.
 Quanno lo Rrè scompare, nò grà besbiglio
 Sentiste fare ntra chille Barune;
 Justo comme se sente a lo Conziglio,
 Quanno vanno a chaitare le pperzune;
 O comme quanno nc' è quarche greciglio;
 O comme sempe fanno li vespune.
 Ma da la seggia no vecchior s'auzaje,
 E tutto lo remmore accojetaje.
 Chisto era tutto janco, e na coeozza
 Era la capo, e la moletta aveva,
 Avea l'acchiaro, e ncanna avea la vozza,
 Manco nmocca no dente nce teneva,
 Era chiamato lo Dottò Scatozza,
 E lo Donato a la mente sapeva;
 Tossie, rascaie, l'acchiaro se mettette,
 S'acconciaie la caionza, e ppò decette:
 Grà Rrè, gran Capetanio, e Ssordatone,
 De chi pe mmille vale la manzolla,
 Che ntra li Campe fa destrozzeione,
 Massemamente addove nc' è cchiù ffolla;
 Se te mette paura Foreione,
 Pocca le gente noste accide, e zolla;
 Se de mestere nn'aie forza co ttico,
 Io te conzeglio a ffarettillo ammico.

Nu-

Nufrio, ch'a chisto vecchio apprietto sede,
 Janco issò puro co le mmacchie rosse,
 Sosì se voze; ma perchè a li piede
 Ne' aveva la pelagra, non se mosse;
 Puro disse strellanno: senza fede,
 Che nçe conziglie? non saie, ch'a le ~~fosse~~
 Vò ghà cchiù prieto sta famosa gente,
 Che mostrà non avè core pe nniene.
 Peppone de lo Rrè figlio cchiù caro,
 Nufrio, le disse: certo ch' aie ragione,
 Che se crede sso vecchio pedetaro
 Ca n'abbasta a commattere Peppone,
 Io puro voglio fa ncampo no Marò,
 De sango, anze lo stisso Foreione,
 Voglio ncampo chiamare pe bedere,
 Si ncontra da sto fusto isso ha potere.
 Saccio, disse lo Rrè, ca tu sì buono,
 E mmieste nguerra, ed aie la capo rosta,
 Ma sì nguerra tu puoie cchiù de no truono,
 Ll' aute ponno servire pe ssepposta:
 Si cade tu, cade perzì sto trono;
 E Ppeppone cchiù russo de ragosta,
 Sentenno, ca lo Patre ave zè ditto,
 Se zezzaie a la seggia, e stette zitto.
 Ogn' uno lo parere suo po disse,
 E ccommattere vò la meglio parte,
 Ogn' uno dice, ca farrà d'Aulisse;
 Ogn' uno crede de scacà no Marte.
 Lo Rrè ch' ogn' uno ntese, nzomma scrisse
 A ccierte ammice sue deverze carte,
 Cercannole soccurzo, e quarche armata;
 E bò, che Peppo porta la mmasciata,

letta lo hanno pò, ch' ogn' uno all'esta-
 Li scute, li lanzuottole, e bannere;
 Perchè bole vedè da la fenesta
 Passare tutte quante le ssoie schere:
 Chi s' acconcia la spata, e la valesta,
 • Chi s' arrepezza ll'arme, e le schenere,
 Siente rommure d' arme senza fine,
 E fanno tuppe tu li tammurrine.
 Nchesto s' aveva già Rrè Foreione
 Chiammate tutte li sordate antiche;
 Pocca già de pegliare sè despone
 Chella matina le turre nemmiche;
 S' afferle lo primmo Tartarone,
 E ll' altre po faceano comme a ppiche,
 Che pe se fa vedè ca so pperfette,
 Vommo a sta mpresa tutte essere aliente:
 Ma lo Rrè boze, che ssulo l' arrante
 Jessero pe ppeglià l' antiche Turre,
 • Ogn' smargiasso s' arma nn' uno stante;
 E le trommette sonano, e ttammurre,
 Abbraccia a Ttartarone lo Rrè nante,
 E ddisse, ammico sù, priesto và curre;
 A tte sulo è sarvata chesta gloria;
 Và chianta' lo Stannardo de vettoria.
 Tartarone a lo Rrè fece no ncrino.
 E sse nne jette co li mmitte Aruoje;
 Ogn' uno de valore stace chino,
 Ogn' uno vò tozzà comme a lo voje.
 • Primmo a la Torre de miezo cammino
 Lo Capetanio le gran forze soje,
 Mostare cò grann' anemo descofre,
 E mmette assedio a ttuorno de la Torre.

Pe

Pe pprimmo le mannaie le ttrè mmàsciate,
 Si renne a isso se voleano a ppatte;
 Ma lloro le resposero arraggiate:
 Commattere volimmo azzò nne schiatte.
 Vonno, isso dice: cierto ave mazzate
 Sto uommene valoruse, che sò mmatte,
 Assautammo sù, dice, e nchesto dire
 Ogne sordato se mette a ssaglire.

Chille d' Agnano stanno a la difesa,
 E ttirano pretate, e ccarosielle;
 Ma chiste ccà, pe bencere la mpresa,
 Parevano ch' avessero l' ascelle.
 Na preta a Llollo la capo le pesa,
 E ffece a Tritta scì le cellevrelle;
 Ma Lollo co na frezza a Spinaronte
 Le couze justo nmiezo de la fronte.
 Luccio saglienno: ah ccornute vegliacche
 Decea, e ncapo se tenez lo scuto,
 Figlie de tore, e ghienimma de vacche,
 Male pe huie io songo ccà benuto.
 Quanno semette fare tricche tracche
 A la scala addov' isso era sagliuto,
 Pe non cadere a la scala s' afferra,
 E zuffete cadle de culo nterra.

Tonno na scala de cinquanta parme
 Se piglia nmano, e l' appoja a le mmura,
 Lo scuto ninauza, e disse nfra ches' arme
 Lo core cchiù se grolia, e n' ha paura:
 Ncoppa lo scuto aveva diece sarme
 De prete, e de sagli perzi precura;
 Ma Vufaro la scala tanno arrassa,
 E Ttonno cade, e tutto se sfracassa.

Micco teneva nmano na bannera,
 Ed era sopra la Torra sagliuto;
 Li nemmice vedенno chella cera
 Foievano strillanno: ajuto, ajuto.
 Tronto le resesteva, e isso s'era
 A no miergolo appiso ntrattenuto;
 Quanno nce venne llà lo grà Scarfascio,
 E lo fece cadè zuffete a bascio.

Tittone de galera co ddoie ntenne
 Fece na scala, ed a ssagli accommenza,
 Quanno volanno na preta le venne,
 Che lo lassaie quase de sienze senza.
 Ma benchè a bascio vrocioIAMO scenne,
 Torna a ssaglire co cchiù biolenza,
 Ed ave tanto core, e ttanto ardire,
 Che bole proprio vincere, o morire.

Comme chi solè ontato de sapone
 Sagli lo Maio, e ddesprezzà la vita,
 E pe guadagnà sulo no cianfrone,
 Cerca la morte, e la sciorta nterrita,
 Accossi ogn' uno benchè fuie potrone,
 Caduto ch' eie, co cchiù boglia ardita.
 Torna a ssaglire, e cchiena è già la fossa
 De muorte, e ssango, e de cervella, e d'ossa.

Anema Rita li sordate, e nzegna
 Lo muodo de saglire, ed essa piglia
 Na scala longa, ch'era de vennegna,
 Ch'a li nnemmice fece areà le cciglia.
 Da l' Arfiero se piglia po la meгна,
 E ppare che de Giove sia la figlia,
 E cco tal' armo sagliette a la Torre,
 Che lo jaio pe l' ossa a ogn' uno scorrer.

Tar-

Tartarone dapò da l'auta banna

De la Torre arrevato è già a la cimma,
Chi scapezza, chi smafara, e cchi scanna;
Tanto ch' ogn' uno no Marte lo stimma;
Ogne nemmico tremma comme a ccanna;
Perchè ave umano de la Morte grimma
La fauce, e ttanto che maie nò scennette:
Che no nn'accise pe lo manco sette.

Resistere non ponno li nnemmicc,

Vonno foire, ma non sanno addove;
Cadeano da le mmura li nfelice:

Iusto iusto comm'acqua quanno chiove;
Chi la contraria Sciorta nne mmardice,
E cchi chiamma 'nn ajuto Marte, e Giove;
Ncoppa a la Torra Tartarone arriva,
Mpizza la szegna, e grida viva, viva.

Ed a lo stisso tiempo la sia Rita

Ncoppa la Torra mpizzaie lo stannardoc
Ogne Sordato desprezza la vita,
E ssaglie ncoppa a ffare lo mmasardo!
Ma Rita scese: o veramente ardita!

Menanno chillo fierro assaie gagliardo,
E ghiente a bascio ad aprire le pporte;

Strellanno: sango, strazie, guerra, e morte.

Traseano li smargiasse comme a llava;

E ghievano attaceanno li sordate;

Ma no giovane bravo contrastava

Le stanzie azzò non fossero pegliate;

Ntra li nemmicc la spata menava;

E cchiù de diece nn' avea stroppeate;

Quanno ccà Rita venne, e se ne sparta,

Ca vede a uno contra de cinquanta.

Sù fermatevi, dice a li valiente,
 Non affehnute cchiù sto Cavaliero;
 Riennete a mmenne, o giovene potente,
 Ca si vuole contrastà, si no sommiero,
 A tte, disse, mme renno, e rreverente
 Le diè la spata, e llevaie lo commiero;
 All' ora Rita nce perdie lo core.

Ca chillo sott' all' arme era n' Ammore.
 Ma Smafara, ch' aveva contrastato
 Isso lo primmo co lo gioveniello,
 A Rita disse: io m' aggio guadagnato
 Ghisso, nè trù puoie vincere st' appiello;
 Respose Rita: facce de crastato,
 Orà chesto mò sì ca sarria bello?
 Isso pe ccortesia a mme s' è riso,
 Poca a ches' ora tu sarrisse acciso.

Non te crederé segna Sordatessa
 De te fa ricca co la robba d' auto,
 Disse Smafara: e ttanno respose essa:
 Tiente chi mme vò fare lo smasauto;
 Viene ncampagna sù vocca de sguessa,
 E nchesto dire scette de no sauto,
 Smafara le vò apprisso, e ppe na via
 Jettero ditto de na massaria.

Chiude la porta dapò ch' è ttrasuta
 Rita, azzò che non benga nullo appriesso,
 E botatose a cchillo resoluta,
 Sù via, le disse, ch' aie da morì ciesso.
 Smafara caccia la spata appuntuta,
 Ca lo spengeva a cchesto lo ntéresso;
 Vanno a la guerra tutte due costante,
 L' uno, ch' è ntéressato, e l' autà ammante.

Ncop-

Ncoppa de lo commiero na gran botta
 Rita a Smafara dette, e lo stordie,
 Torna nse stisso, e de la zizza sotta.
 Smafara a Rrita doie deta coglie:
 Lassano l'arme, e beneno a la llotta;
 Ma Smafara, che zuoppo era, cadie,
 Ma a la mpressa se sose da la Terra
 Piglia la spata, e tornano a la guerra.
 Ntra stò mentre avéa ditto no Sordato
 A Ttatarone de lo grà doviello,
 Isso a no paveglione carcerato
 Subbeto nne mannaie lo gioveniello,
 E a la ncorrenno llà se fu abbeiato
 Co Ttonno, e Cciceo, co Rrienzo, e co Lliello,
 Sapenno addò faceano a ccostejune
 Scassaie la porta, e le mmannaie presune.
 Lo Rrè d' Agnano ntanto stea facenno
 Dinto de la Cetate già la mosta,
 E ppassa nprimmo Mase lo tremmenno,
 Che n'auto paro non ave a la ghiosta,
 Anemo a li Sordate và facenno,
 E no grann'armo, e no gran core mosta,
 N'ainiello ave pe nzegna, e dduie crastate,
 Ed ha d' Agnano duie milia Sordate.
 Veneva appriesso Pacicco lo bravo,
 Ed ha seiciento Sordate valiente,
 Che ssongo de Chianura, e dde Soccavo,
 E cche la vita stimmano pe nniente;
 Chisso Pacicco figlio era de Schiavo,
 Ma a la guerra rescie troppo azzellente,
 Và isso, e bà la ggente tutta allegra,
 Ed ha pe nzegna na ricetta negra.

Ca-

Carella ave la gente de Marano,
 Che ssongo quattrociento fante a ppede,
 Porta pettato nmiezzo de no chiano
 Co li mborzune de fico no pede.
 Lillo po co le gente d' Antegnano
 Lo luoco appriesso accopare se vede,
 Che songo mille, e ncampo verde cupo
 Porta n' aimiello nvocca de no Lupo.
 Veneno appriesso pò Stracqua, e Schirosso,
 Ch' ave tre milia Sordate de Quarte,
 E secotava po Ncicco lo gruboso,
 Che la Zappa lasszie pe fare st' arte:
 Veneva Ciullo co grann' arme adduosso,
 Che de tutte li guappe è ccapo parte,
 E pporta ncampo gente veterana
 Co na campana, e ssongo de Campana.
 Aveva appriesso da passare ancora
 Cesaro, ch' era nceguso, e ssaccente,
 Ch' avea raccuoto solamente a n' ora
 De Marianella, e Ppolleca la gente;
 Avea da secotare Lanzafora,
 Che pportava Sordate cchià baliente,
 Che sò l'arrate, e nfra ll' altre nc'è Arrocchia,
 Grà nemmico de Rita, co Scartocchia.
 Quanno chiagnenno Vufaro trasle
 Tutto chino de sango, e stroppeiato,
 E a lo Palazzo de lo Rrè venie
 Decennolesio Rrè sì arroienato,
 Fanno li nuoste nemmice resle:
 Vecco le Turre s' hanno già ppegliate,
 E Ttartarone de cchià raggia chino
 Pegliaie la Torre de mezzo camminata
 E muor-

E muorto aimmè srommaso Spenaronte,
 Scarfascio ha avuto puro male juorno,
 Rita de cuorpe muorte fice monte,
 Benchè ciento nemmice aggia d'attuorno;
 Trippa, tutto sentennese lo fronte,
 Se jettaie zuffe a bascio pe grà scuorno;
 Ma chillo, che fa cchiù destrozzeione
 E lo forte, e balente Tartarone.

Io contà non te pozzo, o Segnò Rrè
 Quanta ne strippa, a. e. quanta morte dà,
 Nfila a no cuorpo pe lo manco trè,
 E isso sulo cchiù de mille và,
 Pare, che flosse a ttiempo de Noè
 Ca lo delluvio a lo vraccio chist' ha,
 Crego ca Achillo comme a isso fu,
 Aseno songo si nce ntorzo echil.

Sentenno Rotamante chist' aviso,
 Comme a echillo restaie, che ssente nova,
 Che lo poscratie deve essere mpiso,
 E ntra lo core già dolore prova;
 Fattose giallo, e scoloruto nviso:
 E' ppossibile, disse, oimè che echiova
 Le disgrazie a' mme Sorte sinistra,
 E de guaie sò na chiaveca maiestra?

Commenza a fa na trivolo vattuto,
 E cchiagne co lo Rrè tutta la Corte,
 Ognè Ssordata è d'anemo perduto,
 E se scicca la face, e strilla forte:
 Averriano le flemmene storduto
 Le pprete, pocca temmeno la morte,
 Pe tutto Agnano se senteno strille
 De femmene, de yiechie, e ppeccerille.

Ma

Ma Lanzafora Capetanio nvitto

Disse a lo Rrè, ed accossi te pierde?

Lo chianto tuo fa stà sto Regno affritto,

E ppuro la speranza ancora è berde,

Pare, che ssinghe n' ommeniello guitto,

Pocca dinto a li guaite te ntriche, e spierdè,

Torna nte stisso, lassa lo dolore,

Armo nce volò, o Rotamarte, e ccore.

Peppo già s' è ppurtuto pe Mmajure,

E ajuto portarrà, chesto lo scaccio,

E ffarrà de sti guitte tradeture.

Chillo puopolo nvitto grà scafaccio.

Non te perdere, o Rrè, ntrà li dolore,

Confida, agge speranza a cchisto vraccio,

Ch'io mme confido nguerra Foreione

Acciso de portarelo, o npreone.

Co cchesto manco lassa lo sciabbacco.

Lo Rrè, ma va cadenno nzallanato,

Decenne: o che bregogna, oimè, che smacco?

O bell' Agnano mio, t'aggio perduto:

Va strellanno, e decenno, o gra Dio Bacco,

Tu mme protiegge, e non me duone aiuto,

E nzorfato è accossi lo Rrè d' Agnano,

Comme quanno mbreaco stà Trojano.

Trojano, quanno lo vasciello è echino,

Sbruffa, ha ll' occhie russe e ba cadenno,

Piglia tabacco, e bommecca lo vino,

E sproposete sempre va decenno,

Nmeste a conca le vene da vecino,

E catubba catubba vè facenno,

Ntroppeca, e ffa palillo ad orza, e a poggia,

Rotamarte accossi va pe la loggia.

Ma

Ma lassammolo nuie stare marfuso ,
 E ttornammo a Rritella carcerata ,
 Che stace eo lo core addoloruso ,
 Pocca la poverella é nnammorata ,
 Lo sperone c'ha npietto , ch'è ammoruso ,
 La fa trottare comm' a speretata ,
 Ma tanto n'ha dolore de le ppene ,
 Quanto ca lontan'è chi vole bene .
 O bella facce mia (la poverella
 Steva decenno) e ccomme non te vègo ;
 Quale tristo chianeta ; o quale stella
 Azzò , che mme te mosta , io scura prego ;
 Quanno vedietta chessa facce bella
 Me scippaste lo core , e ccierto crego ,
 Che fu no suonno , ca te viddo appena ,
 E ppe no suonno senco tanta pena .
 Che ssuonno ? sto mbreaca , oimè fo beglia .
 Lo bedere ssa facce janca , e llusta ;
 Tanto ch' Amore mme dace la veglia ,
 E cco li lazze m' attacca , e mme frusta ;
 Chella facce , ch' Ammore arresemmeglia
 Pecchè da me l' arrassa , o sciorta nghiuista ,
 O gioja mia , o negra sciorta averza ,
 Appena te vediette , e t' aggio perza .
 Manco conciesso mm'è , comme se chiamma ,
 Sapere chi npotere ave sto core .
 Ed a che punto mme fegliaste , o mamma ,
 Pe mme fare abbrosciare ntra st' ardore ?
 Mara me , ca me sò scoperta a rramma ,
 Quanno sprezzare mme credeva Ammore .
 Accossì sta chiagnenno Rita bella ,
 E sse scicca , rascagna , e sse scervella .

Ma

Ma nuie tornammo de lo Rrè a lo figlio;
 Che già d' Agnano avennose atrassato,
 Pe n'esse canosciuto jea nzenziglio
 Co lo brocchiero, e cco la spata a llato;
 Jea guatto guatto comme a ne coniglio,
 Tanto ch' a la marina fo arrevato,
 E na galera lesta nce trovaje,
 E dda la Terra subeto sarpaje.

Mentre pe Mare vace cammenanno,
 E dda la Terra d' Agnano s' arrassa,
 Parea, che ghiosse la varca volanno,
 Tanto ch' erano già vicino a Mmassa:
 Ma Ciommo, che galere stea consianno,
 Vede la varca, che lontano passa;
 Ciommo, che hà pe eciente cu la spata,
 Ch' era lo Gennerale de l' armata.

De Foreione è frate consoprino
 Ciommo, e ttenette mente a la banneria;
 E bedde quanno steva cchià becino,
 Ca la nzegna de vruccole non c' era;
 Vierzo de chella pegliaie lo cammino,
 Trovannose allestuta na galera,
 E ttanto fece terare palata,
 Che cquase la Galera ave arrevata.

Peppone disse: chesto nce volea,
 Pe mme fa ntrattenere lo veiaggio,
 Vengano l' arme sù, priesto, che bea
 Chisto verrillo, chello che ffarraggio;
 E ttutte l' arme nchesto se vester,
 Ch' apparecchiate l' aveva no paggio.
 Ciommo perzine fe facette armare,
 E benne le galere a ccontrastare.

Se

Se fecero na sàrva de saette,
 E ase mmestieno po co li sperune;
 Tiratte Ciommo na frezzata, e gghiente
 Nfilanno pe ffi a ccinco sordatune;
 Ma Peppo stroppiajene passa sette
 Co ppretate, e li meglio smargiassune;
 De sango tutto se regnie lo maro,
 E le ggalere nfine s'abbordaro.
 Se jeano danno fuoco, e nzaetate,
 Lo fummo fecea commo a na montagna,
 Ma lo vanno astutanno li forzate,
 E cchi fuie, chi perde, e cchi guadagna;
 Cierte mostà se vonno da sordate,
 Ma 'quarc' uno lo cuoiero se sparagna.
 Ne' è de tammurre, e de trommette suone;
 E ffanno facce l' uommene cchià buone.
 Peppo menava chella grà spataccia,
 Che pparea propeio, che mmetesse grano;
 Chi accide, chi scarpisa, e cchi scafaccia,
 Nè ttira cuorpo maie, che rresta vano,
 Da isso' ogn' uno votava la faccia,
 E crede avere la vittoria nmano,
 Quanno sente eh' a pproda fa fracasso
 Ciommo, ch'è no terribele smargiasso.
 No stémmau lanzuottole, e spontune,
 A cchi spacca, a cchi squarta, a cchi scapezza,
 De li cchiù baloruse sordatune
 A cchi dà npietto, a cchi la capo spezza,
 Peppo le strilla: eilà piezze d' Anchiane,
 Oie Mammalucche, o uommene de pezza,
 Sperate de foire a cquale lide?
 A lo mmance vedue chi v' accide.

Pe-

Pegliata de Peppone è la Galera ,

Isso lo sente, e ghietta no grà strillo ,

Vede a bascio cadè la nzegna autera ,

E ddice : jente mme vence no chiattillo ,

Vede de lo nneimico la bannera

Nnauare , e zompa comme fosse grillo ,

E ccrede Ciommo de fa l da sotta ,

Tirannole a lo pietto na gran botta .

Ciommo lo scanza , e sse face da banna ,

E le responne , te, pigliate chesso ,

Teranno no scennente , e ccomme a ccanna

Peppo chiegaiese , o comme no cepriesso ;

S'auza de nuovo , e nnuovo cuorpo manna

A Cciommo , e Ccioño le responne appriesso ,

E ddice : non t'arrieune , ca vuoie fare

Da cannela che luce a l'astutare .

Non si tu , dice Peppo , ma li Dieje ,

Che mme se ccontra , e li sordate tuoje ;

Che si potrunè sò state li mieje ;

Sulo de chesto grolia te puoje ,

Commattimmo nuie sule , e ssi tu rieje

Contra de me , vantà da po te puoje ;

Ma si mo contr' a mme la meglio nn'aje ,

E pecchè mmeglio accompagnato staje .

Puro fuorfece , fuorfece vuoie dire ,

Le disse Ciommo , puro si nzolente ,

Te vide npizzo npizzo de morire ,

Et è ssa lengua rasulo tagliente ;

Ma pe mmostrare , ca non puoie foire

De restare da me vinto , e pperdente ,

Pocca aie tu de morì ssa voglia fresca ,

Nterra jammo , e la guerra se fornescà

Cona

Contiente de sto fatto tutte duje
 Le ggatere votaieno naniero Terra,
 E ppe mmostà ca non so arranca, e ffuje,
 Conciano l' arme, e allestano la sfera)
 Vecino terra deceutero: a nruje
 Chisto sia lo steccato de la guerra,
 E ecomme a caperrune sengolare
 Nterra Crapa se jettero a scornare.
 A mmuodo lloro spartieno lo Sole,
 Pocca llà non ce vozeno patine.
 E ppe ffare de fatte, e non parole
 A le spate venettero pe ffine:
 Peppo arraggiato, che scompere vole
 Chella vattaglia, e benne ccà porzine
 L' aggravio, le tiraie na grà stoccata,
 Che comme chirchio facese la spatà.
 Pocca Ciommo lo scuto mese nnante,
 E la stoccata ricevìo llà ncoppa;
 E no scemmente dettele pesante,
 Credenose de farenne na stoppa;
 Se ncanano, e li cuorpe songo tante,
 Ch' uno te dice massa, e ll' auto toppa,
 Vene uno nnante, e ll' auto se fa sotta,
 E dda le spate veneno a la llotta.
 Ora chi po contà li strammazzune,
 Co li serra poteche, e pparapiette,
 L' ancarelle, le ppunia, e sbottorune,
 Ma Ciommo da la terra se sosette;
 Peppo se sose, e pperchè tarda cchiune
 Ciommo, cchiù de no cuorpo le mettette,
 Ma mentre stace a seconnà le botte;
 S' apre la terra, ed a Ppeppone agliotte.
 Com-

Comme sole restà lo peccerillo ,
 Quanno sole vedere lo mammoni ,
 Agghiajato , accossì rommase chillo ,
 Ch'avea gran core , ed era smargiassone .
 Arrecciare se sente ogni ccapillo ,
 E no piezzo restaie comme a ceestone ,
 E a cconca steva a bedere la guerra
 Lo tremmoliccio subito l'afferra ,

Pocca Ciommo nse stisso retornaje
 Disse: Compagne chisto è cquarche ncanto ,
 E li Sordate suoie tutte anemaje ;
 Ma isso è cchiù allordato de lo schianto .
 Nvarcaiese , e la galera arremorchiaje ,
 Facenno li presune dappio chianto ;
 Ma mente groleiuso de ntrà spera ,
 S'apre lo maro , e aglionte la galera .

Scompetuta de lo Canto Secunno .

D E

L' A G N A N O

Z E F F O N N A T O

C A N T O T E R Z O.



A R G O M I E N T O.

*Fuie lo presone, Arrochia è ssecotato
 Da Tartarone, a cchi arrobbate lo scuto;
 Se sperde, se nnammora, e ddesfedato
 Co lo ncogneto resta ascevoluto;
 Parla a la mamma a la Nfierno arretrato
 Peppone, ed ave gran duone da Pruto:
 Tartarone, e chill' auto songo schiave.
 Ciommo parla a Nnettuno, e ll' arme nn'ave.*

L O Gioviniello, che gghie carterato
 Steva attaccato ntra lo Paveglione,
 E nce steva a la guardia no Sordato,
 Ch'era troppo valente mbreacone;
 Dapò che cchisto s'ebbe mborracciato,
 Se jetta nterra, comme a no cestone;
 Chisto, mentre dormea, chillo se scionze,
 Fece netta paletta, e sse la couze.

Tanto

Tanto se mese forte a ccammenare ,
 Ch'addove jeva manco s'addonaje ;
 Ma po a la fine vennese a stracquare ,
 È de n' arvolo sotto se coccaje ;
 A li guaie suoie mesese a ppensare ,
 E ppenzanno , penzanno appagnagnaje
 L' uocchie tantillo , e subbeto se stese
 Ncoppa de ll' erba , ed a ddormì se mesè.

Nchesto Scartocchia s'avea dato vanto
 D'arrobare lo scuto a Ttartarone ,
 Ch'era composto contra d'ogne ncanto ,
 E sse groleia co grà presonzione ;
 Ntiso aveva lo fatto tutto quanto
 Da Popa , ch'ave commertazione
 Co Ffarfariello e ttanto seppe dire ,
 Che Scartocchia a la mpresa fece ire .

Chisto vestì se voze tutto d' arme
 Da capo a ppede , ma senza lo scuto ,
 Avea na lanza de cenquanta parme ,
 E sse jette abbejanno sorrejuto ;
 A Ttartarone manna a ddì , che s' arme ,
 Ch'è no smargiasso noviello venuto ,
 Che le vò proprio sperciare la pauza ,
 Vedenno s'isso è buono a spata , e llanza.

No stette tanto ad azzettà l'afferta
 Chillo grà ommo , e cchiamma lo scutiero ,
 Subeto la perzona l'è ccoperta
 De cosciale , de pietto , e de cemmiero ,
 Restarrà comm'a n' aseno a la llerta ,
 Disse : sto presentuso Cavaliero ,
 Vederrà si de isso aggio paura ,
 O ssi peglià le saccio la misura .

Cer-

Cerca a lo Rrè leciencia , e lle decette ;
 Va vince , o sciore de tutte l'Aruoje ,
 Isso na lleverenzia le facette ,
 E s' abbejatte co l'ammice suoje ;
 Quanno a lo luoco a ll' utemo jognette
 A lo nnemmico disse : eilà che buoje ?
 Tu si benuto pe ssenti lo schiuoppò ,
 O nigro tene , ch' aie campato troppo !
 Le responne Scartocchia : co avantaggio
 Non mme venire , ma jammo de paro ,
 Jetta sso scuto , ca te mostarraggio .
 Lo grà balore mio famuso , e rraro ;
 Saccio ca viene (e dde chesto m'arraggio)
 Co lo scuto ncantato , o fattocchiaro .
 Face pelea no Cavaliero arrante .
 Co ll' arme , e spate sì : nò cco fì 'ncante .
 Gammato fritto addeventaie pe ll' irà
 Chillo grann' ommo , quanno chesto ntese ,
 E ncepolluto lo scuto se tira
 Da lo vraccio , ed a n' arvolo l' appese .
 Chesta facenno lo cavallo gira ,
 Decenno : Cavaliero descortese ,
 Mo vedarraie si ccà te dò la morte ,
 Si so li ncante , o chisto vraccio è forte .
 Ma quanno no tantillo fo arrassato ;
 Scartocchia s' accostaie mmiero lo scuto ,
 E avennolo da l' arvolo sceppato ,
 Joca de sprone , e ssubbeto è ffojuto ;
 Tartarone deceva correvato
 Correnno : ferma figlio de cornuto ,
 Strellava ogn' uno : ferma , para , piglia ;
 Ma chillo aveva fatto ciento miglia .

Agn. Zeff.

C

Le

Le jeva Tartarone sempe appriesso ;
 Ma chillo se nfoscaie dinto a lo vosco ,
 E Tartarone de dolore ciesso
 Disse : vattenne và , ca te canosco ;
 No juorno de t' avè , si mm' è conciesso ,
 Farraggio sì ; ma contr'a cchi me nc'osco ?
 Io cierto aggio sgarrato lo cammino ,
 E ntra la stoppa paro pollecino .

Potta de Bacco , deceva , mannaggia ,
 Puoie dire ch' aie gabbato Tartarone ;
 E mentre cchiù se nfosca , e cchiù s'arraggia ,
 Quanto a n'otra era fatto lo premmone ;
 Le ngrossa la polletra pe l'arraggia ;
 Ma ntra lo vosco cchiù s'ascia presone ;
 Ora mentre la strata non sapeva ,
 Sente na voce , ch' accossi deceva .

Povera Pimpa scura , e a quale stella
 A cchisto Munno tu sciste a la luce ,
 Addonca pe na facce tanto bella ,
 Poverella a mmorì mo t'arredduce ?
 De sequì Amore è mmeglio avè na zella ,
 Che credive magnà castagne , e nnuce ?
 Pe dapò pasto nce volea de pene
 Cicere de Copinto , o mara tene .

Ausolea lo taluorno , e chiano chiano ,
 Tartarone accostajesele vicino ,
 Quanno vede corcata ntra lo chiano
 Na giovenella , che stea a ll'erva naino ;
 Mprimmo maravegljà l'abeto strano
 Lo fece , ch' era vestito ommenino :
 Ma a lo pparlare l'appe canoseiuta ,
 Che d' ommo era na femmena vestuta .

C A N T O III.

51.

Le tenne mente nfacce : o mamma toja
 Primmo t' avesse fatto morì nfoce ,
 Acciso meglio t' avesse lo Boja ,
 Che sta soggetto ad Amore feroce;
 Ammore non sa dà ch'affanno , e annoja;
 Non dà contiente maie , ma sempe nocca;
 Rommase nfine da chella ncantato ,
 E sferuto restaie , muorto , e ccecato.
 Mo sì ca lo valone è ghiuto a mmitto ,
 Mo sì ca la bravura è già barata ,
 O maro tene nnegrecato , e affritto ,
 Mo sì a lo fummo appennarraie la spata :
 Tene mente lo scuro , e sse stà zitto ,
 E avuto ha da chill' uocchie na frezzata ,
 Che lle dà tanto male , e tanto fuoco ,
 Che pe no piezzo strellarrà : mme coco .
 Pocca tornaie nse stisso , voze dire
 Le sciamme soie ; ma chella auza lo pede ,
 Se mette comm' a frugolo a ffoire ,
 Ne stampa nterra lassare se vede ;
 Isso lle corre appriesso , e steva a ddire ,
 Fermate , ferma , ed arrevà la crede :
 Ma mentre corre , e ssecota l'ammata ,
 N' auto sordato le romple la strata .
 Non accossine lo cane arraggiato
 Sbruffa , mòzzeca , abbaia , e strilla forte ;
 Quanno-da peccerille è ssecotato ,
 Ch' a cchi mmatte le dà la mala sciorte ;
 Comme s' è Tartarone nvenenato ,
 Ca vede le speranze ca so ccorte ,
 Comme se sente abbottà lo premmone ,
 Vedanno ca l' è ccorto lo jeppone .

Contra de chillo la spata cacciaje ;
 E cchillo puro lesto mese mano ;
 Fo Ttatarone primmo , che tteraje
 Credenno de mannarelo a lo chiano :
 Chillo lo cuorpo subbeto scanzaje ,
 E rresponnette : zitto mo te sano ,
 Si tu co mmico te la vuofe pegliare ,
 Aie pegliato grà llino a ppettenare .
 Songo tutte duie fuorte , ed anemuse ,
 Hanno tutte duie core into a lo pietto ;
 Se danno cuorpe tanto foreiuse ,
 Ch'ogn' uno disse nne po sta a lo lietto ,
 Pareno juste duie gatte geluse ,
 Che lo Jennaro pateno despietto ,
 Ed a la guerra tutte duie ncanate
 Tozzano , comme fòssero crastate .
 A la facce fa nfenta da terare
 Tartarone , e dapò couze a lo pietto ,
 Ma quanno chillo lo sango sghizzare
 Se vedde , le pegliaie tale despietto ,
 Che bole co no cuorpo termenare
 La guerra , e ccouze ncoppa de l' ermetto ,
 Tanto , che Ttatarone se chiegaje ,
 E da la botta storduto arrestaje .
 Torna nse stisso , e ttira no scennente ,
 Po dà de ponta , e a lo vraccio le coglie ;
 Ma chillo pe non essere perdente
 Tutta la forza a ll' utemo arrecoglie ,
 E tteranno na botte assaie potente ,
 A lo nnemmico dà tromiente , e ddoglie ,
 Ed a le botte de sta granne guerra
 Ntronaie lo monte , e nne tremmaie la terra .

Tira no cuorpo tutto resolutò

**Stezzato Tartarone , e nno le resce ,
Pocca lo cuorpo de taglio sagliuto ,
Scese de chiatto , ed a cchillo stordisce ;
Ma isso pe lo sango , che ll'è sciuto
Cade appriesso , e pporzi s' ascevolesce ;
Ogn' uno è nterra , e de sango sta tinto ,
Ne se po dì , chi è bencetore , o vinto .**

Lassammo chiste , e ttornammo a Ppeppone ,

**Ca la terra agliottuto se l'aveva ,
Isso trovaiese ntra no cammarone ,
Ed essere già muorto se credeva ,
Ma le pareva suenno , o vesejone ;
E beccote ca nuante se vedeva
Na vecchia tutta de sango allordata ,
Co ll' uocchie de scazzinma , e scartellata .**

Peppo s' era agghiajato , e no grà strillo

**Jettare voze , ma morette nfoce ,
Arrecciare se sente ogne ccapillo ,
Volea parlare , ma no sceva la voce ;
Essa decette : e che ssi peccerillo ,
Aie ssa paura , e ssi n' ommo feroce ,
Io te voglio ajutare , e cche te cride ?
No mme canusce , e Ppopa toia non vide ?**

Tanno Peppone le tenette mente ,

**E ttornaiele a la facce lo colore ,
E le decette : o femmena azzellente ;
Non tremma de mill' uommene sto core ;
Ma de lo brutto Zefierno fetente
Io te confesso , ch' aggone terrore ,
Addonca famme sorzetare nterra ,
Ca voglio ire a scompere la guerra .**

Mo staie mbreiacò , chella le respose ,
 Chillo sopra de te nc' avea cobiù sciorte ,
 Perzò pregale Protone , e t' annascose ,
 Isso ccà dinto , pe scappà da morte .
 Viene co mmico saparraie gran cose ,
 Viene a lo Nfierno , ma sta sempe forte ,
 Demosta a tutte , ca paura n' aje ,
 E da Protone gran duone averraje .
 Accossì ddisse ; e ddettele la mano ,
 E s' abbeiajeno pe na grotta scura ;
 E ccammenanno accossì chiano chiano ,
 Vennere a scire nmiezo a na largura .
 Levano cammenanno pe lo chiano
 Tanta Demmuonie co brutta figura ,
 E nmiezo a tutte co no brutto aspetto
 Nc' è Mecera , Tresifona , ed Aletto .
 Nce so l' Arpie , nce so li Gergione ,
 Nce so le Sfince , nce so le Chemose ,
 Nce so Dragha , Serpiente , Urze , e Lleione ,
 Co Bipare , Ceraste , Idre , e Ppantere ,
 Nce songo Coccodrille co Gorgone ,
 E Anfesebene co tant' aute fore ,
 Nce sò ccane arraggiate co Ccentaure ,
 Laterte , Vasalische , e Mmenotaure .
 Vedenno chiste , mesese a ffoire ,
 Già schiantato , e sorriesseto Peppone ,
 E la via non trovava de m'ascire ,
 Ma Papa le stellaie : fermate , anchione ,
 Si non te lo mpar' io , non saie addò ire ,
 Piezzo de varvajanne , maccarone ,
 De chi aie paura ? non saie bestiale ,
 Ch' ombre so cchesto , ne tte fanno male ?

Be-

Bene mio ; Popa mia , si vago nnante
 Nce resto muorto ; Peppone responce ;
 Popa decette : Zi , de che te schiante,
 Si co mmico , che ccosa te confonne ?
 Jammo a lo sciummo , ca lo navecante
 Caronte nc' ave da passà pe ll' onne
 D' Avierno , e ddanno le vace confuorto,
 Ma Peppe de lo schianto è mmiezo muorto.

A la ripa jognettero pe ffine
 Addò scorre lo sciummo d' Acaronte ,
 Nc' è no delluvio de aneme meschine ,
 Che pe ppassà n' hanno monete pronte .
 O quanta forza , ch' hanno li zecchias :
 Nullo senz' isse vo passà Caronte ;
 L' oro nfi stimmato è ntra gente mporta,
 Nazzuma è la chiave ch'apere ogne pporta.

Popa a Ppeppo decette : no zecchino
 Allesta pe ppagà lo varcaiuolo ;
 Isso decette : io pe no carrino
 Mo nnante me mpegnaie lo farrajuolo ;
 Essa pegliaie no piezzo d' oro fino ,
 Ed a Ccaronte nne pagaie lo nuolo ;
 La varca Peppo saglienno , e la Strega ,
 D'acqua s'anchiette , ed oramaie s'annega.
 Caronte avea la facce propio d'Uorce ,
 Senza capille , e avea lo scartiello ,
 Ha pe mmostacce setole de puorco ,
 Co ll'uocchie de scazzimma a zennariello ,
 E ttutto vavejato , e ttutto spuorco ,
 Ha no vestito po , ch' è ttanto bello ,
 Gh' appennere nce pote lo Zefierno
 Tutte le ffuse , che stanno a lo Nfierno .

Le fissa dico , che tene la Parca ,
 Che sta felanno all'uommene le bite ,
 Ed a cche sserve nascere Monarca ,
 Si a no filo mortale appise site ?
 Da l'acqua de sto Munno non c'è barca ,
 Che nce pote sarvà , ne lo ccredite ;
 Chi è fforte , vértoluso , granne , e bello ,
 Ntra la fossa ha da fa lo papariello .

Scennette nfine co Ppeppo a lo lido
 Popa , e ssentette abbaiare lo cano ,
 Che ffacea tanto forte , strillo , e grido ,
 Che nne ntronava lo monte , e lo chiano .
 Peppo decette : io mo non me confido
 De passà nnante ; e Ppopa pigliaje nmano ,
 Na pizza , ed a lo cane la jettaje ,
 Che se stie zitto , e po nnante passaje .

Vedeno li superbie , e ppresentuse ,
 Che se credeano de volà tant'auto ,
 Saglire a ccierte munte scarrupuse ,
 E da llà ncoppa po fare no sauto :
 Nce so porzi li vanagroliuse ,
 Che se credeano d'essere de smauto ,
 No serveziale a cchisse pe ttromiento .
 Comme a ppallune abbottale de viento .

La pena appriesso nce sta de l'avarò ,
 Che dte treciento muorze a no fasulo ;
 N'auto Dio canosce de lo denaro ,
 E nchisto la speranza avette sulo ,
 Chisto patesce no tromiento raro ,
 Ch'a bere le danno into a n'arciulo
 Ll'oro , co zurfo , e co ppece squagliato ,
 E la pena chest'è de sto peccato .

La

La pena nc' è dde li lussurejuse,
 Che s'arzero p' Ammore, so abbrusciate:
 Chille, che dd' ira fuieno regnoluse,
 Da ll' urze, e dda li cane so stracciate.
 La pena de mbreiache, e ggolejuse,
 E' magnà ruospe, e bipere arraggiate;
 Ed a cchi pe la nvidia appe dolore,
 Da l' aucielle magnato ll' eie lo core.
 L' accedeiuse po co li sperune
 De lanze so fforzate a cammenare
 Ntra sierpe, ntra lacerte, ntra lejune;
 Ne lluoco se le dà d'arreposare.
 Sbirre, sbannite, assassinie, e llatrune
 Se vedeno attaccate strascenare,
 Fauzarie, e ttradeture p'ogne lluroco,
 Chi patisce ntra jaccio, e cchi ntra fuoco:
 Si volesse contà tutte le ppene,
 Io pe ccient' anne manco scomparria.
 Che mpara ogn'uno d'esse ommo da bene,
 Penza a sta scura aterna presonia.
 Nc' è sto scritto a la porta: *Chi cca bene*
De nn' ascire non trova cchitù la via.
 E ppentire llà ddinto non te vale,
 Primmo, chë baghe llà, penza o mortale.
 Peppo mnante passà Trippa se vede,
 Che de la Torra vrocioлатte a bascio,
 E mentre a ll'uocchio propeio no lo crede,
 Vede appriesso passà porzi Scarfascio.
 Ma mentre a cchesto manco vo dà fede.
 A Spenaronte vede, che Ccardascio
 Era no tiempo che Peppone antico,
 E Spenaronte-canoscio l'ammico.

Abbracciare l'ammico se credeva.

Peppone, eppure che stregna lo viento,
E ccomme si ccà ddinto, le deceva:

E ccomme ammico pate ccà tromiento?

Responne chillo: mentre desenneva.

Le Tturre, mme ferle co grà spaviento

Lollo co na frezzata, e mme mannafe

De pesole a ppatì tromiente, e gguaje.

Mentre Peppo parlava co l'ammice,

Vecco la mamma nnante le compare,

Che stea chiacchiareianno co Euridice,

E li guaie de lo Munno stea a ccontare;

Isso jetta no strillo, e accossì ddice:

Mamma mia, non partire, a cconzolare

Vieneme, e cchella le votaie la faccia,

Ma isso corre, ed a la mamma abbraccia.

Comme a lo peccerillo le soccede,

Che ffa co la lescla le ccampanelle,

E le va appriesso, ca peglià se crede

Chelle pallucce, che sò tanto belle;

Ma stregnennole po, niente se vede

Dinto a le mmmano, ca niente so cchelle;

Accossì niente mbraccia se trovajo,

Quanno Peppone la mamma abbracciajo.

Fremmate, mamma mia, non te nne ire,

Ed a lo mmanco lassate vedere,

Che t'aggio fatto, di, che buoie foire?

Fuorze nvita te fice despiacere?

Aspetta, mamma mia, stamme a ssentire,

Non ghì cchiù nnante, famme sto piacere;

Vi, ca si tu cchiù fuie, tutto fte scippo,

E ppe rrestà co ttico, io ccà mme strippo.

Pep-

Peppo accessì ddecette, e se votàje
 La mamma a isso, e lle decette: o figlio,
 Che ssi benùto a ffa ntra tanta guaje?
 Chi è cchillo, che t'ha dato sto conziglio?
 Si passe mo cchiù nnante, sentarraje
 Cchiù assaie de lì dannate lo greciglio,
 Perchè ccà ddintò sfortonato arrive?
 Chisto è Rregno de muorte, e non de vive.

Io nce ll'aggio portato, ca Protone
 L'ha ccommannato, Popa le decette;
 S'è cchesso, disse chella, aie tu ragione,
 Mentre Protone st'ordene te dette;
 E ddisse po votatase a Ppeppone
 Quann'io te vedde saie perchè fojette?
 Perchè da te non songo vennecata
 De Patreto, che ccà mm'ave mannata.

Pocca nnozentemente isso mm'accise:
 Pe no sospetto vano, e gelosia;
 Se credea, che ffacesse male pise,
 E dde lo finore sgarrasse la via;
 Ma lo Cielo lo ssape, si se mise
 A sgarrà nchesto la perzona mia,
 Sulo songo cca ddintò connannata,
 Pecchè quanno morie steva arraggiata.

Dapò d'avere no piezzo trascurzo,
 Addemmannaje a la mamma Peppone,
 Dimme: che fine se darrà a sto curzo,
 E cchi a la guerra ave da fa scassone?
 Essa le disse; lo Cielo soccurzo
 Ve darrà, non vennenno Foreione;
 Ma restarrà lo Regno arrojenato,
 E ogn'uno cagnerà figura, e stato.

Non bence Forejone , e arroienato

Sarrà lo Regno , comme va sto mbruoglio?

Mamma sciuglielo tu , ca sta ntricato ,

Peppo disse , sto nudeco no scioglio .

Accossì scuro , disse , ll' ha lo Fato ,

O Figlio , scritto ntra l' antico fuoglio ,

E ccomme argiento vivo nn' uno stante ,

Dittole chesto , le squagliaie da nante .

Peppone remanle tutto penziere ,

Penzanno a cchillo ditto tanto scuro ;

Popa decette : te vasta sapere

Ca vinto non sarraie , stanne securo ;

Fruscia co ll' arme tu , co lo ppotere ,

Ne cchiù ppenzare a lo tiempo futuro ,

Ca maie de lo futuro se nn' è data

Na certa veretà spralefecata ,

Jammo via suso , jammo nnanze a Ppruto ,

Perchè è già ttardo , ed avimmo d' ascire ,

E Ppeppo disse , ma tutto storduto ,

Su jammoncenne addò avimmo da ire .

Lassa l' ammicce , e addove stea seduto

Pruto jettera , e Ppopa accossì a ddire

Se mese : o Pruto , t' aggio ccà portato

Peppone lo valente , e gran Sordato .

E Ppeppo disse : o Rre fammuso , e rraro

Veccome nnanze de li piede tuoje ,

E lo Rrè d' Uorco disse : auzate , o caro

Ammico , e sciore de tutte l' Aruoje ,

Lo grà balore tuo troppo mm' è cchiaro ,

Perzò da me averraie zo che tu vuoje :

Saccio , ca quanno tu te muove ngueira

Tremma sto Regno nziemme co la Terra .

Lo

Lo piglia pe la mano , e se le porta
 Co Ppopa a no secreto gabbenetto ,
 Pe li capille , disse , aie tu la sciorta ,
 E dde darete ajuto , io te prometto .
 Dinto lo gabbenetto apre na porta ,
 E ddinto nc'era d'argiento perfetto ,
 E dd' oro fatto co sfuorgio bello
 No ricco , e stralocente cammariello .
 Na boffetta de preta prezejosa
 Nce steva nmiezo co na sottacoppa ,
 E dde prete ncrastate assaie famosa
 Na rota , co dduie pizze nce stea ncoppa .
 Corna Pruto solea chiammà sta cosa ;
 Ma po lo Munno , ch'a ogne cosa ntoppa ,
 Anze guasta ogne cosa , che ssia bona ,
 N'aut' O nce mese , e la chiammaie Corona ,
 Dapò scette da llà pe n' autà via ,
 Ed aprenno na porta de ddiamante ,
 Trasiemo dinto de na galleria ,
 Ch' arme deverze nce stavano , uh quantel
 Arme , che ffatte so co Mmagaria ,
 Ch'a sperciarele nullo è mmaie vastante ,
 Pruto le disse : vide ch' arme vuoje ,
 Su ppigliatelle , e ssengano le ttoje .
 Isso nne piglia certe lavorate ,
 Ch'erano nmiezo a tutte cchiù lleggere ,
 E da lo fummo tutte annegrecate ,
 E ll' ermo negre avea le ppennacchiere ;
 Pruto le disse : affè ca l' aie nzertate ,
 Chest' arme sò le mmeglio , aie da sapere ,
 Ca songo fatte da duie nigromante
 Co zucche d' erve , co pparole , e ncante .
E la

E le ddezero ad uno, che fu accise;
 Ch'Argalia se chiammava, ommo assaie forte;
 Ma de li ncante Ferrau stea ntiso,
 E cco na mazza dettele la morte,
 Io le ffice pegliare, e l'aggio appiso
 A cchisto luoco; a tte tocca sta sciorte,
 E ppocca t'è benuta, pegliatella,
 C'avè non puoie da me cosa cchiù bella.

Fattose tardo dettele lecienzia,
 E Peppo lo rengrazia, e se nce nerina;
 E ddapò jette nnante a la presenzia,
 De chella, ch'a lo Nfierno è la Regina,
 Facennole na bella lleverenzia,
 Vasaie la vesta a la Dea Proserpina;
 Essa cch'avette a cearo lo saluto,
 Lo Cornacopia le donaie a lo scuto.

E Rradamante po sturno nce scrisse,
 Nparlare lletterummo, ste pparole:
 DEVITIÆ MURTIÆ: e ttanno Popa disse:
 Su scimmo nnante, che scura lo Sole.
 Patrocro, Achillo, Ammennola, ed Aulisse
 Lo corteggiaiono, ed ogn' uno lo vole
 Accompagnare, ed isso le rennette
 Le grazie a ttutte, e ffora se nn'ascette.

Sguigliano a Ccraa n'autra vota, e asciatò
 Hanno doie varche mterra a la marina;
 Popa disse: sù ppriesto, o gran Sordato,
 Ncoppa la varca vâ, saghe, e ccammina,
 Ca de Majure arrevarraje a lo Stato,
 Ch'io vago a zerzetare la dottrina
 A la Cetate, e troccâte le mmano,
 Isso vace a Mmajure, esse ad Agnano!

Doie

Doie galiotte de Turche ntra tanto
 Nterra a Ppezulo erano già arredate,
 E ghievano cercanno tutto quanto
 Lo vosco chille cane arrenegate;
 Jeano mpizzanno l' uocchie p' ogni ccanto,
 Pe quarcosa affuffa comm' arraggiate:
 Jogneno a cehillo luoco, addove nterra
 Nce so li duie, ch' aveano fatto guerra.

Vedenno tanto sango, se penzaro
 Ch' erano muorte, e s' accostaieno a lloro,
 Ll' arme pe l' arrobbare le levaro,
 Poccà pareano justo fatte d' oro;
 Ma quanno chille all' aria se trovaro,
 Pegliattero no poco de restoro;
 Che non fossero maie nloro tornate,
 Ca rommasero schiave ncatenate.

L' Arrajese nprimmo avea fatto patto,
 De se spartire zò, che se pegliava,
 Tanto che separato lo recatto,
 Lo suo scuollo ngu' uno se ntorzava:
 Nse stisso retornato s' era affatto
 Tartarone, ed a tuorno se trovava
 Li gargiubbula cane senza fede,
 E schiavo fatto d' essere s' abbade.

Tanno accommenza a ffare no lamento,
 Che cchiaguere avarria fatto le pprete:
 O negrecato mene, oiemme scontento,
 Che mmatto mmame a sti Turche ndescrete;
 Non mme despiace nò de sto tromiento,
 Ca recattà mme posso co mmonete,
 Nè ca sò schiavo a cchesso aggio dolore;
 Me despiace sa sò schiavo d' Ammore.

Ve-

Vedennoie l'Arrajese lammentare,

Che ddesperato tutto s'accedeva ;

Ne se voleva proprio mmedecare ,

Pe ddarele conzuolo le deceva :

Seniur baciencia , che boliri fare ,

Così libro de stelle scritto steva ,

Mi ti no maltrattar bor fidi mia ,

Sciù no sciancir chi tanta fantasia ?

Sglavu statu pur io , e po scabbatu ,

Nnatu Bais , e statu ligramenti ,

Si mi àvir ura bor ti acciarratu ,

Borchi fari sciabaccò , cu lamenti ?

Si bezzi d'ott barenti tua mannatu ,

Tornar bais , no dubbitari nenti ,

Lassar firita midigar seniur ,

Lassar sciantu , lassar christa dular .

Tartarone se fece mmedecare

Co acito , e ssale a unmodo de galere ;

Ma benchè senga lo chianto lassare ,

Li sospire non pò cchiù ntrattenere .

Quanto de terra se vede arrassare ,

Tanto arrassà se vede da vedere

La bella facce , che le dà trommiante ,

E cco lo ssosperà cresce li viene .

Chill' auto , ch'era a ll'auta galiotta ,

Pocca fu mmedecato addeboluto ,

Tornaie nse stisso , e npietto na gran botta

Se volea dà co no fierro appontuto ;

Ma lo gran sango de la capo rotta

Cadè lo fa de nuovo ascevoluto ,

E lo dolore de chella ferita

Co lo fa ascevon , le dà la vita .

Tor-

Tornato n' autà vota co lo vino
 Sbroffato nfacce, se volea sosire;
 Ma n' autro, che le steva da vecino
 Tenennolo accosì pegliatte a ddire;
 Era chisto no Zingaro nnevino
 E ssà perechè ave voglia de morire:
 Disse: non ti partiri, statti zitto,
 Senti, ca sù nnivino, e sù d' Agittu.
 Tu sacciu ca tu voi morì pr' Ammuri
 Saccio ca nguerra faciste per chestu,
 Ma non ti dispirà, ca lu duluri
 Dint a lu pettu tò passerà prestu,
 Lassa fa de li stilli lu tenuri,
 Aie pacienza, e non penzari a rrestu;
 Vidu na linea nfrunti, che mi dici:
 Chistu dapò li guai sarrà felici.
 Sacciu ca sì (e le parlaie a la recchia,)
 E cca pati pr' Ammuri tanti peni,
 Sacciu ca tantu sì comu varrecchia,
 E di lazzi, e di funi, e di cateni.
 Chilla, che ami tu, per tia spetecchia;
 Si tu li porti ammuri, ti vò beni;
 Ma benchè siti nzembra amanti amati;
 Su ss' amuri di vui sprupositati.
 Non pozzu parlà cchiù, mi si mpidisci
 Vedè cchiù chiaru lu tempu futuru,
 Prichì a nnui autri chistu nn' apparisci;
 Commu uua cosa dintru di nu scuru;
 Chistu ti dicu, ca pri tia spirisci
 Chilla che ami tu, stanni sicuru.
 Finirà zettu d' ammuri sta litì.
 E nfini tutti dui sariti uniti.

Sen-

Sentenno, ca lo vero ll'avea ditto

Chillo nnevino, chella arraggia lassa,
Ma manco pò co cchesto stare fitto,
Perchè na frezza ll'anema le passa;
La Terra tene mente, e sse strà zitto,
Ma cchiù sospira quanno cchiù s'arrassa,
Senz'arma parte affritto, e sconcolato,
Ca lassà nterra l'anema, e lo sciato.

O stato sconcolato de l'ammante!

N'avere abbiento, e stare co ddolore,
Magne sempre trommiente, e bive chiante,
E ite struie comme a ssivo ntra l'ardure,
Co ccacavesse campare, e cco schiante,
Vedè lo mmeglio, e tcorrere a l'arrure.
Ma lassammole fare sto vejaggio,
Ca n'auta vota po nne parlarraggio.

Tornammo a Ciommo, che co la galera

Agliottuto era stato da lo mare,
E abbascio de lo funno asciato s'era,
Senza d'essere nfuso ('o caso raro!)
Ll'autra galera de tornare spera
Scapola; ma de preta arreventaro
Le gente, e scuoglio la varca se fece,
E mmò vecino a Mmassa è lo VERVECE.

Ciommo asciatte lo funno, isce che ccosa!

E subbeto scennie co ll'auta gente,
Nc'è na casa de preta prezeiosa
De cravunche, e diamante è chiù sbrannente,
Nc'era na porta granne, e spazejosa,
E ttanto era la fràveca azzellente,
Che se vedeva, ca l'architettura
S'ave schiaffato arreto la Natura.

Nc'

Nc' era a la porta la storia scorpita
 De Nettunno , che ddea soccurro a Anea,
 Quann' Eolo pe llevarele la vita ,
 Pe tanta mare frusciato l' avea ;
 De l' Argonauta la falluca ardita
 Co Giasone depenta se vedea ;
 Ercole , che ddapò de tanta imprese
 Nfra doie colonne : *Non Presutto mese .*

Nc' era lo ponte pò , che fece Serze ,
 Che ncatenare voleva lo Ddio
 De l' acqua ; ma lo suonno isso nce perze,
 Perchè lo mare lo ponte rompio :
 Chesto , e ccient' altre storie deverze
 Scorpite steano , e cco no gran gollo
 Ciommo le storie steva a tenè mente ,
 E la ghieva mostanno a ll' auta gente .
 Sagliettero dapò na bella scala ,
 Ch' era tutta de scuoglie fravecata ,
 E trasettero po dintò na sala ,
 Che steva de verd' aleche aparata :
 Nc' erano matreperne co la pala ,
 D' ostriche , e de patelle stoccheiata ,
 Nc' erano p' ogni banna , e meraviglie ?
 Carnummo , spete , spunnole , e sconciglie.
 Segge fatte porai nce sò d' ancine ,
 De cannolicche tavole formate ,
 De cocciolo , e de gongole marine
 Serattorie , e scarabatte nquantetate ,
 Attuorno appise ciente quatre fine
 Co ccornice de perne lavorate ,
 Nmiezo no bardacchino de cresillo
 Nc' è , tutto arragamato de rallo .

A no

A no quattro pettato è lo Darfino,
 Ch' Areone sarvaie nmezo lo Maro:
 A n' auto nc' è chillo, che Ddio marino
 Pe l' erva diventaie da marenaro;
 A n' auto pinto stace Ace meschino,
 Che ffece a Galatea fa chianto amaro: —
 A n' auta banna po nce stace chillo
 Pesce, che boze bene a no nennillo.
 Teneano mente, e non c'era nesciuno,
 Quanno ascle naitto nfatto no Tretone,
 E ttornato a lo Rrè disse: no' è uno,
 Ch' a la nfanzia mme pare n' ommenone:
 Saccio chisto chi è, disse Nettuno,
 Va stà co isso ncommertazione,
 Dille, ch' aspetta sulo na mez' ora,
 Pe ffi ch' io sia vestuto, e benga fora.
 Lo Tretone facette l' ammasciata,
 E Cciommo disse, aspecco a ccà a cient'anne.
 Po co Tretone fece na parlata
 De lo palazzo, quanto è bello, e granne.
 Scette po na Serena, e na sonata
 Fece, che ffece ascire da li panne
 A Ciommo, e po accossì co mmuodo doce
 Scle da lo cannaruzzolo la voce.
 Sol con sudori si conquista onore,
 Con le fatiche nasceno le pparme,
 Fugga su su il Zerepillo Ammore;
 Ch' vuol vittoria, e chi tasteia ll' arme;
 Non ammette due cure il nostro core
 Amorra borza ammoscia, e bruggia l' arme,
 Egli è a servizial, ch' entrando arreto
 Trase addruso, e nn' esce ppo co ffitto.
Avea

Avea fatto restà tutte ncantate

Lo ecantare de chella sopraomano ;

Quanno venette la gra Mmaiestate

De chillo Rrè co lo chellete nmano .

Ciommo , e le gente se sò addonocchiate :

Susete , isso le disse , Aroe soprano ;

Jette a ssedere po , e attuorno avea

Grauco , Dore , Anfetrite , e Galatea .

E ddisse a Cciommo : si stato agliottuto

Da l'acque , ch' accossì commannatt' io ;

Pocca a ffrateto voglio dare ajuto ,

Che stà soggetto a lo comanno mio ,

Porzì Peppone a n' auta banna è ghiuto ,

E lo defenne lo Zefierno Dio ;

Ma perchè ammo frateto , no scompo ,

Si a ffratemo no cuorno no le rompo .

Vattenne a Fforeione , e cche commatta

Subbeto dille , e cche no aspetta niente ;

Sarrà d'Agnano la Cetà desfatta ,

Tanto te juro affè pe sto Tredente .

Lo mmura struja , sfraveche , ed abbatta ,

No nn' aggia filo , ca sarrà hencente ,

A lettere de scatola lo Fato

Ha scritto : *Agnano sarrà zeffonatto* .

Agnano cadetrà ; n' auta Cetate

Da Partenopa mia sarrà avanzata ,

Che de bellezza , e dde nobeletate

Sarrà da l' Oneverzo annommenata ;

Sedarrà co ttrintfo , e mmajestate ,

De cchiù Rregne Regina ncoronata ,

E no monte averrà pe bardacchino ,

E ppe scanniello messere Marino .

Disse accossì Nettunno, e commannaje,
 Che pportasse cert' arme lo Tretone;
 Che d' ossa de no pesce fravecaje,
 Ch'a rresistere a ll' arme songo bone:
 A lo gran Ciommo dapò le ddonaje,
 Decenno: tozza comme a ccaperrone,
 Sbentra, smedolla, smafara, e ccontrasta,
 Contra d' ogn' uno st' armatura vasta.

Ciommo disse a Nnettunno: o Rrè soprano,
 Manejatore de lo gran tredente,
 Rengràziare a tte pretengo nvano,
 Pocca confuse so li sentemiente.
 Si quante mbroglie face no Screvano,
 E ssi quante ha penziere no pezaente,
 Tanta lengue avess' io, puro cojeto
 Me le porria schiaffare da dereto.

Addonca si non porzo mme stò zitto,
 Si chiacchiare non aie, pigliane ll' armo.
 Disse Nettunno: Sordatone nvitto,
 Ch' avanze l' aute assaie cchiù de uo parmo,
 Fruscia sse mmano, pocca puoie tu schitto
 Essere vincitore d' ogne nciarmo,
 Disse; vattenne, e ddice a le Sserene.

Accompagnate chist' ommo da bene,
 Saglie Ciommo co ll' aute a la galera,
 E mmentre scorre sott' acqua felice,
 Vede pisce natà d' ogne mmanera
 Luvare, sparagliune, ajate, alice,
 Cernie, mafrune, e dde vope na schera,
 Spicare, aluzze, scuorfane, e schefice;
 Lassato nzomma lo Regno marino,
 Sguigliaieno a ssummo a Nniseta vecino.

Scompetura de lo Canto Terzo.

L' A G N A N O

Z E F F O N N A T O

C A N T O Q U A R T O.



A R G O M I E N T O.

*Pe li munte Scartocchia cò lo scuto
Fuje : ascia Papa, che fface li ncanto.
Corre na grà borrasca, ed è bennuto
Ntunnese Tartarone, e ffa gràn chiante.
De la Verrute a l' Isola sbattuto
Ll' auto, vede l' addotte tutte quante.
Fa guerra Rotamarte, e Fforcione:
Chisto è ncantato, e Cciommo va npresone.*

ERa già notte, e la Luna loceva
Cchiù de l' osato nmiezo de le stelle,
Tutto lo Munno arreposato steva,
E rronfavano l' uommene, e ll' aucielle.
Nchesto Scartocchia, pecchè se credeva
D' essere scotato, co l' ascelle
Parea che ghiesse pe le scure cupe,
Strellà sentenno coccovaie, e llupe.

Quam

Quanno venne na nuvola , e scoraje
 La Luna , tanto che nniene cchiù bede ,
 E ddinto de lo vosco se trovaje ,
 Ne ssape addove muovere li piede :
 Sente strellà li lupe , ed oramaje
 Esse da chille agliottutto se crede ;
 Ora mentre se vota d' ogne banna ,
 Vede na luce dinto na capanna ,
 Subbeto dritto pe cchella s' abbia ,
 Pe stare llà aspettanno la matina ;
 Ma sgarrata trovannose la via ,
 Pe mïezo a ssepe , e scarrupe cammina :
 Sente strille cchiù brutte , arrasso sia ,
 Quanto cchiù , ch' a la luce s' abbecina :
 La capanna trovaie desedderata ,
 Ch' era na grottecella affommecata ,
 Nmïezo a ccierte scarrupe de no monte
 Era schiaffata chella grottecella ,
 Pare justo la stanza d' Acheronte ,
 Addò Zefierno ll' aneme martella :
 Chella grotta de Norcia a cchesta a ffronte ,
 Me smaceno , che sia cchiù lustra , e bella ;
 E nnegra comme a stanza de cravune ,
 Nido d' aucielle triste , e sportegliune .
 Sorriesseto accostatose Scartocchia ,
 Na vecchia brutta co na mala eera ,
 Che stea seduta ntra la grotta adocchia ,
 Ch' era cchiù bella assaie de na Megera ,
 Avea pe berga nmano na conocchia ,
 E steva scauza , e scapellata s' era ,
 Avea no libro , ed allordata tuta
 Era de sango , che pparea cchiù brutta .

Li capille ch' aveva erano argento,
 La fronte riccia, e dde neve le cciglia,
 Era la facce po d' oro-pemiento,
 Uocchie de rosa belle a mmaravìglia;
 Ncanna na vozza aveva, e pp' ornamento
 Porta l'acchiaro, e a Bennera assemiglia,
 Lavre de latto, e dd' ebano li diente,
 Cchiù de Luna la fanno stralocente.

Scartocchia vedetr' essa co lo scuto
 De Tartarone, e lle decette: ammico
 Pe cciento vote singhe ben venuto,
 Pocca sapiste ascire da sto ntrico;
 Mo si ca a Rrotamarte dare ajuto
 Pozzo, pocc' aggio sso scuto co mmico,
 Aggio pe ffine chillo scuto nmano,
 Contra lō quale era ogne ncanto vano.
 Popa era chesta, ch' a la Zorfatara
 S' aveva asciata chesta scura grotta,
 Addò li ncante da Zefierno mpara,
 E stà co isso sempe, quann' annotta:
 Chesta è la cchiù balente fattocchiara,
 Che sia a sto Muño, ed a cchest' arte è addotta,
 Tanto, che ssulo co ddi doie parole,
 Fremma lo vïento, e ffa scurà lo Sole:
 Nc' erano ntra la grotta attuorno appise
 Mille carrafe, e mmille scartapelle,
 Prete deverze, e ssango de l' accise,
 Tant' erve, tant' agniente, ed arvarelle;
 Cuorne deverze, e cchiappe de li mpise,
 Penne perzi nce sò de triste aucielle,
 Ogliara, mufa, pece, ncienzo, e ccera.
 O sciaurato chi a cchesto ha ffede, e spera.

Agn. Zeff.

D

Digitized by Google Pe-

Pegliaie lo libro la Janara, e ddisse
 Certe brutte parole nfroccate;
 Ncoppa na carta negra po nce scrisse
 Co ssango certe lettere mbrogliate.
 E ad onore de li scure Abbisse
 Accise certe bipere arraggiate;
 E po co cchillo sango, che nn' ascette
 Cierte singhe a la facce se facette.
 Pó lo pietto spogliaiese, ed a la zizza,
 E ppropio da la banna de lo core,
 Na sangozuca arraggiata nce mpizza,
 Chiammanno cierte nomme de terrore:
 De chillo sango po pegliaie na stizza,
 La stipaie, e ppe ddare a Ppruto annore,
 Co ncienzo, e zurfo le fece sproffummo,
 E ccera po squagliaie co ppece, e cchiummo.
 Nmiezo a la grotta po fece na fossa,
 E cco la verga no circolo attorno,
 E ppegliate dapò de muorte l' ossa,
 Le mmette co cchell' aute into a no cuorno;
 Fatto chesto dapò, se fece rossa,
 E botatase addove esce lo juorno
 Trè bote, e addove cade n' aute tante,
 Sciouze la voce, e ffece chiste ncanto:
 Sentite, o vuie, che ssotta de Protone
 Obbediente a li commanne site,
 Vuie, che ghiate tentanno le pperzone,
 Vuie, che li viene co ll' aria movite,
 Vuie, che ffacite cadere li truone,
 Vuie, che de ll' acqua lo grà mperio avite.
 O vuie, che no stemmate uommene, e Dieje,
 Sentite su chiste commande siteje.

CANTO IV.

Via su, ch' aspiette tu Spezzacatene?
 Fauza Pedata tristo, e Zorfariello?
 Nesciuno saglie cchiù? nesciuno vene?
 Fuorze volite vuie nciarmo noviello?
 Ve saperraggio dà tromiente, e ppene,
 Si non biene Peccituso, e Ffarfariello:
 Appriesso a lo sproposeto parlaje,
 E cchiù dde mille Demmuonie chiammaje.
 Tornaje a ddire, sbattenno lo pede
 Scauzo nterra, via su venite priesto,
 Ancora nullò de vuie ccà se vede,
 Volite fuorze sentire lo riesto?
 Mentre a li ncante lo Nfierno non crede,
 Aspè, aspè; volea cchiù ddi; ma nchesto
 Tremmaie la grotta, e la Terra s'aprie,
 E no brutto Dejaschence nn'ascie.
 Po vennero tant' aute Farfarielle
 Nforma de nnaima co li piede stuorte,
 Cierr' aute nforma scettero d'aucielle
 De varia spezie, e dde deverza sciorte;
 Popa lo disse; olà, pecchè rrebelle
 Site vuie de lo Regno de la morte,
 Abbetature fauze, a lo mmio dire,
 Nè mme volite subbeto obbedire?
 Lo ncanto ancora non era perfetto,
 Uno decette cchiù gruosso de chille;
 Commanna su; ca li commanne aspetto
 Da te, ca songo cca co cchiù de mille:
 De fa zò cche commanne te prommetto;
 E ll'autre accommenzaieno co grà strille
 A ggridare: su priesto addò nce manna
 Pe t' obbedire, commanna, commanna.

Voglio da vuie, che sotto de lo Monte
 Addove stace chella grottecella,
 Ch'a la porta d' Agnano è ffacce fron.
 Disse, guardata sia chesta rotella;
 Co tuosseche, po ll'acqua d' Acaronte
 Jettatece llà nterra; azzò che cchella
 Perzona, che ttrasì vo troppo ardita
 Perda li sienze subbeto, e la vita.
 Farrimmo quanto tu nc'aie commannato,
 Resposero li brutte Farfarielle;
 E cchella grotta subbeto lassato,
 Vierze d' Agnano schiecaieno l' ascelle,
 A no chiuovo lo scuto hanno mpezzato.
 Ntra la grotta li spirete rebelle.
 E dd' allora, chi llà ddinto trasie.
 Perdle li sienze, e ssubbeto morie.
 Scenne dapò, che cchisto ncanto ha ffatto
 Co Scartocchia ad Agnano la Janara;
 Ascia lo Rrè, e le decette; affatto
 Si lliberato da sta guerra amara,
 Mo si ca potarraie dare lo sfratto
 A lo nnemmico, ca la vermenara
 Ave ncuorpo, ca già Rrè Fforejone
 E sorrejuto senza Tartarone.
 E stato fatto Tartarone schiavo,
 Rita non ce stà manco hera lo campo,
 E mpresonato Smafara lo bravo,
 Ch'era dinto a la guerra e ttruono, e llampo,
 Mo si se ponno mpennere a no trave;
 Ne pponno cchiù da nuie trovare scampo:
 Jiesce, e ccommatte, lassa su sta mura:
 Ca la vittoria mo proprio è sicura.

E mò cà n' hanno cchiù chillo grà scuto,
 Ca cotteiato ll' ha Scartocchia nuosto,
 Quanno a ffa guerra co cchillo si sciuto
 Io farraggio no ncanto accossì ttuosto,
 Che s' aie pe sciorta la guerra perduto,
 Farraggio, che no singo nce sia puosto.
 Addò trasenno li nuostre Sordate,
 Non siano cchiù da chille secotate,
 Tale, che non ce pierde si mo jesce,
 Chesto sì, che l' assauto sia secrete.
 A ll' anemuse ogni ccosa rejesce;
 Commanna a la Fortuna ommo descrite,
 A l' ammo ncapparrà comme a lo pesce
 Lo nemmico, ca stace mo cojeto;
 Ne crego, ch' isso maie pozza penzare,
 Che nuie l' agghiammo da i ad assautare.
 Chello voglio far io, che mme commanne,
 Rotamarte le dice: io voglio ire,
 Ca saccio ca tu si ffemmena granne,
 Saccio ca de li guaie tu nne saie scire:
 Non senza causa la famma se spanne
 De le bertute toie: Priesto venire
 Faciteme mo ccà lo Cennerale,
 Ca mporta a lo servizio mio reale.
 Venne, e lo Rrè le disse: che s' allesta
 Ogni squatrone, che ccà dintò avite,
 Ca voglio pe poscraie, che ssenga lesta
 La guerra, e voglio scompere sta lite:
 Io' voglio proprio scompere sta festa:
 Priesto fè squatre, che sengano aünite;
 Lo Cennerale lo hanno jettaje,
 E ll' arme ogni Sordato apparecchiaje.

D 3

Ntra

Ntra tanto, che sò cchiste affacennate,
 E all'estàno lanzuottuole, e spontune,
 E cchi songo a ccommattere mmezzate;
 S'hanno porzi allordate li cauzone;
 Tognare voglio, ca v'aggio lassate
 Fatte già schiave li duie smargiassune:
 E ghievano li povere scontiente
 Co li sospire crescenno li viente.

La Fortuna, che mmaie non accommenza
 Pe ppoco, nè de chello è ssazia maje,
 Na grà borrasca co grà beiolenza,
 E cco grà biento subbeto mannaje;
 Ognuno resta de colore senza,
 Ca s'ascia catacuoto ntra sti guaje:
 E lo viento accossi de furia venne,
 Ch' a pprimmo cuorpo le romple l'antenne.
 Ncoppa li Munte mò, le pare ire,
 E mmò le pare i nfunno a l'arene;
 Mo pare, ch' a lo Cielo vò saglire,
 E mmo scenne a lo Regno de le ppene.
 Aspetta ad ora ad ora de morire
 Ogn' ommo, e becco, ch' a scutare vene;
 O ccà te voglio, ca cchiù lo temmore
 Lo scuro cresce, e cchiù te dà terrore.

La matina dapò lo Sole ascette,
 Ma stea annascuso de nuvole sotto:
 Quando d' attuorno cchiù non se vedette
 L'Arraise la compagna galiotta;
 Ch' era annegata ogn' uno se credette,
 E cche la notte fosse stata rotta
 Da lo maro: e chiagnette Tartarone,
 Benchè nemmico, ll'auto smargiassone.

No

No pocerillo se cojetaje lo Marò;
 Ma non sapeano addove ì de pietto,
 E na notte, e no juorno cammenaro,
 Senza speranza de trovà arrecietto:
 Quanno l' autà matina po trovarò
 Tunnese patria lloro a lo cospetto:
 E tanno chille Arraiese gargiubba
 Accomenzaieno a ffa tubba, catubba:
 Jettero nterra, e Ttartarone scese
 Co lo fierro a lo pede lo scurisso;
 Vedenno chesso a cchiagnere se mese;
 Ca ntra sti gnaie Fortuna l'avea misso.
 Corrette a la marina lo Pajese
 A bedere la presa, e resta ammisso,
 Quanno vedette ogn' uno, ca non c'era
 Co la compagna chell' autà galera.
 Ad accattare schiave ogne mmercante
 Vene, e ntra l'autre no Moro nce venne,
 Ch' era Prencepe granne, e bede nuante
 A Ttartarone, quanno nterra scenne:
 A la postura, e ccammenà galante,
 Che sia 'ommo de ciappa lo comprenne,
 Fece lo patto, e lo schiavo accattaje,
 E dduciento decate lo pagaje.
 A la casa lo porta allegramente,
 E ppo le spia: dì, ch' arte saie fare;
 Isso responce: non saccio fa niente,
 Faccio lo Michelasso pe ccampare.
 Pecchè canosco, ca tu sì balente,
 Ed aie na bona schena pe zappare,
 Le disse lo patrone, aggio golio
 De te fa-fa lo ciardeniero mio.

Tartarone pegliaie nmano la zappa :

O negrecato ed a cche ssi arredutto ;
 Maro chi nmano de sti cane ncappa ,
 Ed ave d' agliottì st' ammaro frutto .
 Mprimmo lo moro la capo l'arrappa ,
 E le dace a mmagnare pane asciutto ,
 Co acqua ; e mentre zappa lo meschino
 Co le llagreme adacqua lo ciardino .

Non s'annegaie , comme chille penzaro ,
 Chell' auta varca ; ma jette de chiatto
 Cchiù dde cenquanta miglia pe lo Maro ,
 Ed a no scuoglio se romple de fatto :
 Li Turchè tutte quante s'annegaro ;
 Ma chillo smargiassone comm' a gatto
 S'appececaie a lo scuoglio , e tanto ajuto
 Se deze , nterra nfi che ffu benuto .

Ma lo Maro l'avea proffedeiuso
 Sbattuto a cchille scuoglie tanta vote ;
 Tanto , che d' acqua , e ssango tutto nfuso ,
 Manco da terra sosere se pote .
 Ma lo Cielo , ch' a nuie sempe è ppiatuso ,
 E ddà soccurzo a le gente devote ,
 Tanta forza le deze , e tanto ardire ,
 Che cchiano chiano se potie sosire .

Jette pe ccammenare pe na via ,
 E no cavallo nnante le compare ,
 Che lo ncrinaie , e co na vezzarria
 Parea , che lo mmitasse a ccravaccare ;
 Isso decette : si la sciorta mia
 Me ll' ha mannato , lo voglio azzettare ,
 Ma no vracone ncuollo se lo ntorza ,
 E l' accrayacca , pecca n'avea forza .

Ve-

CANTO IV.

86

Venette po na scigna tanto bella ;

E cco no panno nmano l'asciuttava

La facce, e bedde po na cacciottella,

Che cco dduie piede nnante l'abballava :

N'auto cane dapò la ciaramella

Co ccrovette, e ddaïenette accompagnava;

Dinto no lago cierte cacciottielle

Semmozavano appriesso de l'aucielle.

Dapò vedette no gruosso alifante,

Che cco lo naso pegliava le cose,

Dapò no gatto-maimone galante,

Che smorfie le facea redicolose :

Na tigna manza po le jeze nnante,

Co aute ccose assaie maravegliose,

Quànto cchiù nnante lo cammino piglia,

Vede animale de cchiù mmaraviglia.

Le pprete, che searpisa sò ddeverze,

E dde bellezzetudene, e ccolume:

Ll'erve che pe li prate stanno sperze,

Varie de forma sò, varie d'addure:

Vusciole, laure, parme, citre, e ccerae

Nce sò co ffrutte de tutte sapure.

Nzomma addonca se vota, è ccà ogne ccosa

Varia, ricca, assaie bella, e bertolosa.

Quanta a Nnapole songo ciarlatane,

Che tteneno animale vertoluse,

Gatte maimune, scigne, crape, e ccane,

Che fatte sanno fa redecoluse:

Tutte vanno pe ccà, tutte sò ccane,

Le pprete, ll'erve, e ffrutte prezeiuse:

Nfrutto addove se vota, p'ogne banna.

Nce scorre latte, mele, ambroseia, e manna:

D 5

Ve-

Vedenno st' isce cose de bellezza .

Tutto alliegro sagliea lo smargiassone ,

Nfra isso non capeva de preiezza ,

Vedenno tanta cose belle , e bone .

Nc' era nmiezo no largo co grannezza

Maravegliosa , comme a torreione

Tunno no gran Palazzo fravecato ,

Co pporfeto , e cco mmarmora aornato.

S'accosta , e bede quanno è tchiù becino

Quatto statue de marmora assaie belle ,

Che coo flavore bellissemò , e fino

Una teneva nmano doie lancelle ,

Che ttemperava l'acqua co lo vino :

E n' auta la valanza avta , e ll' ascelle :

N' auta dinto no schiecco se mmerava ,

N' auta co na colonna s'abbracciava .

Nc' è no cartiello ncoppa de la porta ,

E ntoscàtise dinto nce sta scritto :

O tu , che stravagliato da la scioria

Sei stato fin ad or misero , afflitto :

N fine cca trovarraie chi te conforta :

Lascia ch' ogni stravaglio vaga a mmitto ,

Che quinci la VERTU' sta ausiliata

Da tutte le Ccitate descacciata .

Teneva mente chillo , quann' ascette

Na femmena vestuta de scarlata ;

Tale bellezza chillo maie vedette ,

Ch' era assaie bella a ll' uocchie de na Fata .

O ben venuto , chella le decette ;

E cchillo le respose : ben trovata ;

E ddapò pe la mano lo pegliaje ,

E bierzo de lo Tempio lo portaje .

Nprim-

Nprimmo , le disse : comme è sta venuta
A st'Isola , addò nullo maie nce vene
Addove la Vertù sta forasciuta ,
Pocca lo Munno cunto non ne tene ?
Responne chillo : o femmena saputa ,
Maie mme crediette d'avè tanto bene ,
Pocca credenno d'essere annegato ,
Songo da la Fortuna ccà portato .
Bè vego , disse chella , ca nesciuno
Vene a sto Tempio , si nò pe ddesgrazia .
O bella antica aitate , addove ogn' uno
De vertù n' avea maie la panza sazia ;
Ogn' uno mò de chesta nn' è ddeiuno ,
E ssulo lo denaro stace ngrazia ,
O cche ttiempe , e ccostumme sgraziate ,
Ca sò li vertoluse straziate !
Ora sù mentre ccà la bona sciorta ,
E li costumme tuoie t'hanno portato ,
E ppocca la vertù pe ll' aute è morta ,
E ssolamente tu l' aie sorzetato :
Viene co mmico , disse , e pe na porta
Le portatte , addò steva storiato
Lo caso mprimmo , quanno co l' ascelle
Astreg lassaje lo Munno , e ghie a le stelle .
Dinto sto Tempio non ce stà recchezza ,
Ma solamente ha l' affacciata d' oro ,
Che se facette co granne allegrezza ,
Quanno Vertù stemmata era tesoro ;
Ma mò , che la Vertù nesciuno apprezza ,
E spartìlo casatiello co Dio Poro ;
Sulo de vierze , e dde descrezziune
E scritta , e ffravecata è dde mautune .

Nce stà dè preta marmora n' autaro,
 Che lo teneno ncuollo seie alifante,
 E cco llavore assaie famuso, e rraro
 Na statua ncoppa nc'è, ch'è de ddiamente,
 Mecenato antemonio d'ogne avaro
 Allora la vestette assaie galante
 De tela d'oro; ma stà mò stracciato
 Lo vestito, e stà tutto arrepezzato.

Ave npietto no Sole resbrannente,
 Ed a le spalle nce tene l' ascelle:
 Tanto cchiù lluce, quanto cchiù è ppezente,
 E ssotta de li piede ave le stelle:
 Ha nmano na corona stralocente,
 Che ffatta è de smiraude lustre, e belle
 De lauro a mudo, e cco chesta ncorona,
 Quanno ricca de groleia è la perzonia.

Li Felusoche tutte da no cantò,
 Ave, e nfra ss' altre nc'è lo gran Pratone:
 Arestotele pò, che ssapea tanto
 Stà co la varvà de no caperrone:
 Eracreto nc'è appriesso, che de chianto
 Avea chino no gruosso carrafone,
 Jettanno l' oro stea pegnuto Crate:
 Chisso mò da lo Munno s'è sgriato.

Democreto sciattato de lo riso
 Appriesso co Anassagora, e Gcresippo,
 Nira na votta Deigene stea miso,
 E Biante lo pezzente, e Mmenalippo,
 Seneca appriesso mtra lo vagno acciso,
 Petacora, Senocrate, e Speuzippo:
 E scritto ngrieco hanno sto mutto autiero:
 Μὴ μὲν πάντα ἀγαθὰ εἰναι περὶ.

L' Astro-

A stroloche nce sò ppuro scorpite ,
 E li Dotture , e li Miedece addotte:
 Chille a le rrobbe , chist' aute a le bite
 Fanno , che l' ommo dica : bona notte .
 Li Poiete nce sò po colorite ,
 Che de lo Grieco veppero a la votte ,
 Omero è pprimmo , e no scritto ha mpizzato
O quanto tennie mente sto cecato ?
 Appriesso nce sta Pinnaro , ed Arseo ,
 Ed Archimio , ed Asiodo , ed Arato ,
 E Basilede , Amulio , e pporzi Arceo ,
 Da na Cestunia Eschilo ntommacato ,
 Isedoro , Semmonede , e Mmoseo ,
 Andronio , che ll' ha spralefecato .
 Sta settenzia hanno scritta assaie descretta:
De sto Ggrieco è mbreiaco ogne Ppoeta .
 De li Latine sò a lo matorale
 Pegnute li retratte : e lo Marrone ,
 Che de ll' aute castagne è ccaporale ,
 E da dereto a isso nc' è Nnasone :
 Ed Orazio , e Llocano , e Giovenale ,
 E Ccorneficio dereto a Barrone ,
 Ncapo de lista Stazio , co Marullo
 E Ppropertio , Tebullo co Ccatullo .
 Marziale , e na berbia nce stà penta
 De cchiù dde mille Poiete Latine ,
 Pocca nParnaso sguiglia sta semmenta ,
 Comme a le ffave gongole , e llupine .
 Nce nne sò cchiù dde mille vote trenta ,
 Ch' a pparlà letterummeco sò ffine :
 Dice lo scritto : *In primis sunt state*
Qui venit post , annumeret pedate .

Veccote li Toscane: o ben agg'oggi,
 E addove trovo parole abbastanza,
 Che bastasse a ccantarece l'aloggi
 A sti mmitte Poiete tutte quante?
 Mia Musa, se tant'alto oggi non poggi,
 Te puoie fare na cura co li guante:
 Autro nce vole, che qualunque lei,
 Pe ccantà de sti nvitte Semmedei.
 Ora spapura sù pocea nce simmo,
 Non te schiantare Ranonchiella Crio,
 E beccote l'Addante, ch'è lo primmo;
 Che ccomme patre pe ghiodicio mid,
 Lo primmo luoco, che le tocca io stimmo:
 E lo Petracchio appriesso canosc'io,
 Che cchiù de l'aute assaie se stimma, e bale,
 Comme no Capetanio Generale,
 L'Alemanno, Tansillo, e Ssannazzaro,
 Voccaccio, ed Ariosto lo Devino,
 Lo Brettonio, Rusciello, Casa, e Ccaro,
 Fracastoro, Anguellarà, Bernia, e Ccino,
 Grotta, Doce, Bojardo, e lo Vajaro,
 Nardo, e Torquato Tasso nciegno fino.
 E lo mutto: *Vi diamo noi docezza,*
Vengaci appresso chi vorrà l'autezza.
 Li cchiù nniccà sò appriesso, e a primmo vene
 Chi la zampogna soia fece trommetta,
 E ccantaie de Mertillo le gran pene:
 Appriesso corre Campeggio a staffetta;
 Mmereta laude Testi cchiù, ch'asene,
 E ncarcare se pote la barretta
 Bonarello: Graziano appriesso venne,
 E Bracciolino poie schiecaie le ppenne.

Nce

CANTO IV.

27

Nc e stà Sempronio, e Bordone da dire;
 Ma de carta na resema non vasta,
 Ch'ogn'uno canta cose da sterdire,
 E co lo tiempo, e la Morte contrasta:
 NParnaso ogn'uno è buono pe ssaglire,
 E co le immano soie la Groleia mpasta;
 Ma lo Marino non boglio lassare,
 Che ffa de Poesia propio no Mare:
 Maro addove nce pesca ogni gnorante,
 E nne caccia le pperne straluciente:
 Maro, che l'acqua dona a tutte quante:
 Maro, ch'ad ogni ncosa fu atzellente:
 Nesciuno penza de passà cchiù anante,
 Nesciuno ave la Musa cchiù pparente:
 Ca buono, e ppoco scrisse uno, derraje:
 Chisto lo buono accompagna a l'assaje.
 Derria ca venerrà Ciro, e Ecosano,
 Ed Artale, e Mmuscettola, e Battista,
 Lottiero, Crasso, e Rriccio ochiù ddecano,
 Ch'hanno fatta la Parca negra, e trista;
 Ma manco ciento penne, e cciento mano
 Poterriano vastare a ffa la lista.
 E lo mutto: *Li naiegne hanno nnauzate,
 De facce nterra benchè sia l'aiotate.*
 D'ogne linguaggio Poiete nce stanno,
 C'hanno avuto scommertio co le Mmuse,
 Disse la Fata; ma chiste sarranno
 Da lo bell'uovo de Napole schiuse;
 Che cco la propia lenga parlaranno,
 E ssarranno co essa groleiuse:
 Chisto primmo sarrà Ciullo Cortese,
 Ch'onorarrà de foglia lo pajese.

Chi-

Chisto cantanno co no doce canto

De Micco, Giulio, e Rrosa li tromiente,

De lo Cerriglio lo famoso ncanto,

E dde Parnaso la Ggroleia sbrannente:

De le Baiasse pò sonanno tanto,

De Marrone sarà luoco-tenente.

Dice lo scritto: *Pe sto Giulio è bona*

E dde lauro e dde foglia la Corona.

E l'Abbattuto a cchillo tiempo stisso,

E nprosa, e a rimma CONTARRA grà cose,

Tanto ch' Apollo restannone ammisso,

No chirchio ncapo le farrà de rose,

E ppe groleia soia vasta ca isso

Cantanno cò le MMUSE belle cose,

Porrà fare, che ssia co mmuodo raro

N' Alecona porzì lo Lavenaro.

E n' auto nciegno da Scafato asciuto,

Sonarrà na TEORRIA accossì ddoce,

Che Napole restanno ascevoluto,

Lo chiammarrà grann ommo a biva voce;

Ma n'auto da la Morte oimmè! feruto

A lo mmeglio cantà morerrà nfoce,

Tanto, che le Ppadule leberate

Morerranno nfegianza, ma seccate.

Chillo che llà tu vide, è Balentino,

Che de li tieppe suoie dice grà mmale,

Sontrafatta la Patria pe Ddestino,

Derrà, dapò ch'è stata no Spitale;

Dapò d'arraggia, e de despietto chino,

Vencenno a lo ccantare le Coecale,

Co cchella Mezacanna, ch'ha zaccata,

Fa a la Baggianaria na mazzeiata.

Non

Non mancarranno nciegne puro appriesso,
 Che non facenno cchiù li pappagalle,
 A cchi Febo la Cetola ha cconciesso,
 Mmitarranno le Mmuse a nnuovo abballe:
 Nce sta quarcuno, che mmorerrà cieszso
 Sulo contrà Doana avenno balle:
 Basta ca nfi, che ddurano le ttrapole,
 Non mancarranno maie Poiete a Nnapol'.
 Lo Ncogneto dapò, che ccanna apierto,
 E dde tutte le scienze, e ttutte ll'arte
 Vedette li grann' uommene: pe ccierto,
 Disse, io sò stoppafatto sì pe Mmarie:
 Addonca dintò sto luoco desierto
 St' uommene, ch'enchiarranno tanta carte,
 A ll'annascuso stanno sebellute,
 Nè da lo Munno songo canosciute.
 Tu no le bide, dissele la Fata,
 Comme stanno stracciate, e brenzoluse;
 La Vertute sarrà poco stemmata,
 Pezziente sempe sarranno le Mmuse:
 Pecchè l'aietate sarrà cossì sgrata,
 E cchiena de gnorante, e ppresentuse;
 Che ffacennole sulo strazie, e ttuorto,
 L'ommo canoscerrà tanno ch'è mmuorto.
 Ma de lo ttenè mente già si ssazio,
 Viene a ppeglià no poco d'arrecietto:
 Core mio bello, disse, io te rengrazio.
 Ch'aggio avuto no piezzo de delietto;
 Ma vedènno la sciorta, ca fa strazio
 De chiste nciegne, nn'aggio grà ddespiet:
 Addonca fatta sulo è l'abbondanzia
 Pe la baggianaria, pe la gnoranzia?

Pe

Pe no poco de vita , ch'è no viento ,

Disse la Fata , ccà ll' ommo patesce :

E ppoco , pocca lo cchiù gran tromiento

All' nommene la Groleia assaie cchiù ccesce.

E cquanto l' ommo cchiù non ave abbiento,

Se face cchiù mmortale , e se ngrannesce :

Ora viene co mmico a rreposare ,

E dda me sentarraie zò , ch' aie da fare .

Ma mentre chisto Ncogneto arreposa ,

Vedimmo nterra mo Ciommo , che fface ,

Va nnante a Fforeione , e ogne ccosa

Le conta , e ddice : su non sia cchiù ppace,

Nettuno vò , che gguerra sanguenosa

Se faccia , pecchè cchiù nn' ozio se stace ?

A ll' arme su , no state cchiù ccojete :

Quanno l' acqua arreposa ammorba , e flete.

Le piace a Fforelone lo conziglio ,

E ddice : affè ss' apenione è brava :

Ecco ca nprimmo io la spata piglio ,

E ntanto ogne trommetta se sonava :

Già siente lo remmore , e lo greciglio ,

Correno li sordate , comme a llava ,

E co na pressa d' uno , ch' ha le gghiute ,

Correno vierzo Agnano arresolute .

Erano sciute d' Agnano porzine

Le ggente , pe se fare n' ammaccata ;

Ma sentenno sonà li tammorrine

De lo nemmico , ll' una e ll' auta armata

Fanno grann' armo , e fattese vecine ,

Se salutaieno co na preteiata ,

Che cchi ammatonta , chi azzoppa , chi sciacca ,

Chi scoma a stango , chi accide , e cchi affiacca .

Da

Da peccerille ammezzate a le botte ;
Non tirano pretata , che non coglia ,
Non coglie , che non siano capo rotte ,
Non rotte da chi ll'arma non se scioglia .
Fanno dire a cchiù d' uno bona notte ,
Addio vruoccole, addio cappucce, e sfoglia,
Pocca a le botte de na preta dura
Resistere non pò la ncornatura .

Ora dimme Ranonchia bella mia ,
Tu che ffuste presente a lo streverio ;
Chi fu lo primmo forte nguapparia ,
Ch' avesse nprimmo ncapo no cauterio :
Luccio lo primmo fuie , arrasso sia ,
Ch' avenno lo scurisso desiderio
De passà nnante , taffe co na botta
De na vrecchia le fuie la capo rotta .
Couze appriesso porzi ll'osso pezzillo
De Ciccio no gran piezzo de mautone ;
Che ghiettannose nterra co no strillo ,
Lassaie d' essere forte openeione :
Po na grasta de piatto couze a Mmillo ;
Che l' azzoppaie , coglienno lo tallone ;
Benchè nce stace quaccuno , che ddica ,
Che Ddio Marte non fu , ma fu l' ammica .
Na preta a ll' auta banna couta a Ncicco ,
Le fece n' uocchio comme a mmolegnana ;
A lo stommaco n' auta couta a Micco ,
Sputà le fece sango na settimana .
Volenno nnante farese Pacicco ,
No culo de pegnato , o cosa strana ,
Le cogliette a lo vico de le ttozzola ,
E le facette ascì tanto na yozzola ,

Abi

Abbusca Attròcchia na botta a le ghionte,
 E fflu co grà raggione la pretatà,
 Pocca si a l'arrobba le mmano ha pronte,
 Una lo Cielo mò nce nu'ha cioncata:
 Nmiezo a le ccoscie avea quanto a no monte
 D'acqua Mase la guallera abbottata;
 Ma uno llà na preta le nzertaje,
 Che l'ernia le rompette, e lo sanaje,

Azzeccatose po l'armata rento,
 Meseno mano a le ppotiente sferre,
 E le spate rompennose a lo vïento
 Sonano justo comme a zerzerre;
 Cadeno li sordate à cciento a cciento,
 Pareno fatte de magra le Tterre:
 Joca porzine quarche smargiassone,
 Pe pparte de la spata, lo spatone:

Chi ave ntiso maie le Ffonnachere
 Fa greciglio pe spannere li panne,
 Zie, nepute, marite, co mmogliere
 Aprire comm'a chiaveca le ccanne,
 Comme a ppapare, puorce, e bacche vere
 Fare confoscione accossì granne,
 Che te stordisce: accossì appunto face,
 Mentre l'armata appeccicata stace.

Da la banna d'Agnano Lanzafora
 Coglie co no scennente ncapo à Ttonno,
 Che lo lassaie storduto passa n'ora,
 Pocca lo cuorpo fu propio a lo suonno.
 Valerio, e Cciccò sò fferute, e ancora
 Reterà da la guetra non se vonno;
 Ma lassate le spate a buone cchiune
 Se sò afferrate a ppunia, e a ssecozzune.

Schi-

Schiroso te faceva pe cenquanta ;
 Ne pperdeva la coppola a la folia ;
 Comm' a bruoccolo Pippo nterra chianta ;
 Ed a Rrazzullo fa la capo molla .
 Da Stracqua Pizo ha la cocozza franta ;
 Ma vene Cola-Jacovo , e lo zolla ;
 Pocca dannole nvocca no scennente ,
 Le fa cadè no tummolo de dientè .

Smafara non potenno sta npresone ,
 Avuta de commattere leciencia ,
 O ché streverio , o che ddestruzione
 Fece co na sbracata veiolenzia !
 Ciallo vedenno la confoseione ,
 E non fa li sordate resestenzia ,
 Co smafara tozzaie , o nnegrecato ,
 Ca fuie a primma botta smafarato .

Stea Rotamarte de no monteciello
 Ncoppa , co no squatrone de li meglio ;
 Vedenno de li suoie fare maciello ,
 Disse : che beo oimmè , io dormo , o veglio .
 Cchiù de la vita lo mmorire è bello ,
 Primma ch' auto vedè , la morte io scegli
 Jammo , o compagne , contra li nneemite
 Scapizzammele tutte comm' alicè .

Comm' a frugolo scese , e tricchetracche
 Parze a le botte , ch' a no tiempo dette ,
 Rompe li scute , e spertosa li giacche ,
 E cchiù de ccinco a la lista nne mette ;
 Luccio allordare se sentie le ppacche ,
 Quanno co cchella facce lo vedette :
 Tremmanno comme a ghiuncq pe lo viento ,
 L' ascie lo sciato pe lo sonpamiento .

CANTO IV.

Peppo lo scartellato se credìe

A Rrotamarte dare lo malanno;

Ma pecchè chillo sulo lo mmestìe;

Comme a ppalla isso jette vrocciolanno;

A Micco po pecchè nterra cadìe,

Riennete, disse, a mme, o ccà te scanno!

Isso le disse: oh tu quartiere damme:

Ma po sosuto nn' appellaje a le ggamme.

S' arraggia, e ppare justo Rotamarte

Na vufara gelosa campanata,

Nce mmarte Ciccio, e la capo le spartè:

Cò no revierzo po Mineco sbarà.

Fojevano le gente d'ogne pparte;

Ma la foiuta Smafara repara;

Negrecato pe tte meglio sarria,

Ch' ancora stisse ntra la presonia.

Isso cecato de n' uocchio è lo scuto,

Tanto ch' a mmuodo de no cacciatore;

Pigliaie la mmira npietto, e stea sicuro

A Rrotamarte de spercià lo core;

Ma sgarra, ed asseconna, e sgarra puro;

Ma l' uocchio buono l' è cacciato fore,

Tanto eh' isso pareva che cco la spata,

Joquà volesse a la gatta cecata.

Ma Ciommo, e Fforeione non potenno

Cchiù sopportare tanta accesiune;

Comme a bipare scesero ncorrenno,

Parenno ntra le ppecore Liune:

Lo schiuoppo chi po dicere tremenno;

Che fecero sti fuorte smargiassune;

Tratenno nguerra co allucche, e cco ssische,

Co le libarde parzero Todische.

CANTO IV.

93

Se credea de fa ponta co na schera
 De Sordatune anemuso Carella ,
 Ciommo tira no cuorpo , e la chiomera
 Le fa ccadere ; e mmosta avè la zella .
 Auza Schirosso na tale carrera ,
 Che parze de la Cava palommella .
 Tanto che , perza de la guerra l' arte ,
 Mmesteno Foreione , e Rrotamarte .
 Ma l' Agnanise auzaieno tale corza ,
 Che Rrotamarte è portato pell' aria ,
 Tanto , che non potettero la forza
 Nsieme nfra loro spremmentà contraria ;
 Ma chiste a botta de pretate , e ttorza
 Jeano ncauzanno la gente averzaria ;
 Ma de la Fattocchiara lo designo
 Le ffa flemmare a lo ncantato signo .
 Comme a ppolitro mpastorato a ppunto
 Co li sordate Foreione resta ;
 Ma Ciommo de lo signo non fa cunto ;
 Ma secota la gente , e ffa tempesta
 E nmiezo a li nemmice sulo junto :
 Che granne magari , decette , è cchesta !
 Ll' arme fatate rompieno lo ncanto ;
 Ma mpresonato resta isso nfra tanto .
 Comme a no joquatore , che la posta
 Perde , che la teneva ntra la mano .
 Foreione jastemma , e dde ragosta
 Cchiù è russo , pocca ha commattuto nvato ,
 E ttanto cchiù , ca no frate le costa :
 Tanto che ghiura de struiere Agnano ,
 Nè mmaie se vò parti da chillo juoco ,
 Si tutte no le mmanna a ssango , e a ffuoco .

Scompertura de lo Canto Quarto.

Digitized by Google

D E
L' A G N A N O
Z E F F O N N A T O
C A N T O Q U I N T O ,



A R G O M I E N T O .

*Trova nTunnese Pimpa Tartarone
E Ppeppo da Majure ave l'ajuto.
Scatozza leva Ciommo da presone :
Spoglia Scartocchia , e ddescanta lo scuto.
Ajuta Pimpa n' auto smargiassone
Co Tartarone , e ddapò canosciuto
Pe Rita , li guaie loro ogn' una dice ,
Se commatte , e sò binte li nemmice ,*

DIntò de lo Ciardino stea no juorno
Stracquo de lo zappare Tartarone ,
E ffaceva chiagnenne no taluorno ,
Ch' ognè ppreta nn' avea compassione :
Chiagnea co lo selluzzo pe lo scuorno ,
Ch' aveva de trovarese mpresone ,
E ppareva strellanno ntra l'affanne..
Na Ceyettola , n' Ascio , o Varyajanne ,

Quanno auza ll' uocchie, e da nante se vede
Na bella, e aggraziata Torhecella;
Isso se voze auzà; ma statte, e ssiede,
E ddimme che ccos' aie, decette chella.
Tartarone, e cche bide, e cchi lo ccrede,
E non canuscie cchiù la giovenella,
Che ntra lo vosco se stea gualianno
Pe la quale aie patuto tanto danno?

Chesta è essa gnorsì, ca Pimpa è cchesta,
E cchella, che lo core t' ha sciccato,
Chella che ghianca è cchiù de la rapesta,
C' ha le mmasche cchiù rrosse de scarlato.
Comm' a na mmumma Tartarone resta,
Comme a n' ommo de paglia mmottonato:
Parla, spapura, piezzo de n' anchione,
Ca de la Cerra pare no Pacione.

Armo Pimpa le dace, e ddice: sbotta
Chesta posteoma; perchè te lamente,
Pe quale viento', sso pietto s' abotta?
A mme puoie scommoglià li sentemiente.
De la varda de guaie si staie mò sotta,
Fuorze te pozzo alleggerì li stiente.
Su lo segreto tuo famme palese,
Comme sì bello, singheme cortese.

Sparà co no sospiro, che ffeteva
D' arzo, che nne mpestaie treciento miglia
Isso, e ddisse: sta sciorta addove steva,
Comme, e da quale terra oggi mme sguiglia?
Uh quanto stà lontano mme credeva
De te pe occhi sto core arde, e squaquiglia?
Io stongo summo, e stà credeva a ffanno;
Ora vedite comme va lo Munno!

*Agn. Zeff.**E**Pim-*

Pimpa mia, core de sta coratella

Sacce, ca schiave sulo pe tte ssonge;

Pe tte zingara, mora facce bella,

Co lo fierro a lo pede affritto stongo:

Averrà addesa n'anno, ch'ogne stella

Mme contrarea, e mmo proprio te dongo

Rellazione comm'into a no vosco

Te vadiette, t'ammaie, e tte canosco.

Gabbato da no gnitto zappaiuolo,

Che mm'arrobbaie na tareca ncantata,

Correnno appriesso de lo mareiuolo

Dinto a no vosco perdiette la strata.

Seneo fra tanto, comm'a rrescegnuolo,

Gualeiare na voce angelecata,

Chiano chiano m'accosto, e bego, e ssento

De te l'abbeto, nomme, e lo lamiento.

Io lo cconfesso, ca fue n'acqua cauda,

Che comm'a ppuorco mme spennaie sea vista,

Nè la ferita a lo core se sauda,

Pocca la botta è pprecolosa, e trista;

Già l'arma s'accostaya sauda, sauda,

Co lo corpo; ma oimmè fanno m'abbista

Ss'uocchio, ch'è dde farcone, e tte l'assarpe,

Ed io appriesso a tte struio le scarpe.

Te strillo appriesso, e ttu cchiù alliccie, e ffuje,

E becco ch'uno co la spata nmano

Mme dice: ferma, tanto che nfra nuje

Commattenno, cadettemo a lo cchiano;

Eramo addebolute tutte duje

Dinto a no vosco vicino d'Agnano;

Nce trovano li Turche, e ssorzetate

Simmo da chille schiave ncatenate,

Ma

Ma na borrasça po da la galera

Nce spartie, ne n' avettemo cchiù nuova :

Tanto ch'io chianze de mala manera,

Ne lo ncogneto saccio addò se trova ;

Sta sfazione addonca sulo spera

Tartarone dà te, bella che mmova,

Co li lamiente mieie, co li mieie chianto

Sso core, ch'è ddurissimo ddiamante .

Rispose Pimpa; Tartarone io saccio

Chi sì, quanto sì buono, e cca sì bravo ;

Saccio ca de nnemmice faie scafaccio ;

Te compatesco po, ca mo sì schiavo .

Perdoname pe tte s'io mo non faccio

Chello che ddavo; pocca puro io lave

De chianto chesta facce addolorata,

E cchiù de tene songo unammorata .

Sulo te prego, che bienghe co mmico,

Ca pe la via po te contarraggio,

Comme pe lo destino, oimmè, nemmico,

Io cchiù de tene mme struio, e mm'arraggio;

Io fuire da ccà voglio co ttico,

Fuorze chella bellezza trovarraggio,

Che cquanno tu le Turre attuorno Agnano

Pegliaste, se pegliaie sto core umano .

Sta notte quanno li Lupemenare

Soleno ascire, e ttu trovate lesto,

Ca io nfra tanto faccio patteiare

Na varca pe foire da ccà priesto :

A no creiato mio farraggio fare

Ogne ccosa, e a ppartire già mm'allesto ;

Jammo, ma pe ttrovare, maramene,

La lebertate tu, io le ccatene .

Quanto meglio sarria, respone chillo,
 Non t' avè visto, pocca ditto mm' aje,
 Ca io a lo sproposito mo strillo,
 Pocca tu d' auto ncrapecciata staje;
 Addonca chisto affritto speretillo
 E nnato sulo pe sopportà guaje?
 Ma pocca ch' io fuia co ttico, vuoje,
 Legge mme songo li commanne tuoje.
 Se dissero, partenno, bonasera,
 A rrevederce quanno è mezanotte:
 Ma Tartarone restaie ca na cera,
 Comme avesse magnate nnaravvotte;
 Co tutto chesto de rompere spera
 Sta preta tosta co ddeverze botte.
 Ma n' autà vota po sto cunto scompo,
 Ed a Maiure co no sauto zompo.
 Portato da la varca, marenare
 Addove erano brutte farfarielle,
 Peppone venne a Maiure a sbarcare;
 Ed arrevato rengrazia le stelle:
 A lo Rrè de Maiure va a ttrovare,
 E zeremonie facenno assai belle,
 Conta d' Agnano lo stato nfelice,
 Le dà lo fuoglio, e la mmasciata dice:
 Lo Rrè Tufolo all' ora mme despiace,
 Disse, che ppata guerra Rotamarte;
 Ma si mo isso assedeiato stace,
 Io pe lo lebberà farraggio ogn' arte:
 Ccà lo nteresse mio puro nce vace,
 Ca so nnemmico a Foreione: a Mmarte.
 Io juro, ca de tutta chella armata
 Fare proprio nne yoglio na freffata.

Olà ghiettate hanno pe sse Tterre;
 Ca voglio aunite ccà li battagliune,
 Su priesto, che s' allesteno le sferre,
 Ca tutte avite a ffare a ccosteiune.
 Caude, cande vonno essere le gguerre,
 Comme zeppole magne, e mmaccarune;
 Sa priesto, e ttristo; co sta sordatesca
 De li nnemmice voglio fa mesesca.

Dinto ad Agnano mo tornammo a Ciommo;
 Che sta schiaffato dinto na cantina,
 Faceva comme a ttoro, e non comm'ommo
 Promettenno de fare gra rroina;
 Si t'aggio nmano, disse, e non te scommo
 De sango, e non ne faccio jelatina,
 Pozza morì nfeglianza, o Rrè ccornuto,
 Si tu la scappe portanne lo vuto.

Mentre se lammentava, a lo canciello
 Se sentette chiammare da Scatozza,
 Che le decette da no cammariello:
 Lassa co ttico che io sfogare pozza:
 Sacce la pace pecchè io poveriello
 Conseglia voze; lo Rrè mm'ave nvozza;
 E ttanto, che stimmato no sciasciucco,
 Li peccerille mme fanno l' allucco.

Io non pozzo passare pe na via,
 Ch' ogne bastasq non me dia l' abbaja;
 E ssenza respettà la scienza mia,
 Io sò ttrattato comme a ccoccovaja.
 Quanto a lo cconzegliare io buono sia,
 Desiddero che frateto mme nzaja;
 E ccacciare te voglio da presone,
 Si tu mme miette ngrazia a Ffòrcione.

Lassa fa a mmene Ciommo le respose,
 Ca io canesco buono quanto vale;
 Fratemo le pperzune vertolose
 Le ssà stemmare, e nne fa ccapetale;
 Scatozza disse: quanno sò le ccose
 Scordate, e stà dormenno ogne anemale,
 E ffa la percopia ncielo ogne stella,
 Te cacciarraggio pe na portecella.
 Alliegro Ciommo de sta sciorta bona,
 Ogne ttantillo le pare mill' anne,
 E ll' ore conta, che l' arluoggio sona,
 Aspettanno de scì da tanta affanne;
 Venette l' ora, e na voce le ntrona
 Decenno: viene smargiassone granne,
 Ed azzò che la sciuta sia sicura,
 Veccote ccà la spata, e ll' armatura.
 Se veste Ciommo, e Scatozza le ttoje,
 Disse, sò st' arme, ca ll' aggie arrobbate,
 Pocca le cchiave avea de ll' arme soje
 Tutte a mme Rotamarte conzegnate;
 Su, non tricammo cchiune, potta d' oje,
 Ca essere potimmo scommogliate,
 Trovano nfine d'Agnano a la porta
 La sentenella ntra lo suonno morta.
 Chiste da me porzi fureno sera
 Addobbiate co no buono vino,
 Ascimmo Ciommo priesto de carrera,
 Ca chi sà che po fare lo Destino?
 Ma vede Ciommo, ca Scartocchia era
 Lo dormegliuoso, e ddè despietto chino
 Disse: partire da ccà non me voglio,
 Si chisto latro a la nnuda no spoglio.

Sca-

Scatozza, non è tiempo, disse, chisto:

E Cciommo le respone, ora mo sona,

Lassa fa a mme, sto mareiuolo ntisto

Io voglio propio, che la conta bona;

A Ttartarone lo scuto sso tristo

Ch'arrobbaie, mme decette na perzona;

Co ddesfedarlo, e mmo dorme a la mmuollo,

Né nsape, che Ddestino le stà ncuollo.

La spata caccia, e nce l' appoia ncanna,

E scetate le disse; ommo valente;

Isso se sceta, e ttremma comme a ccanna,

Ca la morte accossi vede presente.

Chè se spogliasse dapò le commanna,

No lassanòle ncuollo manco niente;

Po l' ammarra la vocca, e lo lassaje

Proprio comme la mamma lo fegliaje.

Era fredda la notte, ed a lo scuro

Pe lo friddo afferraie lo tremmolese;

Tanno co Ciommo Scatozza sicuro

De la porta d' Agnano abbascio scese;

Ma vecco ca vecino de lo muro

No rommore, e ffracasso Ciommo ntese;

Disse a Scatozza: che rommore è cchisso?

Chillo respone: è ddé Demmuonie aggriso.

Dinto sta grottecella sta guardato

De Tartarone lo tremmenho scuto,

Pe lo peglià cchiù dd' uno s'è pprovato;

Ma trasenno, cchiù ffiora non è sciuto:

Pocca chillo terreno è mméninato:

Si animale nce vace, puro è ghiuto:

La prova co lo cane face ogn'ommo,

E dde Grotta de Cane ave lo nommo.

Io nce voglio trasire , si sapesse
 De restà muorto , e pperdere la vita ;
 Disse Ciommo ; e Scatozza ; ch' avertesse ,
 Ch' ave na voglia , ch' è sopierchio ardita ;
 Sta sperienza a ffa non se mettesse :
 Sulo chi è ppazzo la morte nterrita :
 Vedenno po , ch' arresoluto stace ,
 Co Ciommo dinto de la grotta vace .
 Nyolè trasire , da la grotta scieno
 Tanta mmorre de sierpe , e de lacerte :
 Ma contra Ciommo niente resestieno ,
 E da ccà , e da llà jettero spierte .
 Dinto a la grotta tutte duie trasieno ;
 E Scatozza le disse ; affè la nzierte ;
 Ma comme Ciommo la tareca adocchia ;
 Ascevoluto Scatozza sconocchia .
 Ciommo fora lo porta , e ppo de nuovo
 Trase , e scompere vo mo che nc'è mmiso .
 Decenno ; io mo che aspetto , mme nce trovo .
 Ma da ll' arme ncantate isso è ddefiso :
 Scippa lo scuro , nfine da lo chiuvono ,
 Da li scazzamaurielle niente affiso ;
 Ogni Demmonio frugolo , che spara
 Parze pe ll' aria , e ba a la Zorfatara .
 Esce a la luce lo smargiasso mmitto
 Co lo scuto ncantato grolejuso ;
 Ma po vedenno Scatozza l' affritto .
 Comme lo pozza ajutare è cconfuso .
 Ma perchè avea voglia de fa mmitto ,
 Quanno l' avette co l' aurina nfuso ,
 Abbecchè fosse no poco fetente ,
 Puro tornà lo fece nsentemiente .

Alliegro Ciommo dice jammoncenne,
Ed arrevaïeno all' utemò a lo campo;
Lo sentìe Foreione, e sse ne venne
Volanno a isso justo commè a llampo;
E Cciommo le decette: grazia rienne
A sto vecchiotto, ca pe isso campo;
Pocca lo manco piezzo mo l' arecchia
Sarria, avenno perzo la pellecchia.

La Tareca porzì veccote ceane,
Ch' a despietto de Popa, e dde lo Nfierno,
La pigliaie da la grotta de li cane,
E ffoire aggio fatto lo Zefierno:
Ora via, frate mio, fruscia sse mmane,
Farrimmo che destrutto sia mmaterno
Agnano, e Fforeione: mo senz' auto
Apparecchio pe ccraie ll' utemo assauto:

Da Tunnese ntra mente s' è ppartuta
Pimpa, e cco essa Tartarone porta,
E da ommo de nuovo s' è bestuta,
O nnegrecata ca p' ammore è mmorta:
Ma a bele chiene na varca ha beduta,
Che le veneva acuollo, e ddisse: ahi sciorta,
Addove mm' annasconno, e cche ffarraggio,
Ca Ntunnese de nuovo tornarraggio?

Tartarone decette: n' aie paura,
Ca cchià priesto cca nzieme morarrimmo;
Ntunnese cchià non tuorne, stà sicura,
Si commattenno non sò acciso io primmo,
Se vestìe Tartarone l' armatura;
Ma già la varca arriva a bela, e a rrimmo,
Strillano ammaena li More arraggiate;
Ma chiste sò co ll' arme apparecchiate.

Ora che pponno fare doie perzone
 Co no delluvio de Turche, e dde More?
 Facea comm'a Ddemmonio Tartarone,
 E ppe la mano soia cchiù dd' uno more;
 Pimpa spencea la desesperazione,
 E ffa fracasso, e non avea terrore,
 A Garciumma, ad All rompe lo mussò;
 Ma Tartarone fa taglia, ch' è trusso.

Ma Frettasse strellava comm'a ccuotto
 Decenno: che facir, o Mustafà,
 Ciafer, Amet, fare ciavar sotto
 Da chisti sul Mahamet, Allà?
 Tartarone decea: se cchiù bescuotto
 Tu magne, affè ca te puoie groleia,
 A Ffrettasse la zella buono ammacea,
 Ed a Ciaferro po lo tuppò spacca.

Ma che ppoteano, si fossero state:
 Tutte frugole, e tutte tricchie tracche,
 Da tanta banne li nigre assatate,
 Pe lo ttroppo commattere so ffacche;
 Già songo tutte de sango allordate,
 E tutte spertosate hanno li giacche;
 Ma veccote na varca co ffracasso.
 Vene improvvisa co no grà smargiasso.
 Dace neuollo a li More, e ffa benaccia
 De chille senza fede Maumettane,
 Feresce, stroppia, smafara, spetaccie,
 E na salata fa de chille cane;
 Ma non votava Tartarone faccia,
 Nè Ppimpa a scianco manco avea le mntane,
 A mmaro già lo sango auza la scumma,
 E li More jastemmano Maumma.

A ll'utento foiettero, e llassaro.
 Li nuoste leberate da sospetto;
 Co lo ncogneto Pimpa s'abbracciaro;
 E sse levaieno a no tiempo l' ermetto.
 Che bide Pimpa? si chisto è lo caro,
 Che t' allummaie lo ffuoco ntra lo pietto;
 Ma lo ncogneto resta ascevoluto,
 E ffluie da Tartarone canosciuto.

Pimpa decette a Tartarone: ammico.
 Chisso è cchillo, che ll'arma m'arrobbaie;
 Pe cchisso sò ntra l' ammoruso ntrico,
 Sulo pe cchisso aggio patute guaje.
 Tu non canuscie l' aglio da la fico,
 Decette chillo, mo ncarrata l'aje,
 Non canusce sto ncogneto chi sia?
 A ie pegliato Vaiano, sore mia.

Tornaie chillo nse stisso; e ddisse: gioja.
 Te vego, cca te trovo, e non so morta;
 S'agghiaia Pimpa scura, e affanno, e annoja
 Chesta voce de femmena l'apporta.
 E ddisce: a cchesto la Fortuna toja,
 O Pimpa negrecata, mo te porta.
 Oimmè ch' Ammore pe mme spine semmena,
 Che nnammorato mm'ave de na femmena.

Tartarone decette; manco male;
 Rita chesta, che bide, è ccomm' a ttene,
 Ss'ammore vuosto non ba manco sale,
 Si no tierzo, e no quarto non ce vene;
 Senza lanza la tareca non vale,
 Vacca co bacca maie se vole bene,
 Si ca non ponno fa luce la notte,
 Si doie lanterne n'hanne cannelotte.

Pocca femmena sì, comme songh'io;
 Pimpa le disse, te voglio pe ssora:
 E Rrita le respone: bene mio,
 Si tu fuss'ommo, meglio pe mme ffora;
 Ma pocca è bano lo nuosto golio,
 T'abbraccio comm' a ssora a la bon'ora:
 Decette ll'auto: o Pimpa mia galante,
 Mo che sì asciouta, azzettame p'amante.

Pimpa le responnette: mme contento,
 E a Tartarone proiette la mano,
 E becco mpoppa pigliano lo viento,
 E botano la proda verzo Agnano.
 Tartarone pregatte, eh' ogni stiento.
 Pimpa contasse, ed essa chiano, chiano
 Accommenzaie a ddire: oimmè na sarma
 De stiente, e gguaie ave patuto st'arma.

Pimpa io mme chiammo, e a no Barone figlia,
 Ch' avea la Casa soia rente Resina,
 Che llontana de Napole è ttre mmiglia,
 E nnata proprio comme a na Reggina.
 Avea quatt'anne, quanno se la piglia
 La Fortuna co mmico; a la marina
 Co la notriccia, mentre a spasso stava,
 Na felluca de More mme fa schiava.

Me veneno a Maumetto, che bedenno,
 O le parze vedè ch'era sbellotta,
 Mme cresce comm'a figlia, e ntanto attenno
 A ll'arme sulo, e mme nce faccio addotta;
 Ncagno de fuso, e aco, io sulo ntenno
 Co la spata de fa na bella botta;
 Da Tunnese cresciuta auzo pe ffine
 Vestuta d'ommo, li sette carrine.

Ar-

Arrivo a Cumma, e ppe ghì a lo paese,
Mme mecco a ccammenare a buone cchiune,
Ma sgarraie, mara me, la via carrese,
E ntra li vuosche trovome d'Astrune.
Nchesto de cane n'abbaiare ntese,
E no granne alluccare a li vallune,
E ssecotata veo na Segnorella
Da no puorco sarvateco, assaie bella:
Io, ch'a ccacciare sango era mmezzata,
Corrette co no core assaie anemuso,
E dda lo scianco caccianno la spata,
Fice a lo puorco tanto no pertuso,
Resta la sdamma, comm'a na ncantata,
E ddice: o gioveniello valloroso
Cierto ca tu non mm'ajutaste nvano,
Sacce ca la Regina io sò d'Agnano.
Io le decette: mme groleio Segnora,
De v' avere servuto, auto non voglio:
Ma la Regina de me se nnammora
Quanno nfacce mme vede, v' cche mbruoglio!
Oimmè, decette, è fforza ch'io mo mora,
Si a le fferute non refunne ll' uoglio
De la corresponsenzia, no lo bide
Ca dannome la vita oimmè m' accide?
Segnora, io disse, aggiare da sapere,
Ca comm'a buje femmena songh' io,
Da la disgrazia costretta a ppatere
Mala sciorta, e a ccagnà lo stato mio.
Tanto cchiù, essa disse, lo piacere
M'è ccarò; e mentre co no grà golio
M'abbraccia, sence dire: io sò pperduto;
Vego co ll' uocchie mieie ca sò tiradute.

E becco n' ommo a la ncorrenno vene
 Vierzo de nuie ; ma io la spata afferro ,
 A la Regina co na mano tene ,
 Co ll' auta ncuorpo le schiaffa lo fierro ,
 E botatose a mmè mme disse ; a ttene
 Io contento non sò , si non t' atterro .
 Io le decette : fremma tanta pressa ,
 Non bì ca songo femmena comm' essa :
 Chillo se fremma , e ch' aggio fatto ? dice ,
 Io le decette stirate sso vraccio ;
 Rotamarte , respose isso , nfelice ,
 E pperchè non m'accido ? oimmè che ffaccio ?
 Na pecora aggio acciso , oimmè , che ffice ?
 Comme ste ccarne no spertoso , e adaccio ?
 Ma tu , pe cchi sta cosa è ssucceduta ,
 Comme sì ccà , da dove sì benuta ?
 Passanno a ccaso , io disse , ca la via
 Sgarraie , da no puorco secotata
 Sta sdamma vego , e cco la mano mia
 Lo puorco accise , e ll' aggio lebberata ;
 Ed avendole dirto po chi sia ,
 Comm' a ffemmena essa m' ha abbracciata ,
 Tanto site venuto arraggiaticcio ,
 E avite fatto sto bello pasticcio .
 Se nnamora de me pe cchiù desgrazia
 Rotamarte : e co isso vo che бага ,
 E ppe la via mme dice : co ssa grazia
 La perdeta , che ffice Ammore paga :
 Io lo desprezzo , e isso , si mme strazia
 Ssa bellezza , mme dice , e sì mm'ammaga ,
 Ne mme vo contentare ; e io pe sforza
 Farraggio che ace vaga pe le torza .

Nia-

Ntosto comm' uovo a lo calore sujo ;
 Tanto che isso se scervella , e affanna ,
 Ed avenno paura , ch' io non fujo ,
 Dinto na Torre presone mme manna .
 Ora mentre d' arraggia llà mme strujo ,
 Ch' a sti guaie la Fortuna mme commanna ,
 Sento ca Forsione face guerra ,
 E dd' Agnano lo Rrè dinto se nzerra .

A Fforeione sore la mogliere
 Era de Rotamarte , che fu accisa ;
 Tanto che cchillo co ll' aunite schere
 Mmiero Agnano venette a la mprovisa ;
 Vo fa vennetta de tutte manere ,
 Nè ccontentà se vò , si no scarpisa
 Atterrato lo Rrè , co la Cetate ,
 E cche siano le ccase scarrupate .

Tartarone nfra tanto dà l' assauto
 A cchella Torre , addove stea mpresone ,
 E già sagliute li sordate ad auto ,
 Se rennette la Torre a Tartarone :
 Io scappà da no male , e ttrovà n' auto ,
 Credenno , a ttrovà morte mme despone
 La voglia desperata , commattenno
 Ntra ll' arme de morì sulo pretenno .

A tte Rita bellissemma mme rise ,
 Essenno stracqua , e pecchè tu cortese
 Mme te mostraste , e ppe ommo te crise ,
 Ammannote lo tiempo nvano spese :
 Po carcerato a ffoire mme mise ,
 E stracqua nfine gualeià me ntuse
 Tartarone , e dda po mme secotaje ,
 Ma mo ch' io non saccio lo frumaje .

Maie:

Maie votannome a rreto, io fujo tanto;
 Ch' arrivo a la marina, e llà nce trovo
 Li Turche, e fhatta schiava io sò co cchianto
 Negra portata Ntunnese de nuovo;
 Ma lo Patrone mio, che m' avea chianto,
 M' azzetta n' auta vota: ma lo chiuovo.
 D' Ammore avenno npietto. Zò ch' appriesso
 Vuie lo ssapite buono, ch' è ssocciesso.
 Sentite li guaie mieie, decette Rita;
 Dapò che Ppimpa a mme tu te renniste;
 A Smafara cercaie levà la vita,
 E ppresone tu n' auto mme mettiste;
 D' arme vestuta presentosa, e ardita
 Lassaie lo Campo, e co mme commattiste
 O Tartarone quanno secotave.
 Chesta, che de stò core avea la chiave.
 Mme credeva, che ttu fusse nnemmico,
 E pperzò a cchisso fusse juto appriesso,
 Commattettemo nziemme, ed io co ttico
 Nterra cadiette ascevoluto, e cciesso.
 Schiave fuiemo po, potta de nnico,
 Venette la borrasca; ma socciesso
 Siente che mm' eie dapò; la galiotta
 Fuie da lo maro a ccierte scuoglie rotta.
 Lo Tempio llà ttrovaie de la Vertute
 • Io sola da lo Maro lebberata,
 Gran cose mme mostraje, e le fferute
 Subbeto mme sanaie na bella Fata;
 Mmarcate po mme disse, ca scompute
 Songo li guaie, ed a la cosa amata
 Va dà soccurzo; e ssarva chi vuoie bene;
 E scomparranno llà tutte le ppene.

Trascorrenno accossi li trè tcontente ,
 Teneno mmiero Agnano lo veiaggio ,
 Dereto le sciosciavano li viente :
 Ma zzo che Peppo fa mo contarraggio ;
 Erano aunite tutte li valiente ,
 Che de Tufolo avea lo vassallaggio ,
 E Ppeppo tutte le bedea mmarcare
 Ncoppa de li varcune , e speronare .
 Ora vedimmo quale è lo soccurzo ,
 Che ddace a Ppeppo lo Rrè de Maiure .
 D' Aierola seiciento porta Turzo ,
 Ch' a li nnemnice sà menà li ture ;
 Mā perchè goffo, e ddestro è ccomm'ad urzo ;
 N' urzo a lo scuto mmiezo a ccacciatute
 Porta , e ccomm' ommo letterummo fino
 Issso stisso nc' ha scrittò : Sò *Cchiappino* .
 Streppone porta mille de Praiano
 E na tareca porta de cestunia ,
 Treciento , e ssette sò dde Pasetano ;
 Che non cedeno a mmille a ffare a ppunia ;
 Dociento vinte sò cchille d' Atrano ,
 Ch' hanno la cape tosta comm'ancunia ,
 Mimmo le pporta , che nguerra se scarfa ;
 E Busciolo ha seiciento de la Marfa .
 De Praierola po nce nne sò mmille ,
 E Stantaro nn'è capo de sia mmorra ,
 Sò scarze d' arme , e lligge comm'a grille ;
 De lloro non se trova chi cchiù ccorra .
 Ciento settanta de Conca so cchille ,
 Mautone è ccapo , ch'a la guerra mmorra ;
 Truglio nn' ha de Forone quattociento ,
 Ch' a lo ffoire fanno co lo viente .

Chio

Chiochiaro lo Scazzato de Menture

Na catervia nne porta tutte seauze,
Sordate fatte sò dda zappature,
Buone a ssaglirè pe ballune, e sbauze.

Li reto songo chille de Majure,
Nè nc' è de lloro chi echià nnauto s'auze;
Sciure gialle, e sto scritto hanno a li scute:
Nuie lo mese de Maie simmo sciorute.

Li reto a sse mmareà l' Arrante fuieno,
E sso Cuosemo, Ambrueso, co Strevillo,
Che li nnemmicè co la spata strujeno;
Giangrazio, Ciullo, Pacione, e Nnardillo,
Mineco, Aniello, e Sguinzo, che non fujeno
Si non so ddesperate, co Ppetrillo;

E dde la mmorra de chiste animale
Streverio a lo Rrè figlio è Ccaporale,
Iate Tufolo, disse, o gente meje,

Ca cogliarrite le Betterie a ttommola,
Ca vedarrite, si vonno li Dieje,
A li nnemmicè fa na capotommola;
Chillo porta le palie, che cchiù rreje;
Votate li nemmicè comm' a strommola,
Peppo le mmano le vasa, e se mmarca,
Sarpa da Maro lo fierro ogni barca.

Già pe ddare l' assauto a la Cetate,
Pocca lo scuto avea lo ncanto tutto;
S'apparecchiano tutte li sordare,
Azzò ch' Agnano rommanga destrutto:
Chille da dinto so ffortefecate,
E stà a le mmura lo Puopolo tutto;
Peppo non vedè de nulla manera
Rotamarte lo Rrè, e sse despera.

E già

E già le scale d'ogne mmassaria
 Hanno pegliato li Napoletane,
 Se vanta ogn' uno co smargiassaria,
 D'esse lo primmo a ghiocare le mmane;
 Mmiero de la Cetate già s'abbia
 Lo nnemmico, ma leste li Paiesane
 Na salutata de prete se fanno,
 Che s'è delluvio, o chioppeta non sanno
 Tif ceà, taff' Hà, e da llà tuffe
 Le pprete schiasseiano ogne scionnea
 Fanno; a ll'auta cauzune te ll' affuffe
 Luccio lo primmo tu, chi lo credeat
 La chioppeta de chelle pprete muffe,
 Na caduta de grannene pare; a
 Ma quanto le ppretate da llà chioveno,
 Tanto verzo de llà chiste se moveno.
 Ma quanno furiemo sotta la muraglia,
 Jettano chille vollente lescla,
 De chille ardite nesciuno, che ssaglia
 Nc'è, e sporpatò, e scaudato non sia:
 Chille che ssongo de l' antica maglia
 L'acqua cauda no stimmano pe ccia,
 E ppuro che la groia se guadagne,
 D'acqua vollente pigliano li vagne.
 Venè na spia, e a Fforeione dice:
 Signore, mo è sbarcato a li Vagnule,
 Lo soccurzo, che bene à li nnemmice,
 Ed ammolate so comm' a rrasule;
 Foreione votatose a ll' ammicce,
 Jammo, disse, a cchiarire sti cetrule,
 E ttornarrimmo ccà dapò sti mpiccie;
 Poca nce so chiù ghiuorne, che stauciécie.

L'aser-

L'aserzeto facette co ddoie corna,
 Ciommo ave lo mancino, isso lo ritto,
 Decenno: si nce mmatte che nce torna
 Pe lo riesto sto Tufolo mmarditto,
 Va ca io si non faccio, che se sforna,
 Me tengo pe berrillo, e ppe no guitto,
 Jamme vedenno a buie stignamme gnamme
 Faceranno palillo co le ggamme.

Streverio, e Ppeppo co lo stisso muodo
 Facettero l'aserzeto cornuto;
 Peppo decette a ogn'uno: non t'allode
 La Famma, ca pe cchesto sì benuto,
 Dico lo vero, non saccio dà vruode,
 Saccio ch' ogn'uno de vuie è arresoluto;
 Co lo spruoccolo ll'aseno, che zuoppo
 Non è, ma corre, tellesarlo è troppo.
 E becco. Ciommo, che pprimmo accommenza,
 E ffa fracasso co la spata soja,
 E comm'a ppalla, che bota la renza,
 Co no core venea propio de boja.
 De lo ghì contra Peppone non penza,
 Che d'accidere vo sfocà la foja,
 E cchillo cuorpo, che non vuoie, te cagnà,
 Parenno Abbate Cesaro ncampagna.

Chiechiere, annicchie, rechieppe, e mmascune;
 Serrapoteche, nironamole, e ntose,
 E ttafare, e ttammurre, e sbettorane,
 Pacche, vottate, scervechie, e rrefose,
 E ccauce, e mmuorze, e ppunie, e nommacune,
 E sciacquadiante, fochie, co bentose;
 E mmano-mmurze, parapiette, e scoppole,
 Lellere, scese, schiaffe, e scaracoppole.

Se

Se danno li sordate spisso spisso,
 Scordatese le spate da na banna;
 Ntroia maie se vedette tale aggrisso,
 Uh quante Ciommo nne stoppeia, e scanna.
 Peppo da ll'auta banna fa lo stisso,
 Li pariente a ttrovà quanta nne manna.
 E ppate, mentre che cuorpo no sgarra,
 No nuovo Berlechenche, o Marco Sciarra.

Se movette porzà nguerra Streverio,
 E Foreione puro isso se move,
 Chillo ch' ha de fa sango desedderio,
 Nne caccia comm' a llava quanno chiove;
 Ma Foreione ha moderato mperio,
 Ca ll'averzarie so ssordate nuove,
 E bo' de li nneemice fa guadagno,
 Comme a la mosca sole fa lo ragno.

E beramente grà streverio fece
 Streverio, e a pprimmo nce ntorzaie Masullo;
 Vedenno spertosate passa dece
 A tte mm' arreuno, voze di Ciantrullo:
 Te puoie mo fare nigro comme a ppece,
 Streverio disse, non canosco a nullo;
 Non saccio, si morette da Streverio
 Si-pè la botta, o pe lo vesenterio.

Sbalanza Fonzo da rasso no miglio,
 Taglia lo naso co lo musso a Biase,
 E sfrisa Lollo, che ppatea coniglio,
 E ncuorpo a Ccola po la spata trase;
 Corre ncuollo d' Antuono comm'a nniglio,
 Lo scatozza, e la capo couze a Mmase,
 Che da lo ciuccio lo fece cadere;
 E cchiù nn' accide de mille manere.

Stea

Stea mpierno la Vettoria, e non chiegava
 Niente da chesta banna, nè da chella,
 Comm'a ccornuto ogn' uno contrastava;
 E buono s' ammaccavano la zella;
 Ciommo da desperato cuorpe dava,
 Turzo lo primmo perdette la pella,
 Che da cavallo cadenno no turzo,
 Face, e mmorette co no turzo Turzo.
 La furia chi vo di de Foreione?
 Dapò che ffatto nn' ha na chiusarana:
 Accide Mimmo Vusciolo, e Streppone,
 Ed a Ttruglio dapò carda la lana,
 E mmentre pare justo no leione,
 Che spetaccia, scapeaza, squarta, e sbrana;
 Traseno ntra lo campo tre ssordate,
 Che pparzero tre gatte scatenate..
 Non se sapeva ancora addò mmestessero
 Li comparze terribbele smargiasse,
 E cchiste, e cchille sperano che ghiessero
 Nn' aiuto lloro, ma mo sò li spasse:
 La gente de Majure se sorressero
 Vedenno ncoppa a lloro li fracasse;
 Songo venute a ffa destrozzeione
 Mo propio Rita, Pimpa, e Ttartarone.
 Rita la primma ferute a Strevillo,
 E Ppimpa spertosae lo core a Nnardo:
 Sauta Masturzo comme fesse grillo,
 Contra de Pimpa anemuso, e gagliardo:
 Mmocca a la gatta, comm'a ssorecillo
 Jette, ne cchiù po fare lo mmasardo.
 E ppe Rrita Giangrazio a mmitto vace;
 Ma Tartarone sentite che fface.

Sba-

Sbara Meo , pesa Staso , e Sguinno ammacca;
 Toro struie, Fusco sbentra, e Mmauro amalla,
 Lillo sfrie , zolla Rito , Jeframo spacca ,
 Spercia Luca , apre Pone , e Rraso sbalta .
 Schiffo affoca, auza Ciancio, e Ppaolo sciacca,
 Sfrisa Pico , Ascio cionca , Arrico spalla ,
 Nino azzoppa, Aino sgorgia, e Mone acciairra,
 Strippa Micco , sfa Minco , e Nunzio sguarra.

Era sciuto d' Agnano Rotamante ,

Credenrose lo chiaieto de scompire ,
 De la Vettoria spera avè la parte ,
 Nè nsa ca porta la gente a mmorire .
 Comme a mmellone la cocozza sparte
 A Lello , e Ccola non se pò ssosire ;
 Ma strilla st'arbaschia, che mmuste è bannà,
 Aie rutto chillo , che balea sei rana .

Appila , non parlà cà nn' esce feccia ,

Và stipate ssa vocca pe le ffico ;
 Jette lo nnigro , dice , comme a sseccia ;
 Lo Rrè , mentre commatte mo co mmico .
 Cola nterra se vascia , e cco na vrecchia
 Cogliette nfronte de lo Rrè nnemmico ;
 Te sia data cionchia frabutto, guitto ,
 Lo Rrè le disse , e ccomme cieche dritto !

Già te lo schiaffa sotto lo cavallo ;

Ma Pimpa a la ncorrenno llà benette .
 E ddicette a lo Rrè : si non t' ammallo
 Pozza morire , e na botta le dette ;
 Isso respose ; vù si faccio fallo
 Co sto cuorpo , e lo scianco le ferette ;
 Lo vede Tartarone , e ccorre , e bola ,
 Comme a nnennillo , ch' esce da la scola .

Re-

Rotamarte fo scauza, e se ncaforchia,
 Tanto che Ppimpa Tartarone sarva;
 Ciommo ntra tanto li nnemmice sporchia;
 E cco là spata joca a ssarva a ssarva;
 Non ce ne fa restà manco la sporchia
 Foreionè de chella gente alarva:
 Già de Maiure, e dd' Agnano la gente
 A sfelare accommenzano perdiente.

○ bene mio, e Rrita che ffaceva,
 Ascia Scartocchia, e se lo schiaffa sotto,
 Pecchè co isso arraggiaticcia steva,
 Tutto lo sdigno, e lo venino sbotta;
 Chillo agghiaiato cchiù non resesteva,
 Tanto che Rrita sulo co na botta
 Le taglia le ddoie mano, e a mmuorze poje,
 Se vennecatte de l'aggravie suoje.

Non resisteno cchiù li Maiurise,
 Ed a mmarcà se tornano a le barche,
 Faieno a ll'auta banna l' Agrianise
 De sango, e llota tutte tinte, e cchiarche;
 Streverio strellava: siate accise,
 E ppotite lassareme catarche,
 Pierze de mmumma, schefienzie tornate,
 Vediteme morire, e appalorciate.

Co Fforeione se scontra Streverio,
 Ed a la primma botta acciso resta;
 Muorto Streverio, fecero streverio
 Li nnemmice pe scompere la festa.
 Peppo ave de morire desedderio;
 Ma le disse lo Rrè: che pressa è cchesta,
 Sarvate, desperare non mme voglio;
 Pe ffi ch'a la lucerna nice stace uoglio.

Stril-

Strillano tutte Vettoria, Vettoria,
E ppe ttanto strellà tutte s'abbrucano,
E ttutte quante l' arraggia, e la sboria
Co scamazzare li nnemnice sfocano;
Tanto che cchille, che nn' hanno cecoria;
Pe fraggia dinto lo mare s' affocano,
Fuieno chille, che ghiettero a Mmaro;
Ma ll' aute dinto Agnano se nzerraro.

Scompertura de lo Canço Quinto.

L' A G N A N O

Z E F F O N N A T O

C A N T O S E S T O .



A R G O M I E N T O .

*Sò Ttartarone co Ppimpa contiente
 Zite, e ssanno la razza, che ffarranno.
 Agnano proje a Bacco li lamiente,
 Quale co Mmarte scerveccchie se danno ;
 Vedenno Bacco, e Giove da pezziente
 Dinto Agnano le mbroglie, che se fanno ;
 Da l'acqua è zeffonnata la Cetate,
 E le gente nn'aucielle straformate .*

O Ra chi porrà dire l'allegrezza,
 Che ffacette vedенno Tartarone,
 Lo Rrè, co Rrita; pe ttanta preiezza
 Io creo, che se nn'anchiette no cauzone ;
 Ma de Rita vedенno la bellezza
 Ciommo, remmase comme a no cestone .
 E Ttartarone a ll'ammice nnorate
 Na storia fece de li guaie passate .

E mmanaje a cchiammare po la Fata,
 Ch'a l'Isola, npassà de la Vertute
 Ncoppa la varca l'aveano pegliata,
 Pe essere da chella soccorrute;
 Venette, ed è dda tutte salotata,
 Ed essa rese a ttutte li salute;
 Ma Foreione le fece cchiù nnore,
 Pe cch'isso a la Vertù porta cchiù ammore.
De lo cchiù, e dde lo mmanco no trascurzo
 Fecero co la Fata li valiente:
 Dapò disse la Fata: sto soccurzo
 T'aggio portato pe te fa vcente;
 Mo de mme nne tornà lo tiempo è scurzo,
 Co buie non c'aggio da fare cchiù nniente:
 Sulò pregà te voglio na cosella,
 Gh'accucchie Tartarone, e Ppimpa bella.
Me contento lo Rrè decette, ed io
 Si lo bolite, ve tengo l'aniello;
 Tartarone decette, o frate mio,
 Te vaso li pedale, o core bello.
 Votatose po a Ppimpa; aie tu golio,
 Disse, de m'azzettà pe mmaretiello?
 Voglio, essa respose cianciosella,
 E ttenze de premmone la faccella.
Ciommo se fece a Tartarone nnante,
 E ddecette: la tareca ncantata
 Eccote, ch'a despietto de li ncante
 Io la vncette, e te ll'aggio stipata;
 O Ciommo, chillo decette, galante,
 Vero Cardascio, e bero Cammarata,
 Si pagà tantà grazie non porraggio,
 Obrecato nn'aterno te sarraggio.

Ora sentite, disse la Mbreiana,

De Tartarone, e dde Pimpa li figlie,
Che da sta cocchia comm'a na fontana
Scorrarranno, e ffarranno sempe sguiglie.
Stentaie Vorcano cchiù de na settimana,
E cquase nce strodie tutte li stiglie,
Pe ste ffigure, che de Tartarone
Fanno a bedè la gnetazione.

Lo primmo figlio se chiammarrà Titta,
Ch'essenno co la spata assaie vezzarro;
Farrà comm'a lo strummolo na fitta,
Cravaccanno de trotta no sommarro;
Ma de la sciorta dapò la desditta
Lo farrà ciunco ghire, si no sgarro:
Ma pe mmostrà, che ffuie ommo de magia,
Sempre se chiammarrà Titta Vattaglia.

Da chisto nasce Rienzo capo tosta,
Che da li portarrobbe, e ppeccerille
Accramato sarrà, dove s'accosta,
Comm'ommo granne co allucche, e cco strille;
Sarranno vertoluse fore josta
Duie fegliule de chisto arditolille;
E la loro virtù, vih ca le mmanna
Mprubeco a sta co li tesune ncanna.

Cresceno, e Llollo, che bon'azzione
Ha sempre fatto, sarrà ncoronato,
E ghiennò co la museca d'attone,
Gennere de Maro è ddechiarato;
Ha de cenquanta parme no bastone;
E lo Rrè casa franca ll'ha donato:
Lo mmagnare, e bestire hà senza pena;
E ffatto Cavaliero de catena.

LI'auto Petrillo , che tutta la scienza

Ave a la lengua , sarrà Ammasciatore ,

E fflatta de chest' arte sperienza ,

Vih ch' ogn' uno lo stimma , e le fa nnore ;

Ma po non saccio pe cquale scaienza ,

A l' ammasciata pecchè ha fatto arrore ,

Nen saccio pe che mbruoglio , o pe che sdigno

Nfacce lo nigro nn' averrà no signo .

Chisto averrà na figlia , e bertolosa

Sarrà l' aria ncantà de la sfacciata ,

Tanto che fatta Museca famosa

Venerrà da lo pprubeco nnorata ;

E pperchè eie n' isce bella cosa ,

Da li Puopole tutte sarrà ammata :

E pperchè co ddenare ogn' uno smacca :

Lo nomme tene de Cacapatacca .

No Dottore da chesta po nne nasce ,

Che echino nfi a la ganna è de dottrina ;

E perchè leierrà de livre casce ,

Nn' ha preveleggio ncarta pecorina ;

Po de screttture mbroglianno li fasce ;

Nen saccio che desgrazia l' arroina :

Tanto che po non trova cchiù arrecietto

Lo negrecato Cacapozonetto .

Da chisto no buon' ommo po nne vene ,

Che p' avere no core accoiato ,

E pe d' essere troppo ommo da bene ,

E da tutta la gente accompagnato ;

Vide ca la moglie a ccanto tene

Ca la ntrata de Foggia l' ha portato :

Tanto che isso , co sta dota bona

Se pò chiammare no Rrè de corona :

Marcone sguiglia po, e a la Casa annore
 Farrà, e starrà sempe co la Corte,
 Che dde lo tierzo, e lo quarto è Audetore,
 Li fatte d'auto sentenno a le pporte;
 Lo figlio è Ppizo, ommo de valore,
 Buono a ppigliaresella co la morte,
 De Capetanio la patente tene,
 Facenno leva pe li magaziene.

De chisto sarrà mmedeca la figlia,
 Che dà remmedio d' Ammore a lo mmaie:
 De ligno santo, e dde sauza pariglia
 Sà le bertute, e a cche ssia bona, e bale;
 Carcerata la Corte po la piglia,
 Pe ccierto mbruoglio, ma non saccio quale;
 Ogn' uno le vo bene comm' a mmaima,
 E Ccatarina Papava se chiama.

Ma lasse tutte, e ppiglio Rafamiello,
 Che sarrà no Ppoma, ma de ciappa,
 Che a Nnapole sarrà Elio noviello,
 E bierzo ogni parola, che le scappat,
 Ma perchè po farrà no brutto appello
 Comm' a Ppoeto, a la trappola ncappa.
 Tanto che co la catta lauriato,
 Accossi morerrà, comm' ha campato.

La Mbreaia parlaie de chisto muodo,
 E cconzolate li zite novielle,
 Che se nne vanno d' allegrezza mbruodo,
 Penzanno d' avè figlie tanto belle;
 Decette a Fforeione: io non t' allodo
 L' antechetate de sti duie zitielle,
 Pocca tu buono saie de qua streppeña
 Songo, e dde quale cippo so ste liegna.
 Saie,

Saie che la descennenzia lloro vene
 Da chillo Grieco , che Mmarte ferette ,
 Ed a Vennera puro dente pene ,
 Quanno chella lo figlio defennette;
 Ca la mogliere femmena da bene
 Pe essere cornuto lo facette:
 Lo quale Npuglia venne desperato,
 E la Cetà de Foggia ha sfravecato.

Isso da tanno nno fece la Fera
 De piacore , de cràpe , e ccaparrune ,
 Pé mmarmoria , ch'avealo la mogliera
 Fattolo caporale de montune .
 Vuie lo sapite , de quale manera
 Scettero de sta razza smargiassunè ,
 E uno fatto fuie po Cenneraie
 Co no bastone de chille anemale.

Tanto che pe pportarene na mmorra
 A Nnapole , quann'era Carnevale ,
 Le fecero na Casa de savorra ,
 E fuie chiammato Pastore reale;
 Lo figlio Sciacqua avette po na Torre
 Pe guardà a la marina , da lo quale
 Nn'ascette Struppio Chianchiere maggiore ;
 Ch' accrescette a la Casa famma , e anore,
 De lo Ciardino de lo Rrè fo ffatto
 Petacco gardeiano , e zappaiuolo ,
 Figlio de chisto ; ch'eppe po lo sfratto;
 Ch'a la caccia de pile sparaie avuoto .
 Ma nce lassaie vivo lo retratto
 A no figlio , che ffoie no trippaiuolo ,
 E chisto fece gnenetazione
 De Tartaro , che fece Tantarone .

Chesto che v'aggio ditto lo ssapite;
 Ma sulo ve lo torno a la marmoria.
 De Pimpa li pariente le beditte
 A Rresina ca so cchine de groria.
 Mmeretan'ogne Haude sti duie zite,
 Digne de se cantare p'ogne storia.
 Accossì propio la Fata parlaje,
 Ed a ll' Isola soia se nne tornaie.
 Pe ffare festa se corze l' aniello,
 Le ppapare, e ffo Eciommo vencentore;
 Ch' a Rrita soia pe farese bello,
 Voze tutto mostrare lo valore.
 Tartarone rompie lo carosiello,
 Quanno joquatte a lo juoco d' Ammore;
 Cchiù gialla avenno pe li tanta abbracce
 De C..... de focetole le ffacce.
 Pigliano ll' arme scomputa la Festa;
 Pe ddà ad Agnano ll' utema roina;
 Ogn' uno stace co la voglia lesta
 De farenne cchiù ppiezze, che ttonnina;
 Ammice la jornata reto è cchesta,
 Foreione decea, de st' ammaina;
 Su mmenate sse mmescole compagne;
 Chisto è no juoco de se fa guadagnè.
 Nzerrato Rotamarte co Ppeppone
 Non sanno che rresolvere, e che ffare;
 Hanno vecino la destrozzone,
 E non sanno nche muredo reparare;
 Potta de mè, decea Peppo, Protone
 M' ave mprommisso de mm' aiuto dare,
 E Mmamma, mm' ave ditto, ca sta Terra
 A pperdere non s' ave pe la guerra.

E

E mmò veccete lloso lo nnemmico;
 Che mm' è benuto a ffa lo spartegiacco;
E mpizzo mpizzo sta, potta de nnico;
 De dare a sta Cetà lo reto sacco;
 Ma le disse lo Rrè: viene co mmico;
 Jammoncenne a ppregare lo Ddio Bacco;
 Jammo a lo Tempio, ca sto core spera
 De trovà lumme dinto a la Lummera:
Vanno appriesso a lo Rrè tutte le gente,
 Sulò per ffare a Bacco pregaria:
 Commenzaie Rotamarte, o Ddio potente
 Patrone d' ogne bigna, e mmassaria:
 Vottagliuommare mio, e ccorpolente,
 Perchè n' aiute sta Cetate mia?
 Che mia, tu no lo ssaie ca tu protiegge
 Tutte chiste Agnanise, e le daie legge.
De chiste non c'è nullo, ch'acqua veve,
 E ttutte, saie, ca songo utre de vino,
 Addonca dare aiuto, a tte se deve
 A cchisto affritto puopolo meschino:
 Si grazia ntra sti guaie nullo riceve,
 Tu perderraje sto Tempio pe ddestino;
 Manco a le bigne restarranno spruoccole,
 Ca sò le bite nemmiche a li vruoccole.
Sò li nemmice manciune de foglia,
 E ogn'uno d' isse lo vino sparagna,
 E mmaie de mbreiacarese hanno voglia;
 Perzò lo turzo ogn'uno d' isse magna:
 D'annore addonca si lo vino spoglia,
 E si enchie de foglia la Campagna;
 Struiele, ca mpromette sta Cetate
 De te scannare seiciento crastate.

Pe mmò pigliate chiste quattro ainielle;
 Che t'arrostimmo ncoppa de la vrasa;
 E tte donammo sti sei carnielle
 De vino arrecogliuto p'ogne ceasa;
 Scanzane, o Bacco, da sti felatielle,
 Che mò nce face sta gente marvasa:
 Te restammo obrecate si tu strippe
 Chiste, che fanno ste gattefelippe.

Accossi lo Rrè disse, e de l'arrusto
 Bacco nfi a nCielo sentette l'addore,
 Ed azzettaie l'addore de lo mmusto,
 Sentennone a la vocca lo sapore.
 Lassa fare, decette, a cchisto fusto,
 Sse cose m'hanno smuosseto lo core;
 Tanto ch' a tutto lo Puopolo dice:
 Agnano non sarrà de li nemmice.

Lo Rrè se parte. E Bacco se nne vace,
 Ed a la quarta sfera Marte trova:
 Addio, le disse: isso respose: piace,
 Che buoie da mene frate mio? che mmoa?
 Bacco respose: io vengo ccà pe ppace,
 Siente lo fatto, che fa, che mme mmoa,
 Tu saie, ca sò pprotiette da sta mano
 Lo Rrè co tutte le gente d'Agnano.

La Lumera llà dintò fravecata
 M'hanno, addò sempre ce tengo la lumma,
 La statua mia llà ddinto è spreffemmata,
 E llà ddinto mme portano la mpumma;
 Da tutte chille sò cchiammato Tata,
 E co ll'ainielle lo ffuoco s'allumma;
 Addonca io voglio, che tu da ssa Terra
 Mo proprio puorte lontana da guerra.

Fra-

Frate mio si benuto troppo tardo:

Non pò essere chesto, ch'addommanne,

Marte disse, l'aserzeto gagliardo

La vò assautare da tutte la banne:

Ha pproprio da chiantare lo stannardo,

Lo Rrè nemmico, e Ttartarone granne;

Si tu defienne Agnano, e Rrotamarte,

Sò ll' aute sotto lo mperio de Marte.

Non te facisse male, bene mio,

Decette Bacco, che gran cosa è cchesta!

Te vassarria sapere, ca songh' io,

Che te lo ccerco co la vocca stessa;

Te doverria passare sto golio,

E ffa sta guerra levare a la mpressa;

Si no piacere non me faie de niente,

A che mme serve, ca te sò pparente?

Si sona, sona, no la vò sentire,

Marte decette, non pozzo de manco

Fare, di comme te ll'aggio da dire?

Mme farrisce schiattare pe lo sciango;

Che nce vuoie na sonata? ha da fornire

Agnano, e io, non pozzo veni manco

De parola; non fare, che cchiù smanio;

La vò sentire lo Sio Capetanio?

Bacco decette: te tengo a li bene:

Nce schiaffo zò ch'alie ncapo, Marte disse,

Bacco disse: non saccio, chi mme tene,

Che ccà non faccia nascere l'aggrisse;

Fetente la farraie potta de mene,

Ga si giovene, vih che non facisse,

Marte decette, e Bacco fatto russo,

Disse: vuoie che te ntommaca lo musso.

Damme de naso addò mme sputaie mamma;

Marte respose, e Bacco, potta d'oje!

Siente, si tu mme tilliche na sdramma

Da donne viene contare nne vuoje;

Va figlio mio, ca si scopierto a rramma;

Marte arrefonne, facce de no voie,

Figlio de no Cornuto; Giove a nnuie,

Bacco asseconna, è ppatre a ttutte due.

Tu cierto si pe mmè tentazione,

Marte strellava, lassame coieto,

Vih ch'aggio troppa fremma nfin'a mmone,

Tu nò la scumpe si non vene a ffiato;

Nò lo vedite bello smargiassone?

Non mme darrisse de varva dereto,

Decette Bacco, Marte non pò cchiune,

E ss'afferra co Bacco a ssecozzune.

Se pesano li musse, o cosa bella

Era vedè li Dieie puro allottare!

Bacco non fa, deceva, ll'ancarella;

E Mmarte responnea non mozzecare;

A Mmarte Bacco sceccava la zella,

Quale se defeunea co rrascagnare,

Uno l'acconcia buono li morfiente,

E ll'auto fa sciocà li sciacquadiante.

Marte acciarratte Bacco pe no cuorno:

E Bacco ncanna le schiaffa na foca,

Chillo lo fa botare a ttuorno a ttuorno:

E cchisto poco nce vole, e l'affoca;

Se songo ncepollute pe lo scuorno,

E l'arraggia, c'ha ncuorpo ogn'uno sfoca;

Ma mentre lloro se stanno vattenno;

Giove, e Mmercurio veneno ncorrenno.

Gio-

Giove a botte de furgole, e de tritonè
 Le bò spartire; e co lo Cadoceo
 Mercurio, e llà perzì corre Gionone
 Co lo trapanaturo; ma fa ppeo.
 Corze Ereole perzì co lo bastone,
 Decenno, che se fremma ogne cchiafeo;
 Saturno corze puro co la fauce;
 Ma chille cchiù se danno a mmuorze, e cauce.

Co la conocchia Vennera le sparte,
 E Giove le decette, che d'avite?
 Sempe no presentuso fuste Marte,
 Bacco tu staie mbreaco; che ffacite?
 Pigliate avite sopierchio le ccarte,
 O pe la coda la scigna tenite,
 State giurge, lo lupo avite visto,
 State a binella, che rremmore è cchisto?

Tata, Bacco le disse, sto frabutto
 Co tutto ché mm'è ffrate, è ppresentuso;
 Marte decette, tu vuoie buono rutto
 Lo musso, e che t'ammacca lo caruso;
 Ora chisto è ttalturno; addonca nfrutto
 Zitto non te vuoie sta, disse, mmerduso,
 Giove: e Bacco contaie comme la cosa
 Era soccessa, e ffattese la ntosa.

Giove decette po: stateve zitto,
 Vuie non sapite chello, che ve dire,
 Ch'Agnano sia da tanta guerra affritto,
 Da nesciuno de vuie se pò mpedire;
 Vuie non sapite sto Puopolo guitto
 Quanta mne face, e nò la vo fornire;
 Chillo, che lo ddesgrazie addonca chiove
 Ad Agnano, non c'è auto che Giove.

Io m'anno sulo guerra addove voglio .
 Pe ccasjicare, chi vole fa male;
 Marte niente nee cape a cchisto mbruoglio,
 E si non voless'io, niente isso vale:
 E cchi mme ne fa troppo, io nee lo coglio
 Quann'isso non ce penza manco sale,
 Ora sù via tra vuie facite pace,
 E lassateme fa zò che mme piace.
 S'abbracciaieno li frate, e sse vasaro,
 E botatose a Bacco, disse Giove:
 Quanto male sse gente se portaro
 Co mmico, mò nne vedarraie le pprove:
 Viene co mmico; e nziemmo s'abbijaro,
 Dicenno a Bacco Giove: vii che truove
 Dinto d' Agnano, e bl co cche rragione
 Io l'apparecchio la destrozzone.
 Già Bacco, e Giove lassaieno le stelle,
 E mmiero Agnano hanno louolo fitto,
 E pparettero justo rennenelle
 Quanno nn'Italia veneno d' Agitto .
 L'avea Mercurio mprestate l'ascelle,
 E già scomputo lo cammino ritto,
 Se posattero ncoppa a Mmonte Spina,
 E llà cagnaieno la forma Devina.
 Giove piglia la forma de pezzente,
 Co la capo spennata, ed arrappato,
 Co ll'uocchie de scazzimma, e ssenza diente,
 Co lo cuollo de banna, e scartellato;
 Tutto poducchie, liennene, e ffitente,
 Co no cappiello ncapo sbernacchiato,
 E lo vestito co ddoie milia pezze,
 E ppe cauzette a lo ggemme doie reaze.

A lo

A lo sciagno ha de ligro na scotella,
 E ppe vaeno na pella senza pile,
 E se vace appoianno a na stanfella,
 Ch' assaie cchiù de no stantaro è ssottile.
 Scarpe a li piede nc'ha de fonecella,
 Arragamate de spago, e dde file.
 Ma Bacco, perchè gruosso è dde natura:
 De n' anto muodo pegliaie la figura.
 Pe la gran panza idruoppeco se fenze,
 E na cammisa ha schefenzosa adduosso,
 Na pezza lorda ncapo po se strenze,
 E storzellato ha no vraccio scommuosso:
 De zaffarana la facce se tenze,
 Nmano ha na mazza, ch'ave mpona n'uosso,
 Le scarpe co li junche arragamate;
 E ghiettero accossì ntra la Cetate.
 Becchè le pporte llà fossero chiuse,
 Comm' a Dieie nvesibele trasieno,
 E cco li strille, e llammiente piatuse,
 Lemmosena a ccercare se mettiemo.
 Oravì, che pezziente presentuse:
 Pe la primma lemmosena sentiemo:
 Li tentille stizzavano li cane:
 Ncuollo a li Dieie, che boleano pane.
 Segna ssa prima caccia, disse Giove
 A Bacco; e po strellanno pe le echiazze
 Decevano: pietate nò ve move
 De muie; ma chille diceano: a li pazze;
 Ogn' uno le strazea, e nzomma addove
 Credeano s'avè pane, aveano mazze,
 E na pretata mmiero de la panza
 Uno de Bacco tira, iso la scatta.

Lemmosena a na femmena cercaje;

Giove, decenno ca stava affamato;

Aspetta, disse, ca mo l'averraje,

E Giove p'aparà s'era accostato;

Ma chella pe llemmosena menaje

No mortaro de marmora sfonnato;

E si Giove mmortale non foieva.

Cierto, ca no mortaro l'accedeva.

Bacco ch'era no poco cannaruto,

Cerca la carità a no fruttaiuolo;

Chillo rispose: facce de cornuto!

Zappace comm' a mmene, mareiuolo;

Bacco partì non se volea speruto;

E non te nne vuoie ì, dicette, e a buolo

Chillo tira lo ruotolo, ch' acciso

Bacco averria, si justo era de piso.

Ma Bacco canoscìe che rrecattiere

Erano chille, che benneano frutte,

E ch'arrobbanno de mille manere,

Venneno contr' assisa li frabutte;

Sò beziante valanze, a statere;

Pe ruotolo tre quarte danno a tutte;

Scarzo è dde piso, ed è nnigro lo ppane,

Che non è buono a ddarese a li cane.

Venneno li chianchiere pe bitella,

Chella che de yetella è la vavessa.

Na gatta morta pe na Ciavarella

Te venneno; ora vih che ccosa è cchessa!

Contrafatto lo ppepe, e la cannella

Hanno li speziale; ora confessa.

Decette Giove, raggione nn'aggio,

Si sta brutta Cetà zeffonnarraggio.

De

De casedduoglie po non ne parlammo,
Chello che ppiace a lorè, dà te vonno;
Mbrogliè de verdummare non contammo.
Che ccontare pe ccerto non se ponno;
Si a ttruffe de polliere nuie penzammo,
Cierto ca manco ponno accadè nzuonno;
Metteno a fforza l'ova a-le galline:
Dinto a l'ova nce sò li pollecine.

Razze de Turche so li Pescevinole,
Che li pisce te vennenno fetiente,
Nfracetate le cocciole, e ttonninole,
Dè contr' assisa po, non dico niente;
Ma sempre songo peducchie pollinole,
Co lo ttanto arrobà sempre pezziente;
Pocca la robba come vene vola:
Tutto lo stuorto nne porta la mola.

L'arruobbe po de li Cetrangolare,
A quanta cose vennenno nc'è mbruoglio;
Sò tutte maritole l'Ogliarare,
E cco la magra te fimescano l'uoglio;
Si sanguenacce po ncappe a accattare,
O nnegrecato te, ca ccà te voglio,
Sango de Toro accattanno ntostato,
Da Temistocre muore ntossecato.

Si te venisse voglia de vestire,
Accommenza da capo a ttrovà mbrogliè,
T' aie co ccappielle retinte a ccoprire,
Le zegarelle fatte d'arravuoglie;
La tela cierto è ccosa da stordire
Ragnatela sarrà, vuoglie, o non vuoglie;
E tte nzavorra, te mbroglià, e tte ceca,
Dannote rrobba fraceta npoteca,

Vo-

Voze Giove cercare a no Mercanté,
 Che stava mesoranno cierte panné,
 La caretate; ma chillo forfante,
 Pe primmo le mannaie mille malanne;
 Mentr' era coreiuso vede quante
 Co mmesorare l'arrobba canne,
 La meza canna arvoleià vedette,
 Ma perchè era scarza, non cogliette.
 Passano nnante, e ppe che ssogno Dieie
 Vedenò comme sò pproprio le cose,
 Nè a ll'uocchie lloro nulla cosa n'èje,
 Nè nvenzione, che stiano annascose?
 Giove, so ghiuste li pensiero mieje?
 Disse: Bacco, aie ragione, le respose;
 Vide chillo Scarparo mo de fatto,
 De quanta mbrogliachele scarpe ha fatto,
 Vih chillo caozettaro, ch'arrepezza,
 Che benne trobbe co li trajenielle;
 Vih chillo Cravonaro, che mmonnezza
 Te venne pe ccraute, e ccraonelle;
 Suo pe l'arrobba ogn'uno mmezza:
 Vih tutte pezze chelle ccaudarelle,
 Vi a dritto a cchisto dito, o Patre Giove,
 Chillo che fierre vecchie dà pe nnuove.
 E ttu vide, decette Giove a Bacco,
 Chillo Arefece là, che beramente
 E arefece, ch'arrobba cchiù de Cacco;
 Vide ca tutte ramma so l'argiente!
 Ma a cchillo presentuso spartegiaccio,
 Che mo passa da là, vih tienemente,
 Non te pare, che ssia no grà smargiasso?
 Chisso joca d'ancino, ch'è no spasso.

Sac-

Sacce ca chisse sogno na scoglietta ,
 Che te schiaffano mmiezo li pacchiane ,
 E tte fanno jocà netta paletta
 Na prubeca , o na palla co le mmane.
 Vih' chillo , che se carica la barretta ,
 E ccaporale de li roffeiane ,
 De chisso so le ggrazie , e li favure ,
 Onorato da tutte li Segnure .
 E cchiste pe ccampare le guaguine :
 Soleno scortecare li vassalle :
 Vengano le mmognole , e li zecchine ,
 Che de Iostitia non c'è trè ccavalle .
 Destenuto ad Agnano aggio pe ffine
 Fa scompere le ffeste co l'aballe ;
 De lo vrachiero la cegna aggio rotta ,
 E la pollatra comm'oua m'abbotta .
 E cconfassato co li Speziale
 Ogne Mmiedeco , e fface le ricette
 De Medecine ; e de servenziale ,
 Che non saie sì t'allurde , o sì t'anniette ;
 E pe non fa vedè quanno fa male ,
 Scrive toschisco , quanno mbroglie mette ;
 Ma a la Iodeca , dissero li Dieje ,
 Che ffede se pò avè da li Iodieje ?
 Passaieno nfine pe li Tribunale ,
 Ch' erano chiuse , e Giove , lloco dintò ,
 Disse , non se noe fa niente de male ,
 Che de mbroglie , e de nganne è llaborinto ;
 Chi non avesse a ddare manco sale ,
 Te lo fanno trovare bello pinto :
 E pe bia de denare , e de presiente ,
 Lo tristo na esce , e mpiso è lo annozente .

Ora

Ora lassammo ire l' aute vizie,
 Ch' a sta Cetate d' Agnano se fanno;
 Che si volisse vedè le mmalizie,
 Sulo pe le ccontà non vasta n' anno;
 Sogno troppo cresciute le ttristizie,
 Si no la scompo manco scomperanno.
 Stracqua de lo bedè la cocchia aterna,
 Se vace a rrecreare a la taverna.
 Nce vedeno llà dinto, nzanetate!
 O quante mbroglie; metteno de cane
 Carne, e de ciuccio dinto, a le ppignate,
 E cannele de sivo a li tiane;
 E Giove, e Bacco se sò stommacate,
 E nfacce se mettevano le mmane,
 Giove d' arraggia se nzorfa, e s' adafa;
 Ma Bacco l' addemmanna na carrafa.
 Venne a Bacco lo vino, e non sapeva
 Si era acqua, si er' acito, e s' era vino;
 Nzi a mmo soperchia fremma avuto avèva
 Bacco, ma vò sbottà mò lo venimo;
 Corzè a lo Tavernaro, e l' accedeva,
 Chiammannolo frabutto, marranchino,
 E di voleva de ll' uva lo Ddio;
 Chi ha mmastarduto lo lettore mio?
 Giove lo trattenne, fremma, dicenno,
 Si tu mò te scommuoglie, bona notte,
 Si tu non te saie ire annasconnenno,
 Nce nne jarrimmo co le ccapo rotte;
 Vedarraie, si cchiù buono vaie vedенno,
 Ca le stoppate fanno ad ogni botte,
 E si tu mo vuole fare na frittata,
 Puro avarraie besuogno de stoppata.

A la

A la carrafa rompette lo cuollo

Bacco arraggiato; ma lo Tavernaro

Justo comm' uorzo le sautatte ncuollo,

Paga, disse, lo vrito, o ccà te sbaro;

O paga la carrafa, o ccà tte zollo,

Veccote, Giove disse, lo denaro

Saie che buoie fare, le dicette chillo,

Spertosalo, e ppo ncanna appiennetillo.

Che ccos'è, disse Bacco; niente vale,

Lo Tavernaro disse, sta moneta,

Va vive ll'acqua comm'a ll'animale,

Si denare non aie, e ffa dieta;

Veccote l'auto, e bi si puro è tale?

Giove decette; ma comme se veta,

Che ~~comra~~ sto denaro a sta Cetate,

Addove 'a rtutte cose è ffauzotate!

Scetterò da llà dinto; tu lo bide

Pecchè la guerra aggio mannata a cchiste?

Giove decette, non saccio si cride

Chiste Agnanise quanto songo triste?

Si la zeffonno, e si la struio ride,

Mo che co ss' uocchie tanta mbroglie aie viste.

Lo bego, Bacco disse, ca sì ghiusto;

Ma non vorria, ch'a Mmarte disse gusto.

Io so ccontento, ch' Agnano zeffonna,

Ca mmereta assaie peo de zeffonnare,

Che se struia, se sfaccia, e se sconfonna,

Ca non se pote affè cchiù sopportare;

Ma voglio ch' aggia zo cche non se nzonna;

Ca pe bia d'acqua la puoie castecare.

Si lo vine adacquaie, dà a lo nnemmico

Si peccae d'acqua, d'acqua lo castico.

Te

Te voglio dà sso gusto ; jammonecenne ,
 Giove decette a lo figlio , e ssagliettero ,
 E già vattenno pe ll' aria le ppenne ,
 A ttrovare Gionone se nne jettero :
 Chiammano lo Scerocco , e cchillo venne ,
 E ffacite venire , le decettero ,
 Le nnuvole , e cche ffacciano co ll' onne
 No delluvio , ed Agnano se zeffonne .
 Se ntrovolaie lo tiempo de manera ,
 Ch' era de mezza notte assaie cchiù scuro ,
 Abbascenato Foreione s' era ,
 Pe ddà l' assauto a lo nneemico muto ;
 Ma accossì ppriesto vedенno fa sera ;
 Fa la gente sarvare a lo ssecuro .
 Scioscia Levante , e Scerocco , esse fece
 Lo Cielo assaie cchiù nnigro de la pace .
 Le ttronola accommenzano a dà signo
 De chella potentissima borrasca ,
 E ppe mostrare de Giove lo sdigno ,
 L' acqua da Cielo già dellovia , e ccasca ;
 Credeano l' Agnanise , ca benigno
 Bacco l' ha ntise , e n'hanno niente abbasca
 Pocca credeano , ca fosse venuto
 Chillo delluvio pe le dare aiuto .
 Non facette seie juorne auto , che cchiovere
 E a butte , a ffuste , a barrile , a llancelle ,
 Già le mmura accommenzano a scommovere
 Li viene a l' Agnanise poverielle ;
 Ma Foreione non vedенno schiovere ,
 E cca faceano già li paparielle ,
 Commana , che li suoie de la Campagna
 Se sarvassero ncoppa a la montagna :

No

No tantillo de chiovare non lassà
 Lo Cielo, e cquanto sta l'acqua cchiù neauza,
 E già lo viento le Ccase sfracassa,
 E dde na canna cchiù ll'acqua se nmauza.
 Da le ccantine a li Palazze passa,
 E pe li ponte, e ppe le ccase sbauza,
 Le anegre gente, pe non s'annegare,
 Se vanno ncoppa a ll'astrache a ssarvare,
 Ma da la banna de la Zorfatara

Comm'a no sciummo scenne na grà lava,
 E dda lo Vuolo po n' autà sciomara,
 Pe zeffonnare Agnano, già volava;
 E n' autà lava da Sartania spara,
 Che dde doimilia lave se mprenava:
 Foreione a li Munte già bedeva,
 Ca pe isso lo Cielo commatteva.
 Lo Rrè, e lo Figlio songo già confuse,
 Scure non sanno addò dare de pietto,
 Songo da capo a ppede tutte nfuse
 Ncoppa na Torre chine de despietto;
 Ne se ponno cchiù aprì le pporte chiuse,
 Ch'accoppate l'ha l'acqua, e ntra lo pietto
 Senteno grà ddolore, ch'annegate
 Le gente tutte so dde la Cetate.

Chi crede ntra na cascia ghire summo,
 E cchi se schiaffa ntra na meza votta;
 Ma s'affonna la cascia comm'a cchiummo;
 Chiena la meza votte vace sotto.
 Chi crede contrastare co lo sciummo,
 E cco li vraccie crede fa l'allotta;
 Ma po stracquato a ll' utemo se cchiega,
 E beve ll' acqua, e Forza è che s'annega.

Chi

Chi se vace a ssarvà ncoppa a li titte ;
Chi a no cavallo , che nnata s'abbraccia ;
Ma ll'ano , e ll'aute po da l'acqua affritte ,
Lo papariello abbesogna che ffaccia .
Che sconciure li spirete mmarditte ,
Azzò venga no poco de bonaccia ,
Disse a Ppopa lo Rrè , che se credie
De reparare co le mmagarie .

Ed essa accommenzava a sconciurare ,
Azzò lo tiempo se facesse buono ;
Ma mentre sta lo Cielo a ghiastemmare ,
Giove da Cielo le menaie no truono ;
Che ffacette no fuosso , e ssemmozzare .
La fece dinto , e le rompie lo suono
De li ncante ; e ddov' essa è zeffonnota
Nn' esce fuoco , e la stufa è ffravecata .
Saglie già ll'acqua ncimma de la Torre ,
E già lè ccimme de Palazze avanza ,
Ogne lava da ccà , e dda llà scorre ,
E s' enchie de la chioppeta ogne stanza ,
Ed acquaticcia già la Morte corre
Non concedenno a nullo perdonanza ,
Cadeno le mmoraglie , e ppettorate :
E se va annosconnenno la Cetate ,
Sfonna de la Cetate lo terreno ,
E ssotta Terra nc' è lo tremmoliccio ,
Tanto ch' essendo de lo viento prieno ,
Sbotta aprenno la vocca arraggiaticcio ;
Zeffonna ogne Palazzo , e mmagazzeno ,
Fatto ogne mmuro forte cadeticcio ;
Zeffonna tutta da le ffonnamenta ,
E da Cetate no Lago diventa .

Papareianno ancora ncoppa a ll'onne
 Steano lo Rrè, lo figlio, ed auta gente;
 Bacco vede da Cielo, ca confonne
 La Morte li cchiù rricche, e li scontiente:
 E mmuoppeto a ppiatate jette adonne
 Stà Giove, e lle decette: o Ddio potente,
 Agnano è zeffonnato, e li cchiù fforte
 Contrastano natanno co la Morte.
 Si ssazio; ma tu saie si fu gagliardo
 Lo Rrè co Ppeppo, e ll'aute a lo mmacare
 Non me fare restare dà bosciardo,
 Pocca mprommise io de ll'ajutare;
 Straforma ogn'ommo o nfolleca, o nmallardo
 E ffa l'uommene aucielle addeventare;
 Và, disse Giove, e ffa chello che buoje,
 Straforma tutte a li cōmmanne tuoje.
 De Rotamarte lo corpo se stregne
 L'esce lo musso, e ttraseno le mmano,
 Ncolore verde la capo se tegne,
 Paparea co li piede lo pantano;
 De varia sciorte lo corpo se pegne,
 E ddeventa mallardo, o caso strano:
 E pperchè era Rrè, mo comme tale
 Puro è cchiammato mallardo reiale.
 Peppo se fece non gruossò mòretto;
 Tutta la razza straformata vola;
 Chi è ccapo lionato, e cchi ha l'aspetto
 De farfara anatrella, o mazzarola;
 E ogne Capetanio perfetto,
 Che ffo balente de Marte a la scola,
 Ncorvasto se straforma; e ngallerielle
 Li peccerille; e ll'aute nn'aute aucielle.
 Agn. Zeff.

Sommozzariello Atrocchia po se face,
E pperchè ancora de Rita ha paura,
Se vede nullo, sotta ll' acqua vace,
E semmozzanno cchiù de ll' aute dura;
Ma la gente Cevile, pecchè stace
Vestuta negra, pegliaie la fegara
De folleca, e pperzò quando so a mmorra,
Creo ca se fa conzìglio, e sse trascorra.
Foreione da coppà stea vedenno,
Ste smatamorfie, e ste ffigure nove,
E ddisse a li Compagne: già lo ntenno
Le mmennette de Marte ha ffatto Giove;
Tornammoncenne a le Ccase ncorrenno,
Vecco ca Zeffonnato Agnano, schiove,
Tornaieno tutte a Nnapole le schiere;
E Cciommo avette Rita pe mmogliere.
Mo lo sdigno, ch'aveano n'è ppassato
Ntra l' Agnanise, e li Napolitane,
Che a ccaecià ad Agnano Zeffonnato
Veneno co scoppette, e cco li cane.
Anze lo llino llà nc' è ammaturato
Pe le ffare morire dinto llane,
Co la mal' aria, e lo vierno si jate,
Sempe nce sentarrite scoppettate.
La State lloro quanno è la mal' aria
Lassauo lo pantano; ma lo vierno,
Cchiù non penzanno a la sciorta contraria,
Vanno a bedere lo nido patierno,
Ma chesta gente pecchè l'è averzaria
Le vo nnemmica essere nn'aterno;
Tale che ppuro mone a cchella Terra
Pare ch'ancora nce dura la guerra.

Cadette Agnano propio comme Troja,
Sulo peccchè se nce faceva male,
Pe ccastecare la soperbia soja,
Tutte le gente songo mo anemale;
Agnano è Zeffonnato, che na gioja
Era de le Ccetate prencepale.
Da Troia defferenzia nc'è sto ppoco,
Chesta l'acqua strudle, chella lo ffuoco.

SCOMPETURA.

LA MALATIA D'APOLLO.

I D I L I O

D' ANDREIA PERRUCCIO.

CHe ttrivole sciabacche, e cche streverie
 Nce so ncoppa Parnaso!
 Non cantano cchiù Ccigne,
 Ma co allucche, e cco baje
 Strillano ll' Ascie co le Ccoccovaje:
 Sò li Poiete co ttanto strellare
 Fatte Lupemenare:
 Scorre pe pparte d'acqua,
 La fonta d' Alecona sulo chianto:
 E' lo monte de Pinno già seccato,
 E' lo lauro sfronnato:
 De Lebetto, e de Cirra
 So li palazze tutte
 Apparate de lutte:
 Lo Pegaseo non vò cchiù uorgio, o paglia;
 Anze pe pparte de cantare, arraglia.
 Creo pe sto schiuoppo, che ll'è ssocceduto,
 Scassato ha lo leiuto:
 Calliope cchiù all' Arpa
 No vo grattà la rognà:
 Ed Euterpe ha crepata la zampogna:
 Ave cacciata Talia regnolosa
 La cchiù nnegra tragedia, e ssanguenosa.
 Ogne Mmusa, e Ppoeta ave scassato

Cetola , Lira , Teorbia , e Cchetarra ,
Naccara , Calascione , e Ttammorriello ;
Pinno casa fatt' è de farfariello .

E ssapite da che nnasce sto trivolo ?

Sapite perch' ogn' uno sta marfuso ?

Ch' Apollo s' è scopierto guallaruso .

E cch' è lo ppeo è immescata la guallara ,

Pe le da cchiù ttromiento ,

De sanguigua , d' aquateca , e dde viento :

Ippocrato Escolapio co Ggaleno

Si sciccano la faccia :

Li livre ogn' uno straccia ;

Ca non hanno remmedio, azzò s' ammoscia ,

Tanto grossa abbottata è la paposcia .

O scerocco mmarditto

Sempre nnemmico sì de li poiete ;

Pocca quanno tu sciuscie ,

Faie ammolli le ccorde ,

Faie ammoscià li nierve :

Ma mo scortese viento

Fare crepare ad Apollo lo stromiento ;

Comme pretienne de fare annegare

Ntra li tromiente Apollo ?

Devarria ghire summo ,

Pocca vuoie che lo ddica ,

Mentre porta abbottata la vessica .

Febo scuro , pe ccausa de li viente ,

Già da poeta astroloco deviente ;

Mentre cò scura sciorte

Mmiezò le gamme ll' Astrolabio puorte .

O meraviglia , che lo Dio che bede

Co ll' uocchie lustre suoie tutto lo Munno ,

G 3

Ag-

Aggia da studià le mappamunno ?
 De remmedie amorse
 Ha Nasone lo libro stodiato
 Nè remmedio a la guallera ha ttrovato .
 Mo si ca pote dicere da vero :
Eheu mihi , quod nullis
Guallara est medicabilis herbis .
 Orazio , Abate , Ariosto , e Giovenale
 No vrachiero de satere hanno fatto .
 Nè sservuto ha no zero ,
 Sta guallara tenè co sso vrachiero .
 Sbotta , Si Apollo mio ,
 Ca la guallara spisso co sbottare
 S'è ssoluta sanare :
 Ch'è sta materia , che co beolenza
 T'ave abbottate ss'arme de Sciorenza ?
 Songo deverze ommure , Apollo dice ,
 Che d'acqua rossa , e gialla
 M'hanno fatto ngrossà ss'arme de Palla .
 Comme pòzzo zoffrire ,
 Che n'abbotta , e non crepa ;
 Se beo la Poesia ,
 La cara figlia mia co scura sciorte
 Cercare la lemmosena a la Corte ?
 E ttutta vrenzolosa ,
 Comm'a fico ammaturo ha lo vestito ,
 Le llagreme ave a ll' uocchie ,
 Porta stuorto lo cuollo :
 Chesto abbotta la guallara ad Apollo .
 Arrobbia chiave , e ccacapozonetto
 Non songo zanniate a cchillo modo ,
 Ch'è straziata la figliola mia .

Chi

Chi le schiaffa na scoppola,
 Co ddirele : E' ffatica senza frutto;
 Chi le dà vessecate
 Decennole, ch' è ppazza;
 Chi le tira cetrangole,
 Comm' a ppierde-jornata;
 Chi le tegne la facce,
 Chiammannola bosciarda, e schesenzosa;
 Chi la chiamma mbreaca;
 Ma chello, che me fface cchiù ccrepare,
 E' ca le pprete de le mmale lengue
 Puro mm' hanno sciaccata
 Sta poverella figlia, e nnegrecata.
 Comm' a ppalla de fazio mme la vattenno;
 Comm' à ll' auciello nmano de nennille,
 La negra da li principe è ttrattata:
 Comm' a la carne nmano a ppastecciare,
 La scura tretoleiano:
 Comme lo rafaniello,
 Mmano de lo Spagnuolo se gr' agliotteno:
 E nzomma è ffatta necessario prubeco,
 Addove (chesto oimmè mme fà crepare)
 Nce vanno le ddesgrazie a bacoare.
 E' cchiù maletrattata
 Da guitte, portarrobbe, e ppeccerille;
 (Oimmene ca de raggia stongo chino)
 De ll' urzo, che chiammavano Chiappino.
 Chesto è lo primmo omore,
 Pocca è lo sango de la figlia mia,
 Che mme dà co la guallara tracuollo.
 Chesto malato face stare Apollo.
 Eie lo secunno omore

Na materia peccante
 De cierte poetastre ,
 Che banno co li vierze ncimma a ll'arvole,
 E brociolanno po zuffete a bascio .
 Fanno cierte pallune ,
 Che benno da Sant' Ermo .
 E ppoie , a barva de poiete viécchie ,
 Da pallune diventano vessecchie .
 Cierte pparole , che ll' hanno trovate
 A ll' ente de raggione chemmerizio :
 Cierte pallune , che so mmonate ,
 Comme so cchille , che se fa pezzillo ,
 O de fieno , e de paglia :
 Cierte pallune gruosse , e bestiale ,
 Che l' ha abbottate no serviziale ,
 Comme a rruospe l' abbottano ,
 Ma pe l' abbottà troppo spisso crepano :
 Pallune , comme fanno li nnennille
 Co ssapone , e llescia de poco gniegnio ,
 Che ppareno crestalle stralociente ;
 Ma s' afferrà le buoie le truove niente ,
 Li conciette accossi de li qualisse ,
 Credenno nce trovà cosa che baglia ,
 Sparesce , affuffa , sparafonna , e squaglia .
 Siente di : *carmentar* , *arcigolante* ,
Tremebondo livor , *gran sinopeo* ,
Argonautico arcier , *cannon dirceo* ,
Clavigerante , *argolico* , *Ecatombo* ,
Mitimneo , *arcinsanfaro* , *rimbombo* .
 Che ve pare de chesso ?
 No ve pareno truone , e ccanuonate ,
 E po che nce trovate ?

Che-

Cheste fanno no bu, che te stordesse :

Ma de ste botte po no viento nn'esce;

Sso viento, se volite, che lo ddica,

M'ave fatto nforzare la vessica.

E lo viento de chille foreiuso,

Pe pparte d'abbottare pe ffa suono,

O streverio, o vregogna!

M'ave guastato affatto la zampogna.

Ll' auta materia è ppo n'acqua fetente,

Acqua de le ppalude nfracetata,

Acqua d'Agnano torbeta, e mmolesta;

Ch'auza cierte vapure, che t'appesta.

So ccierte Poietielle,

Che non avenno scala pe ssaglire,

Vennignano da terra; e cch'è lo ppeo.

Ch'essenno l'animale,

Che lo patre Noè cacciaie dall'arca,

S'avantano scolare a lo Petrarca,

O cche ppoiete asciutte!

Sequetano lo Petrarca li sciaurate,

Ed hanno cchiù a besuogno de pretate.

Diceno: oibò la Musa

Amar nan può l'altexxa,

Perchè nemmica ell'è con la dolcexxa.

Chi lo sopporta? addonca ca Vergilio

Parlaie tant'auto, n'è poeta buono;

Nasone addonca è Antuone.

Non vonno dire st'acque de Pantano,

Buone pe nfracetà sulo le ccarte,

Ca non sanno a lo canto dà la porpa,

E a lo Petrarca po danno la corpa.

Se bonno sequetà l'antechetate,

Perchè non sò scolare de lo Dante?

Chillo è lo patre abbate,

E ppure le pparole antiche soie

Sò state refotate.

Addonca comme lo Petrarca stisso

Ha l'antico parlare annobeluto,

Puro lo stilo suio s'è arrepoluto.

Vecco l'asempio mprimmo lo mmagnare

Se facea nzapetito; e mmo li cuoche

Co nnove cose avennolo connito,

Lo fanno cchiù ggalanze, e ssaporito.

Erano li palazze de mantune

Nprimmo; e mò vecco li fravecature

Le ffanno co cchiù arte, e cchiù llavure;

Pocca le ffanno aterne

Co pporfete, co mmarmore, e ppepierne.

Accossì porzì è la Poesia:

Quanto lo nciegno s'apre essa cchiù esce,

Quanto lo munno avanza essa cchiù ccresce.

So ttanta bestiale,

Chillo mmereta lauda, co lo llauro,

Che ttrovanno na bella, e bona voce,

Sà mmescare l'autezza co lo ddoce.

Chisto addonca è l'omore, che mme stracqua,

Chiena l'otra portanno de ches'acqua.

Oimmè, quale remmedio nc'è a sto mmale?

Li Poiete cchiù buone

Pare ogn'uno de llorò lo straccione,

Quanno lo beo estateco remango:

Onde a tchest Ernìa mia cresce cchiù ssango.

Se beo li Poetastre pe l'autezza

Ire all'Isola d'Eolo a trovà viente,

Per-

Perchè tchiù biento agliotto ;
 Cchiù de viento la Guallara m'abbotto.
 Se beo li Poieticchie, acque stagnate
 Figlià certe ranonchie de soniette,
 Ch' auto non sanno fa che te stordirei
 Nn'aggio tanto dolore,
 Ch' a la guallara mia cresce ll' omore?
 Tanto ch'ogge lo Munno
 Me fa portà tre mmunne ;
 Pocca non sa trovà la via de miezo :
 Ogne Poeta a ll' astremo s' afferra,
 O va tant'auto, o sta de culo nterra,
 Non saccio da che nnasceno sti grille!
 O sò nterra lacerte, o so rreille,
 Le llacerte, che banno terra, terra,
 E li reille, che bolano sulo,
 Co le scelle de ll' aute nzi a lo Cielo,
 Che ssia Parnaso nfine io mo nne tremo,
 Perch'ogne poesia corre a ll' astremo,
 Musa tu staie mbreaca se pretienne
 La guallara sanare a mmessè Febo ;
 Sso male è ncancrenuto,
 Se tanta Poietune
 So rrommase cestune ;
 Che ppo fare ssa lengua,
 N'essere capo tosta :
 Ssa lengua po servire pe ssepposta .

Scompetura

L A

SPORCHIA

DE LO BBENE


O S I A

L' AOSANZA

POSTA NCANZONA

DA SANTILLO NOVA.

anagr. for Santo Fillano.



N A P O L I MDCCLXXXVII.

PRESSO GIUSEPPE-MARIA PORCELLI

Con Licenza de' Superiori.

L' AUTORE¹⁵⁹

A LI LEGGETURE.

NO ve maravegliate se schitto tratto de la SCAJENZA DE NAPOLE, quanno lo Regno nuosto, tutta la Talia, e altre Paise stranie già sò ghiute all' acito, e se nne sò scolate comme cannella de sivo: Ma la svelsciolatezza dell' ammore, che le porto, mme fà sulo d' isso parlare. Lo chiamma 'mpezzentuto, non perchè veramente stia sfatone, o senza na maglia; ma perchè a cchello, che steva primmo, e cchello, che stà mō pare, che stia a le bintequatto sonate. Io quanno aveva le pprimme arecchie, abboscava pe' nferita 'ntiempè de Natale tutte piezze janche, e 'n colore de cetrangole ammaturre; e se be me le llevavano arreto, puro facevano buono augurio a li zembrille, e sse vedeva ca ogne cca-sa n' aveva. Mo non siente autro, che trivole, e tutte contanno guaje, la pigliano tanto a stesa, che nne pōrrisse fare na storia. Li pezziente sempe sogno state a tutto lo Munno ca le ddesgrazie veneno all' uommene nate, e ccresciute sotto la cappa de lo Sole. Ma mo la lava è troppo avanzata, e li malanne songo sguigliate, e figlioleano a ccen-tenara, perchè ciente senz' arte, e senza parte, che s' abbuscano seje rana lo juorno, se vonno
nzo

inzorare, e pò non hanno muoto de portare lo taffio a la casa; e perchè mò tutte pigliano moglie, e so ancora moccosielle, da poco asciute da la caccola dell' uovo, e l'austriere portavano le ccauze a brache, e la pettola da dereto; quanno che d'è, che d'è! se sfornano na catervia de figlie, che ssongo nonnature, accepute, jetteche, e allucignate, nè se ponno 'ncuollo ll' uno coll' altro; e beccore la pezzentaria dereto la porta de la casa, e la meseria pe ccatenaccio, che cchiude. A cchesto pò se nc' è acchiettata la baggianaria, o sia Aosanxa la SPORCHIA DE LO BENE, la Scopa de le rrecchizze, la Scotolavorzillo de li tornise, la sentina d' ogni mmale, e lo conuuto maisto de tutte le scajenze. Chesta fa rrestare nettapaletta ogn'uno, comm' a bacile de varviero tutte chille, che le danno arrecietto; e sfratta, e fa polite li screttorie, comme scupolo, ch' arrecenta li piatte. Sto Paese s' è motato de botta; non se sà quanta aosanze sò asciute 'npoco tiempo; e basta, che na femmena accommenza, che ssubeto 'ncapo all' altre le sona no zerrezze, le commenza a botare no centimmolo, che non hanno arrecietto, nè fanno arrequiare li marite, se no le ccontentano. Simmo arredutte a termene, che le cqualesse pareno Orlanno de li quartiere, o li Zaccagnine de carnevale co le smerze depietto de le mmanche, co li mantesenielle, e gonnelle de tanta colure, che appassano le brache de li Todischi;

sche; e pputo è bero, ca le mmamme lloro
 jevano vestute de saja lionata, co lo manto,
 e ssenza nocche. 'Ntra tanto lo bene, che
 nc'era allora, se nn'è ghiuto pe ll'acqua a ba-
 scio, li guaje assassinano tutte, e no nc' è
 chi vò votare capo decreto, o vestire comme
 vò lo Vavone, ch' ancora è bivo; e cot-pe-
 jo chille, che pe n'avere cannele non s'atter-
 rano, vonno fare cchiù dell'autre, sforgeano,
 e ffanno spamsio senza farese li cunte co te
 ghiedeta, e ssenza penzare, che a ghiuorno
 po se sentono li strille, comme deceva Scan-
 napapara. Sarria na cosa bona, ch' ogn' uno
 mettesse capo a separa, tornasse a stipare li
 cianfrune co llevare tanta sbafantaria; perchè
 de stò muodo starria contento 'nfi à la vec-
 chierza, comme le desiddero, ed è stato lo
 fine de fare sti vierze 'ntiempo arrobbato. Lieg-
 gelz ca songo chiare, e liscie senza favole,
 azzò siano ntise de la gente menuta, ch' è la
 cchiù pparza a spennere, e fa sfuorgie; e so
 pe cchesta chelletta non te piacessero, sen-
 za passare nnante, arravogliance caso, mentr'
 io te prego da lo Cielo sanetate, e buono
 appetito.

NTRO,



INTRODUZIONE.

A Vea de sto grà Munno cammenata
 Na bona parte la Pezzentaria
 Co na gonnella tutta sdellanzata,
 Na tasca chiena de vacantaria.
 Parea de cerà jetteca sfacciata,
 E li malanne co ssoperchiaria;
 Tanto ll'aveano posta nchiana terrà;
 Che 'nvederela deceano: serra, serra,

Lo gollo le venette de vedere
 Napole de l'Auropa lo giojello,
 Co la speranza certa de nc' avere
 Tantì tantillo de no locariello.
 Mmiero ccà s'abbiate, e pe ttenere
 Arrecietto na stizza lo cerviello,
 Che ssempre le votava pe la via,
 Cercaie avè pe spasso compagnia.

A mmeglio chietta non seppe pensare
 P' avere gusto, che la Mmidia sola;
 Chesta lo bene no lo pò squatrare,
 E pe la chella, ch'ave se nne scola.
 Se le rrecchezze le bede sporchiare,
 Essa tutta preata se consola;
 E sse la robba no l'ammasca struttà;
 S' arraggia, affina, e po se scippa tutta.

La

La chiammaje, e ddicette; Sore mia
 Co ttico voglio fare no viaggio:
 La sciorte vò, ch'a Napole m'abbia,
 Chi sà, fuorze arrecietto nc'averraggio.
 P'ogne banna aggio avuta cortesia,
 Stanza mm'è stata data, e companaggio:
 Tengo tutte soggette le Ccetate,
 L'affritte 'mpasso 'mpasso sò rrestate.

La Mmidia taffe li fierre assarpaje
 Facenno lega co cchella janara
 Assaje cchiù peo de sbirre, e se sbrecaje.
 Pe ddare 'ncanna a nnuje nà pollecara.
 Vide comme sò lleste a ddare guaje,
 Nè c'è chi ste doje Sore le rrepara;
 Ca ll'ave ogne pezzente lo mal uso
 Essere de lo ricco mmedejuso.

A sto Paese nche fforo arredate,
 Restaro ammesse vedenno lo bene:
 Teneva ogn'uno le doppie stepate,
 D'argenterie le ccase erano chiene.
 Oimè nc'aggio perdute le ppedate,
 Grà rrecchezze, e ddenare chisto tene;
 Dissé chiagnenno la Pezzentaria:
 Ne bene pizzo fare manco cria.
 Che d'aje, disse la Mmidia, jammo chiano;
 Tanta trasore non ponno dorare;
 E se vuoje, che se scriano mano mano,
 Stamme a ssentire comme se pò ffare.
 Ccà nce sò drappe; ed è no caso strano!
 Co no pognale no le ppuoje sperciare;
 Li panni songo tanto 'ncartonate,
 Che no vestito vasta seje 'nvernate.

Veo

Veo le gente civile assaje polite

Co li ricce , e ccapille natorale ,

Spenneno co ghiodizio a li vestite ,

Mostanno a la cocozza avere sale .

Vanno li popolane come zite

Co belli panne de Pasca , e Nnatale ;

Cercano l' altre juorne sparagnare ,

E mmettenno da banna li denare .

Portano 'ncuollo na saja 'mpannata ,

Che n' anno santo le stà pe bastare ,

No peluzzo de Siena de dorata ,

Che cchiù mmise d' Agosto è pe ppassare

Chi de Cerrito se fa na velata ,

O de Carapellese se fa fare ,

E sse la mette co no gusto granne ,

Vedennosene bene pe cchiù anne .

Le fsemme le beo troppo agghiostate ,

Portano no corpetto , e na gonnella ,

E non songo le mmaneche 'ncrespate ,

E' ncapo a ppoche nc' è na zagarella .

Pe cchesto hanno denare 'nquantetate ,

E li zecchine av' ogne becchiarella :

Comme so grosse le catene d' oro !

Se mme danno doje botte, io mme ne moro .

No nce sò sciammerlucche , o perziane ,

Nè ll' altre cose fatte a la frostera ;

Songo de fierro li vellute chiane ,

E le pporta na femmena de sfera .

De li negoziante , e l' Artesciane

Và na moglie all' antica maniera ;

Comme le dice bello chillo manto ,

Che de modestia nne porta lo vanto .

Ad-

Addonca non potimmo farce bene ,
 Nè nce sarrà pe tte luoco pe n' ora ;
 Se veramente non dammo addò tene ,
 E ttornammo a ppigliare viento fora .
 Già trammontana scioscia , e se nne vene
 Da lo percaccio sujo nnante , che mmora,
 Facimmoce portare mmiero Franza ,
 Ca llà nce trovarrimmo la Sia Aosanza .
 Chest' è n' Ammica , che nce pò ajutare ,
 E pporta la Scajenja addove trase :
 E dde botta la jettero a trovare ,
 Nè fò besuogno revotare case .
 Chella non troppo se fece a pprecare ,
 E cco llozo venette a bele spase ;
 Ed a lo Muolo nninche fò arrevata
 Fece de cose nove na sballata .
 No carro trionfale armaje galante
 Guarnuto tutto quanto da li late
 De manechitte , covazze , e ttorbante ,
 De fammose pettiglie arragamate :
 Perucche de cchiù sciorte , e guardanfante
 Se nce vedeano dereto agghiostate :
 Da nante che bedive ? Uh che ttrasoro !
 Nocche , vallune , e zagarelle d' oro .
 Nc'erano appise cchiù cappielle fine ,
 Che ccomme a ffico se ponno ammaccare ,
 E porzi se vedeano sciabboline ,
 Che pe sfarzo s' aveano da portare .
 De scarpe cchiù ccantune erano chine ,
 Tiempo nne voze a ffarle ponteare ,
 E de brocca ammascajeno li spuzzette
 La pelle rossa de li tallonette .

L' Aosanza 'ncimma 'ncimma jea seduta
 Co no ventaglio 'nmano de valore
 De no drappo frestiero stea vestuta,
 Portava co li guante granne addore;
 Accossì ghiette p'essere veduta,
 Ed era majestuso lo sbrannore,
 Che pe le strate noste essa jettaje,
 E ttutte attuorno attuorno le geraje.
 Pe ttutte le ffenestre, e li barcune.
 Se veddero le ffemmene affaociare,
 Chi stea 'ncantata, e cchi facea bottune,
 Pe non potere a cchella essa arrevere.
 Non foro manco l' uommene potrune
 Quanto nc' era se posero a squatrare;
 E bedenno ogni ccosa, ch'èra bella,
 Volanno l'afferraje la tarantella.
 Ora lloco sentiste lo tormento,
 Che la moglie d'ette a lo marito,
 Nè la capo cchiù potte stare a biento,
 Volenno chillo, o simmele vestito.
 No nce voze a sto fatto no grà stiento
 Ch' a ccacciare li spicce fo ccomprito;
 E ttaffete vediste ascire a llava
 Li zecchine, ch' ogn' uno se trovava.
 Rompettero la lanza li Segnure
 A ffare a la carlona e spamfie, e sfarze;
 Da po li benestante, e li Dotture
 A ssecotare non furono scarze;
 De fare spante, e ssimmele feure
 A li Mercante mill'anne le parze;
 Ed ogn' uno, ch'avea quacche ttornese,
 A ccacciarlo fo llesto, e ffare spese.

'Nfi ccà la cosa se pò ppadiare ;
 Ma chello , che mme dà cchiù affrezzione
 E' , che l' Aosanza veddero passare
 L' Artesciane , e lassajeno lo morcone ;
 La guardaïeno porzì li potecare ,
 E sse posero leste nguarnascione :
 Fo na cosa pe ccierto da stordire ,
 Da chello , ch' era ogn' uno voze ascire.
 Na pettolella , che teneva a llato
 O no secuta rote , o no perrella ,
 Appe la voglia de cagnare stato ,
 Accattanno de seta la gonnella .
 'Ncapo lo chiuovo se vedde feccato
 Ad ogne basciajola , ogne cciantella :
 'Nzomma chi attenta lo carro guardaje
 De quacche ccosa lo nziembro pigliaje :
 Da tanno 'npo na gran confosione
 Venette nnitto 'nfatto a sta Cetate ,
 E fo soperchia la motazione ,
 Che ssoccedette ppe ttutte li State .
 Appero li sacciente passione ,
 Vedennò tanta cervielle sbentate ,
 E cche ogn' uno li frisole cacciava ,
 Nè còmmе a pprimmo cchiù le cconservava.
 Spienne mò , spienne po , torna a sbrecare
 A sfuorge nuove quanto s' ha de 'ntrata
 Accommenzaje cchiù d' uno a brociolare ,
 E la vorza fo ssubeto sfrattata .
 La Mmidia se sentette arrecreare ,
 E la Pezzentaria restaje preata ;
 Lo mmale addonca da sta causa vene ;
 E l' Aosanza è la Sporchia de lo Bene .

Scampetura ,



CANTO I.

ARGOMENTO.

*Napole n'è cchiù chillo , che primm' era
 Li denare, e rrecchizze so squagliate
 Li spasse sò ffornute a la ncarrera,
 Le ccase bone se ne so scolate.
 Mute se so affenate 'nsi de cera
 Pe mmancanza de cardo; e so avanzate
 A tutte sciorte de gente li guaje ,
 E le ssiente contare nzo ddo vaje .*

DE lo Paese mio sogno forzato
 Cantare la scaienza a cche è ccaduto ;
 E' ddeventato justo uosso sporpatò ,
 Nè ssaccio a ddire che l'è 'ntravenutò:
 A Ppuorto , a lo Pennino , a lo Mercato
 Pe ppane campa cchiù d'uno speruto ;
 Pe le cchiazze de còppa li Segnure
 Manco gliottono nespola ammaturre .
 Musa , che mm'aje mmezzato quacche cosa
 Co ddarme lezzione a lo Mantracchio ,
 De lo lecore tujo crisce la ddosa ,
 E fflammene sorchiare no varacchio .
 Autramente stò ffrisco comm' a rrosa
 Tutte mme stemmarranno pe no racchio ,
 E sse vuaje , che n' allestano na striglia
 , Nguadia ll'acque d' Atcrea a la Quaquiglia.

Se

Se mme le mmunne comm' ove de Pasca
Quatto conciette, e mme faje compagnia
Co spotare settenzie ad ogne rrasca,
Trovo sta vota la fortuna mia;
Schitto a sto cuorpo mio tengo n' abbasca,
Ch'aggio a trattare de pezzentaria;
Facimmonc'armo sù: damme a sciacquare,
Ca de sto muodo commenzo a sbafare.

Napole bello, sciore de l'Auropa,
Comme tè si arredutto a mmuro a mmuro
Co lo Spetale, e mmine già la scopa
P'ogne banna, corcannote a lo scuro.
N' autro sciuscio nce vole, e tte derropa
'N funno a li guaje, e senterraje a ddure
Non poterene ascire, e pporzi è troppo
Essere 'mpezzentuto de galoppo.

Ll' autr' iere ognun' uno stepato teneva
No pedale a lo mmanco de zecchine,
Nè schitto n' ommo de ciappa l'aveva,
Nn' avevano l' affritte Zavarine.
Chi a no besuogno na doppia spenneva,
Nne facea cunto quanto duje lupine;
Avea no potecaro li cianfrune,
'Nchiudeva ogne pparrella tallarune.

Non se potea parlare co le Becchie,
Che le ppezze teneano 'nzerrate;
Carreavano ll' oro co l' arecchie,
Portavano l' anella 'nquantetate.
Aveano sempe le rrobbe soperchie
De jancarie le ccasce mmottonate,
Nè a ttiempo lloro, pe pparere belle,
Accattaro maje nocche, e zagarelle.

Sp. de lo Bene

H

Joca

Joca ogne ccasa mo a ttrasire justo ;
 E cchiù d' uno non tene doje cammisè ,
 Qual' è de tela grossa a mmiezzo fusto ,
 Da varie banne se fanno li rise .
 Fummo nce nn'è assaje , ma poco arrusto ;
 Cricche quanta nne vuoje , ma non tornise :
 Pe cchiù d' una se v' a co lo spatone ,
 Correnno chi nce stà pe becenzone .
 Chesta è la caosa , ch' è sparuta tutta
 La carta ch' era a scrivere squisita ,
 E mmo zocosa , negrecata , e brutta
 Fare non puoje na lettera polita ,
 La pezza vecchia d' ogne tela strutta ,
 E no poco grossissemma , e connita ;
 Chi la corvatta fina porta' ncoppa
 Ha sotta robbe de cannavo , e stoppa ;
 Vide a sti juorne na Grocetta all' uso
 Fatta co no lavoro assaje gentile ,
 Te pare no giojello majestuso
 Ncanna de cierte flemmene cevile .
 Na vecchia , che ttorcea 'mprimmo lo fuso ,
 E sseta grossa ncannava , o sottile ,
 Portava tanto na catena d' oro ,
 Che legare potea no gruosso Toro .
 Addò sò ghiute l' argiente passate ,
 Che porzi ne teneano li Chianchiere ,
 Lampe , Salere , Becchiere , e Pposate ,
 Sottatasse , Guanteri , e Ccanneliere .
 Mo sò asciute le rrobbe nnargentate ,
 E cchelle , che sò ffine , sò leggere ,
 Fatte tanto sottile còmm' a ccarte ,
 Che le passe coll' uocchie a pparte a pparte .

Da

Da gran tiempo lo trafeco è sfornuto
De le gente , che ghicano a la Nfrascata;
La Sguazzatorio è mmiezo già caduto ,
La strata de Posileco è sserrata .
Chi veramente non era ammaluto
Se facea festa festa, na scialata ,
Tasseava a lo scuoglio de lo Ssale ,
Chi te pareva che fosse no pedale .
De lo Cerriglio schitto nc'è rrestato
Lo nomme antico , nè nce sò cchiù ffatte,
Lo concurzo che nc'era s'è llevato ,
Nce vanno cierte accunte mieze sfatte .
Da le scogliette mprimmo era affollato ,
Ch'annettavano leste li piatte ,
Ogne spizzola ntorcie , che nce ntrava ,
Na frotta de tornise nce lassava .
Chi nce passava sentea da lontano
N' addore de zoffritto , e ffecatielle ,
Che de menare avea golio le mmano ,
Nè ppo'tea trattenere le mmascèlle:
Trasea dintò , e ddea priesto a lo Teano
Ma mala botta co cquatto pannelle ,
Po co ppoco assarpate fatte a gusto
N' arrecettava tre ppiezzе d'arrusto .
Mò se quacch'uno sferra a ghire a spaso,
S' abbotta a le Ppadule de lattuche;
O se va a Mmergogolino , passo passo ,
Frisole non ne conta a le felluche :
No leoncino spenne , e ffa no schiasso
Realanno porzi li zuche zuche ,
No pede cuotto se magna , o no musso ,
E po nn' asciutta na meza de russo .

De chesto se trascurre, siente fare
 Dall' Ammice no chianto, e no lamiento;
 Se penza (te responneno) a ccampare,
 Autro che a spasse, ed a ppegliare viento.
 Tutte nuje simmo faglio de denare,
 Viato chi ha de vita no momento;
 N' ommo dà a no levriero trenta, e ffallo;
 Nè le scappa a lo ccorrere no callo.
 Simmo arredutte già senza na maglia,
 Alammo 'nsicco, crocelle facimmo.
 Restata de lo ggrano nc' è la paglia,
 Pe bedere pannelle ascevolimmo,
 A la poteca sengammo la taglia,
 'Ncuollo ammollate le ppelle tenimmo;
 Pe mmenare de vozza, se te muore,
 Dapò l' allanca, te vene antecore.
 Stanno le gente mò p' essere accise,
 A li besuogne n' aje chi te da npriesto
 'Ncoppa a na varra d' oro seie tornise,
 Nè penzare nce puoie, ch'jesce de siesto:
 Pare che ssiano cagnate li mise,
 Ogn' uno c' ha d' avere vò lo riesto;
 Se lo pesone po non è ppagato
 Te vide da li zaffie acciarrato.
 Li malanne sò a ttommola cresciute,
 E addò te vuote, tu siente meserie
 De cchiù Nnegoziante già fallute,
 Chine de sarvanguardie pe le fferie;
 D' ogni sciorte nce songo li scadute,
 Scumma fatte de smorfie, e betoperie,
 Che le mmantene co mmesate pronte
 De la Meserecordia lo Monte.

E' ccommone lo trivolo, e l'affanno,
 E ccierte, che te pareno Sì Ciccie,
 La sciammerga, che pportano, sul' hanno
 La sferra pe 'nfelare le ssaucicce;
 Li Commiente de Muonece lo ssanno;
 Addò vanno ogne ghiuerno a ffare piccie;
 P' avere da Priure, e Pportenare
 Quacche cosa restata pe mmagnare.

Chi pò non ave la cernia tosta,
 Nè cercàre vorrà pe li pontune,
 De pumma d'oro se fa na composta,
 Fa no banchetto quanno ha maccarune:
 A cchi da po magnato se l'accosta,
 Na cardata le conta de capune,
 Jettano a bista d'ammice, e becine
 Le storze aunate d'ostreche, e d'ancine.

Cchiù dd'uno, che mmantene lo creato
 Pe rreputazione de lo Munno,
 Accatta la farina a lo Mercato,
 E sfuorze d'India lo grano, ch'è ghiunno;
 Chi lo vede pe Napole ntosciato,
 Pe pperzona lo stimma ricca a ffunno;
 Ma no nce tene a lo canzone lazzo,
 E stà a le bintequatto de Palazzo.

Contano l'Artesciane li streverie,
 Che fa la sciorte negra; e li Mercante,
 Ch' a le ppoteche nc' hanno date ferie,
 E tte stordisce se nne siente tante;
 So po traseno a ddicere averzerie,
 Portano la vattuta co li chiante:
 Lo sanco ncuollo te fanno squagliare
 Besognanno co lloro pecciare.

H 3

Chi

Chi pe sòpierohe zelle campa affritto ;
 N' arriva n' auto a ffarse mo vestito ,
 No vullo chisto vò pe ghire a mmitto ,
 Chillo ha gran tiempo, ch'è ghiuto a l'acito ;
 Chi non po sazearse de zoffritto ,
 Chi de scagliuozze , o pane de rarito ,
 Chi se more a l' allerta pe ddoje fave ,
 E cchi quatto chichierchie manco ll' ave :
 Vide n' affritto core allesenuto ,
 La casacca , e ccauzone ha sdellanzato ,
 No farrajuolo tanto rutto , e ghiuto ,
 Che n' arteficio re pare sparato ,
 Ha na facce , che ffete de peruto ,
 Pe no poco de pane stà allancato :
 Li strille quanno more siente a ghiurno :
 Tene cchiù sbirre , che Pprieveve attuorno .
 N' altro compare no poco attellato ,
 De paglietta portanno lo cappiello ,
 Lo mazzeco , che ffa , muto è strengato ;
 Chè se lo piglia , se passa , n' aucielo ;
 Fila sottile , magna da malato ,
 E lo bedere è quanno fa sportiello ,
 Li soampole trovanono vò d' allesse ,
 De mmesca , e ffoglia pe ddarle conesse :
 Lo guajone è cchi è ccarreco de figlie ,
 E non ha muodo poterle ccampare ,
 Torza fragneno peo de li coniglie ,
 Nè se vedeno maie de sazeare ;
 Se le ppalle le danno co li sbriglio ,
 No tantillo se ponno pazziare ,
 Tornano po a fa l' uocchie pisciarielle ;
 Nè bastano doje cotte de panielle .

So

Se vestire le bò de tela tenta ,
 E ffarle no sargiuottolo de panno ,
 De diente non pò fare maje na strenta ,
 Chiagnenno pe ddenare lo malanno :
 Lo vierno ll'arma na vronzola centa ,
 Co le ppezze le bà arremmedeanno :
 Ntra tanto chille de sera , e mmattina .
 La pigliano na bona feleppina .
 Co li scarpare poco nc' è , che ffare ,
 Ca strudono le ssole de la corte ,
 Dormeno nterra ; e ttanto è lo pparare ,
 Che de Sorriento pareno la Morte .
 Se fanno piccìe senza resciatare ,
 Le mmardice la mamma a zizze torte ;
 Llà siente no sciabracco , e no greciello ,
 Che rrompe a li vecine lo cerviello .
 N' ammico ha no gra 'ngiegno (siente, e mpara
 Na gran mmorra ha de figlie frische, e ssane,
 Co quattrise l' accattata a Santa Chiara
 Duje mostacciùole de tre settemane ;
 La sera nce le mmosta , e s' arrechiara ,
 Chi vole zuccariello , non ha pane ;
 Sentenno ogn'uno doce , corre 'nfretta ,
 E mmagnata la parte , s' arrecetta .

Scompetura de lo primmo Canto.



CANTO II.

ARGOMENTO.

*So tanta li pezziente a tiempe nuoste ,
 Che se nne ponno fare li squatrune :
 Cierte assaie forte teneno li puoste ,
 Vanno ciert'autre comm' a mmoschegliune.
 Nne truove p' ogni pparte , che t' accuose ,
 Regnoleano co cciento mmenziune .
 Non perzò gra llemmosene se fanno ,
 E tutte pe ccampare sempe nn' hanno .*

A Ggio pigliato sciato , o Musa mia ,
 Dapò la primma corza , che ffacette ,
 Secotare vorria la stessa via ,
 Fare na trotteata , e cchiù ccrovette .
 Na grazea voglio nnante , che m' abbia ,
 Che trovare le strate facce nette ;
 E scòmputa sarrà st'autra arragliata ,
 Famme fare de vrenna na panzata .
E pe ttornare a la pezzentaria ,
 Songo tanto li povere avanzate ,
 Che de treccalle non te vastarria .
 Manco no sacco a ffare caretate ,
 A ccierte gosta la potronaria ,
 Che s' è acchiettata a la necessetate :
 Ca cercare lemmosena cantanno
 E' n' arte leggìa , e rresce senz' affanno .

Pe

Ppe la Cetate non puojè cammenare,
 Ca t'assautano a ttutte li pontune;
 Dinto a le Ghiesie te fanno 'nfadare;
 Perchè te mbruoglie a ddire graziune:
 Se la pigliano a stesa a gualiare,
 Te cacciano coll'arma li premmune;
 E ccierte bote lo lotano è itale,
 Che da li piede te saglie lo mmale.

Uno te corre ncuollo da paputo
 Co no cappotto 'nfacce arravogliato:
 N' autro, che ppare nobele scaduto
 Te parla sotta voce a llato a llato.
 Chi dice ca pe ppane stà speruto,
 Chi da duie juorne, che non ha magnato;
 Chi và cercanno Messe pe li sante,
 Nè speccecare te le puoie da nante.

Dice chisto ca tene tre zielle,
 Che de Festa non sentonò la Messa
 Pe non poterle fare le ggonnelle:
 Otra che bona le mena la sghessa.
 Chillo ca campa quatto peccerelle,
 Che non credono a Ddio, e no le cesea
 La famme, se le dà na frèsa sola,
 Ca nne vorriano, tutte una pe mmola.

No Marenaro lassa chi se sia
 Quanno vede no Monaco passare,
 Tataneiano appriesso se l'abbia,
 E no treccalle non ne pò sperare;
 Sà muto bene ca chillo n'ha cria,
 Nè pe cchesto fornescè piolare;
 A lo ddereto lo ttabbacco vole,
 E pprovede a lo naso, e no a le mmole.

La vesione è cquanno se despenza

La menesta, o la tozza a li- Commiente;

Sanno a menuto ll' ora de la menza,

Ch'è ghiusto quanno mena lo ponente.

Llà de boita no traseto accommenza

De pezziente allenate; e la corrente

E' tanto grossa, che li Portenare

A'nfi a la vroda le danno a zucare.

Se mmiero li Camantole cammine,

Pe ffare ntra le ssirve na sbafata,

Te vide ciento sperute vecine,

E cchiù faccie arroggiute a la sfelata;

A cchi è arrevata la panza a li rine,

Chi la meuzza l'ha tutta padiata:

Uno è bieccchio, e ccammina da fegliuolo,

Chisto sospira, e cchillo parla subo.

Scarponeano tutte chiano chiano,

E pe n' avere pena a la sagliuta

Conta chisto no caso troppo strano,

Gosta a cchillo contare la patuta:

N' altro và jappe jappe reto mano,

Stà penzeruso, e ffa la parte muta:

Arrivano all' Arèno mieze strutte,

Hanno lo cardo, e s'arrecreano tutte.

Chi vò de meze poseme vedere

No formecaro, che ccerca lo vagno,

A la Certosa se metta a ssedere,

Cà menano sbrecato lo carcagno.

L' assecurzo stà cierto ogn' uno avere;

Ma vol'essere primo a lo compagno,

Fuorze cagnanno pizzo ave doje parte

Se de mmescare le resce le ccarte,

Lo Sapeto se vaje pe li Mercante ,
 Vide processione senza fine ,
 Giranno 'nfrotta povere , e birbante ,
 E nne sfrattano a bista li carrine :
 Veneno appriesso li passavolante ,
 Restano a lo ddereto le ssasine ,
 Che le dirraje seje vote : n'aggio niente ,
 E porzi lo taluorno sempe siente .
 Nce sò cchiù case bone , e cchiù Ssegnure ,
 Che ffanno la lemmosena ogne mmese ,
 E cche concurzo nc'è de credeture !
 Ogn' uno cerca averene le spese .
 Mente aspettano , siente le ccotture ,
 Che se danno trà lloro ; e ccierte a scese
 Le ppigliano de capo ; e sse è cciantella ,
 Co ll' altra se la fa na potechella .
 Teneno lo Diario a la mmente ,
 O mparano addò so le Cquarant' ora ,
 Pe ttrommentare la devota gente ,
 Che de lo Munno lo Patrone adora :
 Se arrive tardo , e tt' addenuccchie rento
 Na porta ; la catervia , che stà fora
 Cercanno caretà sempe de fitto
 Nzertare non te fa Creddo a dderitto .
 Fatte songo mortella d' ogne ffesta ,
 E mmanc' una nne lassano passare ;
 Pacicco ha la stanfella sempe lesta ,
 Zio Nardillo la mazza p' assarpare ,
 Nufriello a la casa no nce resta ,
 Rienzo cecato se fa accompagnare :
 Lla ncoechia co chi venne tammoriellè
 Strillano , e ffanno lotane , e grecielle .

Nzomma la povertà comm' a grammegna

Nasce p' ogne tterreno, e ssempe avanza:

Guardate chesto sì, s' uno te segna,

E dde venire 'ncasa piglia aosanza;

A ffartene fuire affè te 'mpegha,

Perdenno la piatà co la creanza.

Perchè torna ogne ghiuorno a pposta fatta,

E a sfrattare tu nn'aje, s' isso no sfratta.

Ausolea sto consiglio de saccente,

E ppe farene cunto pagamillo:

Quanno vuoie dare sfratto a no pezzente,

Mutalo spisso, e ffa, che non sia chillo.

Non t' attaccare a n' ommo canoscente,

Azzò non te trommenta ogne tantillo:

Meglio è ddare li spicce cammenanno,

Mo a cchesta parte, e pò addò non te sanno.

Aserzeta si bè l' opere sante

De la Meserecordia corporale,

Se vuoie sentire 'n Cielo po li cante,

E dde sta vita scanzare lo mmale.

A ffare casetà singhe costante,

Viseta li malate a lo Spetale;

E 'nfi de li marpine 'mpresonate.

Per l' ammore de Ddio agge pietate.

Già saie, ch' a l' Avangelio stà notato,

Ch' a lo lodizio nche ssorzetarranno

Tutte le gente d' ogne sciorte e stato,

E la sentenza llozo sentarranno.

Dicerrà Cristo ad ogne connannato:

Era no poveriello, e ssentea affanno,

Famme, e ssetta pateva, e ghieva nudo,

E tu non m' ajutaste, e ffuste crudo.

St' af-

St' affrunto n'avarrà chesia Cetate
Addove senza cunto se fa bene ;
Ogn' uno quanto pò fa caretate ,
Pe la scappare da l' aterne pene .
Duje pezziente pe ccierto aggio guardate ;
Cosa , che stoppafatto assaie mme tene !
Vanno attuorno lemmosena cercanno ,
E po ad altre cchiù affritte isse la fanno .
Metto da banna la spesa , che ffanno
Nnauratorie a ffrotte de malate ,
Che ssò a la Casa Santa, e nchello c'hanno
Tanta fegliole asciute da peccate :
Li Maretaggie , che se danno ogn' anno ;
Cchiù da mano de Turche rescattate ;
E no pruno , che bonno li Cercante
De le Rregeliune Mennecante .
Trovare mo vorria chi mme levasse
Na coriosetà , che non è mmala ,
Ca non pozzo sbrogliare ste mmatasse ,
E ssaglire sto majo senza scala .
La caosa avarria a ccaro m' assegnasse
Sto pajese non mena eo la pala
Cchiù li denare , e già se n' è scolato ,
E quanto primmo perde 'nfi lo sciato .
Non ha gran tiempo , ch' io diceva pappa ,
E mmute case sapea ricche a ffunno ,
Mo no sciummo de lagreme mme scappa
Vedennole già ghiute a lo sproffunno .
A sta scajenza maro chi 'nee ncappa ,
Ca prova l' amarezze de sto munno .
Ma da dò vene sta motazione ,
Che no ricco diventa spellecchione ?

Mo

Mo de resposte mme sarrà sballata

Na meza sarma ; e co gran gusto mio
Le ssentarraggio ; fuorze mm'è raspata
La parte , che mme prode , e cche boglio
Musa non te la conto st' arrancata ,
Ch' aggio pegliata sta vota a golio :
Famme fare na corza cchiù longhetta
Quanto da lo Pennino a la Chiazetta :

Scompitura de lo secundo Canto ;



CANTO III.

ARGOMENTO.

*Chi dice ca la causa de lo mmale
 E' la smargiassaria de cierte pazzze:
 Chi ca lo juoco semmena lo ssale
 A tutte sciorie de case e Ppalazze.
 No figlio, c'ha li fatte de gran tale;
 E na bona nfforrata n'ha de mazze,
 Dice n' autro ca manna a mmala via
 Le rrobbe de lo Patre; arrasso sia.*

A La dommanna se trovaro Maso,
 Giancola, e Cciommo, tre ccompagne amate
 Che a la cannela n'arrostiro caso,
 E ssongo letterummeche sfammate.
 'Ciommo, ch'era cchiù biechio, e teneva spaso
 Lo collaro dereto, avea allestate
 Cose de truono, e ccontra li smargiasse
 Se mese a ddire, e ffare gran fracasse.
 Se sporpa, isso decette, na casata,
 E cquant'ave de bene, se nne scola,
 Se la smargiasseria 'n capo l'è ntrata,
 Che a ffarla zeffonnare vasta sola.
 No guappo a n' autro se dà na mazzata,
 O co no punio le caccia na mola,
 Deventa appriesso tanto presentuso,
 Ch'ammacca a chi nce 'ntoppa, lo caruso.

Se

Se procura de botta na patente
 De portar arme , e ffare lo gradasso ;
 Cagne a lo scianco na spata locente ,
 E ncricca lo cappiello ad ogni ppasso.
 A cchi mmorra , a chi stuorto tene mente,
 Menaaccia , scacatea , mette a sconquasso ,
 A lo trattare va tanto ngrefato ,
 Che ppare attizza-’nfierno speccecato.
 Fa succedere buglie spisso spisso ,
 E ttrovanno no schirchio , che ffa pontà ;
 Nce mmatte , nzanetà , no brutto aggrisso,
 E ddicere se pò : Chi resta conta .
 Se piglia uno a ttavierzo : Uh pover isso!
 Le fa despiette sempe che l’affronta ;
 Chillo quanno lo vede votà vico .
 Gavetanno cojeto tale ntrico .
 E pperchè la pazzia cresce , e s’avanza ;
 Nè basta fare ntose , o associar’ ossa ,
 A cchisto comme crivo fa la panza ,
 Sfecatea n’ altro , e nne l’abbia a la fossa.
 De sta manera rotta , c’ ha la lanza ,
 Tra poco fa na chianca assai cchiù grossa.
 Chi feresce , chi spercia , e chi sbraveja ,
 Smafara , adaccia , accide , e ttaccareja .
 Ttaffete ’ncàsa soia vanno Screvane .
 Nce jocano ’ncorrenno a ttasè , e jesce
 Porfedejuse , ed altre scauza-cane ,
 E ffare n’ arravuoglio a ttutte resce .
 Le ppedate d’ ogn’ uno non so hane ,
 Chi s’abbusca la carne , e cchi lo pesce ,
 E cco sti sbruffe , e cco ste mmano ontate
 Solo ciente ppertosa sò appellate .

Da

Da po la sauzza l'ave da costare.
Quanno a na cacamagna 'nfunno è ghiuto,
A ccarceriere l'aruta ha da dare,
Pe non fetire priesto de peruto.
Pe lo spaviento porzì ha da restare
Pe equacche piezzo, e ppiezzo sbaottute;
Ca potea fare lo casecavallo,
O zappar acqua, e ffarece lo callo.
Ha da pagare cchiù dderitte, e stuorte,
Stanza, passeaturò, stramma, e llietto;
Lampa, servizio, Fisco, e ppassa-puerta;
Nè ffa poco p'ascire da sso nnietto.
Così lo sfronna, e spenna la gran Corte;
E lo redduce no poco a rrecietto;
Ma l'arbascla ntra tanto le remmane,
E non 'ave a la casa manco pane.
E cchesta na verdate speccecata,
E pporzì siente ogn'ora fa remmure;
Ca nc' è cchiù de na capo, ch'è sbentata;
E non vid' autro, che smanecature.
Soccede ccà de sferre n'arrancata,
Che te fanno cagnare li colure:
Llà fa mmattere baja no verrillo;
Che se la piglia co no Sio Puzillo;
So spisso li vesbiglie, e le cchiazate;
E no masaudò non se pò ttrovare,
Che mmetta strunze mmiezo ntra le spate;
Stannose ll'aria già pe 'ntrovolare.
Aje sempe cacavasse, e le stoccate
Fannò lo vecenato spaventare:
Sulo è de buono ca la meglio parte
Sò arracca, e ffuje, e ppare ogn'uno Marte.

Vanno

Vanno sulo la festa linte e ppinte ,
 E sse le sentarraie sbafoniare ,
 Uno dice , ca nnante ne vo viute ,
 Chi na montagna se fida sperciare .
 Spapura n' autro, ca furono cinte
 Isso , e n' ammico da seje Saponare ,
 E a botte de scenniente , e cchiattonate
 Le ffecero alleppare consolate .

No spacca , e ppesa vo fare co Orlanno
 Tozza Martino , e sse la pegliarria .
 Co Ssanzone , co Attorre, e bba sbruffanno
 Pe mmiezo Puorto è ppe la Sellaria ,
 Va no straccia velluto cammenanno ,
 Che t' atterresce co la vezzarria ;
 No seglino l' allorda la cauzetta ,
 Ed isso sbotta co n' autro spuzetta .

Chiste la Vecaria chiano chiamillo

Justo comm' a cetrangolo le spremme ,
 L' associa lo cerviello ogne stantillo ,
 E de la panza l' asciutta le ffremme .
 Lo ncappa n' altra vota a lo mastrillo .
 A cchi de caccia mano non se tremme :
 E a cchi se trova a cquacche accisione .
 L' agghiusta pe le ffeste lo jeppone .

Vuoie sapere chi songo sti 'ntospiate ,

Che pportano na tuba , e ppanza nnante ?
 Li spil aciro sò de sta Cetate ,
 Ogne sciorte de zanne , e de birbante ,
 Li scarfasagge cegneno le spate ,
 Guarzune , spercia-sepe , e llaverante ,
 Che pparenno a la vista smargiassune ,
 E bonno nfacce botte de premmune .

Meglio

Meglio s'arria, ch' ognuno se vennesses
La sferra, o la cagnasse co ssapone;
Lò fatto sujo cojeto se facesse,
Jesse come lo Patre, o lo Vavone.
A l'antica maniera se vestesse
De saja, de peluzzo, o de morcone,
Nè ddesse da magnare a li Screvane,
Ed a li figlie suoie portasse pane,
Maso da po sentuto, disse: Ammico
E' stato muto sapio lo trascurzo;
Ma siente sto racconto, che te dico,
E l'annevino, ca non songo turzo:
A tanta case bisogna co tico,
Ché ppuorte, se pegliare vuole no surzo:
Ca se v'è co ccreanza a lo ccardare,
E no palicco non te pò mancare.
De chesto è ccaosa lo juoco mmarditto,
(Perdere se nne pozza la semmenza)
Non fa scriare li denare schitto;
Ma ll'arma accide, e mmancose nne penza:
Ngrassa, e ffa lardo chi tene l'affitto,
E de chi joca è nnetta la despenza,
Nè s'addona (vedite brutta nnoglia!)
Ca lo Cotto ogne cosa nn'arravoglia.
Scurisso chi a sto vizio se nc'è ddato,
Ca se scervella a ffare sempe n'arte,
Mpezzentesce li figlie, s'è nzorato,
E la moglieere magna pane a pparte.
Jastemma, e sse despera da dannato,
Se caso no le dicenno le ccarte;
Otra ca dà gran gusto a Ffarfariello,
Quanno tira l'arecchie all'aseniello.

Perzò

Perzò besogna fuire sta gente ,

Ch' antro non dice : jammoce a spassare ;

Chi è ccarreato mprimmo tene mente ,

Dapò imparato se lassa a ghiocare .

Ntra no poco de tiempo sè nne pente ,

Quanno vede li purchie scioliare ;

Se s'ammennasse , sarria cosa bona ,

Ma lassare lo studio no le sona .

Quanto cchiù ghioea , tanto cchiù se 'ncana ;

Se perde sempe penza a lo rescatto ,

Se vince piglia sciato , e sse resana ,

Credenno diventare ricco , e cchiatto ;

Ma lo juoco , che l' auza , e po lo schiana ,

Torna a ddarle no bello schiaccio-matto .

Isso perdenno porzi 'li cauzure ,

Gliotte pinole amare a buone cchiune .

Se mpègna l' oro viecchio a pprimmo lanzo ;

Po se lo benne , e nne lo fruscia priesto ;

E pperchè la desdetta non dà canzo ,

Spenne li Quatre , e ddice : va lo riesto .

D' altre rrobbe a li dale fa l' avanzo ,

'Mmitare tutte a goffo s' ascia lesto ;

'Nfane p'essere puosto 'ntra li pazzo ,

P' arraggia se terzea li matarazze .

Ogne ghiuoco , che ssia stà pe 'fornire

D' annegrecare tutte le Ccetate ;

E schello , ch' è lo ppeo , farrà mpazzire

Pagliette , meze-poseme , e ecriate .

Co la speranza , ch' hanno da rescire

Le ffrenesie , che s' hanno già nghioccate ,

Nne frusciano na mano de carrine ,

E pporzi nce carreano li vecine .

De

De sta gente nce nn'è na quantetate ,
 E sso mmescate d'ogne ttaglia , e stato;
 Vide scoprirle comme speretate ,
 E lo juoco cchiù d'uno ha rroinato .
 Le ccapo non sò saude , o sò sbentate ,
 Nè sto Paese lo vedo agghiosato ,
 Ca ne' è chi 'mestamento vò lassare ,
 Che stiano forte li figlie a ghiocare .

Sto trascurzo , che ffece co lo ssale
 Maso parente 'ntierzo a lo Chiajese ,
 Piacquette a Ciommo , e ddisse tanto vale ;
 Quanto se venne a Ppuorto pe no mese .
 Giancola che non era no stevale
 Lo prodito de dicere se 'ntese ;
 E ffattase de naso una sciosciata ,
 Accommenzaje a ffare sta parlata .

Nc'è n' autro modo , che fa 'mpezzentire
 N'ommo , che 'nvita soia sempe ha stentato ;
 Treccalle a mmala via non ha fatt' ire ,
 E ncoppa a lo negozio s' è 'nvecchiato .
 Lo Funnaco lo primmo è stato a aprire .
 S'è dde notte e dde juorno arreventato
 Senza sciatare , o se pegliare spasso ,
 Ne ll' arte fare maie de Micalasso .

A cchisto manna Ddio na grossa Groce ,
 No figlio nfammo de mala capezza ,
 Che le causa tromiento troppo atroce :
 Vasta , che sia de la cchiù ffinna pezza .
 Non manca de gredarlo ad auta voce ,
 E le ccose de Ddio saudo le mmezze :
 Ma lo vegliacco se serra l'arecchie ,
 Tenennole pe llotene de vecchie .

Fa

Fa pe tutte le rregole latine ,

Canosce le bie triste , e le dà gusto
Sciälare 'nchietta co li spataccine ,
Vevere vino de cchiù dde no fusto ;
E' compagno de fante , mmalantrine ,
Se piglia sempe li quatto d'Agusto ;
Ne sbrica li tornise senza cunto

Portanno lo vorzillo apierto , e pprunto .
Pe ffare a mmuodo sujo cerca scopare
De lo Patre lo funnaco , e la casa ,
Quanto le vene nmano arrecettare ,
Pe llassare ogne ccosa netta , e rrasa ;
Stà sempe a la veletta pp' arroccchiare
La mamma cotta , e ccruda e mmanco spasa
Pò tenere colata senza jajo ,
Tremmanno , che le sorta quacche guajo .
Essa non sa agghiostare maje li pise ,
Ca pecca quauno vede lo marito ,
Che l'arrefila , perchè co l'avise
Manco se mette de capo a ppartito ,
Co la piatà lo vò coll' altre mpise ,
Nè se cura , che sia mostrato a ddito :
Anze le mbroglie copre , e le ffrettate ,
Azzò n'aggia d'annicchie cchiù nforrate .

Co sto trafeco resta lo paese

Miezo sfrattato : e ssaje che fa de danno
Na carola de cheste ntra no mese ?

Quanto acquista no Patre ntra de n'anno .
Va crisce figlie , e ffalle bone spese ,
E bide appriesso che rresceta fanno ,
Se a mme toccasse , le borria sterpare
Tutte ste mmale spine , e po abbrasciare .

Non

Non mme stà a ddire, ca la gioventute
E' no pollitro, che pe l' addommare
Nce vole assaje: e chi mosta vertute
A ttal' etate se pò bauzamare,
Volle lo sango, ed aje viste perdute
Porzà li Salamune: ch'a sbeare
Cierte fegliule no nce vole niente,
Perchè l'accasiune songo rente.

Già vedimmo coll' uocchie a tiempe nuoste
Tanta giuvene d' oro tutte attiente
A le rrobbe; nè lassano le ccoste
De li Patre, che ccampano contiente:
Manteneno a li funneche li puoste,
E co no sciato danno riesto a cciente;
Che ssiano beneditte 'nveretate,
E guadagno le venga, e ssanetate.

Vuje Patre, e Mamme stateme a ssentire,
Se no giuvene 'ntroppeca, e sse tene,
Ha bona volontà de la fornire,
E ttorna n' altra vota a ffare bene.
Ma se cade, e non cerca de sosire
Ve farrà stare dinto de le ppene:
Non lassate abbentare maie la mazza;
Ca se mmereta peo ssa mala rrazza.

Se vedite ca passa vintuno anno,
E n' acconcia la lammia, e cchiancarelle,
Sarrà d'isso, e dde vuie gruosso l'affanno,
Ca mutarrà lo pilo, e no la pelle.
E llesta la raggione, e no mme nganno,
P averme stodiato doie masceille,
De lo echiù nne trascorro, e de lo manco,
E de li livre nè nteano lo ghianco.

Dica

Dice la Ghiesia, ca no peccerillo

Trase a l'aità de la descreezione

Quann'ha sett'anne : (ma mo no nennillo
Stà pe mmettere 'nsacco lo Vavone .)

Chi nn'ha tre botte sette, e n'ha cerviello

Nè mette sale 'ncapo, o attenzione,

Crediteme ca maie lassa lo vizio,

E sse campa cient'anne, n'ha jodizio.

Se fa cchiù ttristo, se lo 'mpresonate,

Se lo 'nzorate pe lo 'ncatenare,

Na povera figliola nnegrecate,

Ca sempe secotea a ddessepate.

Facitev'armo, ca no la sgarrate:

Mannatelo a la guerra a bentorare.

Meglio è ascire na vota da l'affanne,

Ch'avere spisso, e gruosse li malanne.

Tutto è bero 'nfi a mò quant' hanno ditto,

Ma non dammo addò tene; nè pescammo

'Nfunno a sto mare; nè cierto a dderitto

Lo capo de lo gliuommero pegliammo.

Vanno chiù ccase pe sto vizio ammitto,

Nè sserve, che de chesso cchiù parlammo:

Ma sapere vorria da dò è benuto;

Che Nnapole è già tutto 'mpezzentuto?

Non songo d'uno, o duie li grà llamiente,

Ma de quanta nne parle; e tutte 'nfrotta

Peñeano veramente da scontiente,

P'essere già scadute 'ntra na botta.

Avanzano ogne ghiuorno li pezziente,

A li cunte va ogn'uno assaie da sotta:

E cchello, ch'è lo ppeo, e mme da 'mpaccio:

Ca se ne scenne cchiù d'uno, che ssaccio.

Chi

Chi tene la carrozza , e li criate ,
A lo stato , che stà porzì ppatesce ;
Cauza tre ppunte chi campa de 'ntrate ,
E ppenzanno a le spese s'ammaleisce .
Li Mercante camminano affenate ;
Hanno ll'autre le borze, e nniente nn'escè ;
E la concrosione è ca sò ttutte ,
Che stanno arragante , o mieze strutte .

Scomptura de lo Canto Terzo.

CANTO IV.

ARGOMENTO.

*Fogge nove ogni ghiorno vide ascire;
Spanfio, e baggianaria cerca sguigliare;
Apparecchia grannezzze da stordire
Chi cinco, e scinco a doce vole fare.
Comm'è l'aosanza ogn' uno vò vestire;
De Carrozze e Galesse nc'è no mare;
Vanno li ddrappe, e ppanne oje a stoccate.
E dde perucche è cchiena sta Cetate.*

LO fieto de lo miccio da dò vene,
E dda dò a Baja la mal'aria è nnata,
Napole mio lo ssaccio muto bene,
È tte lo boglio dire a sta cantata.
Musa, de ll'acqua doce d'Appocrene
Famme fare na bella sazeata;
C' haggio da 1 scoprenno ciert' autare,
Nè a ttutte piacerrà d'ausoliare.
L'acqua trovola corre, ch' è avanzata
Fore li fore la baggianaria,
La pazzia non se sà dove è arrevata;
E ccresce ogni momento l'arbascia.
Esceno sempe sfuorge a la giornata,
E dda ccà nnasce la pezzentaria;
Nne fruscia ogn' uno quanto se guadagna;
Se 'mpezzentisce, e mmaie penziero cagna.
Com-

Commenzano le sfoggie da l' Angrise ,
 Da llà passano subeto a' la Franza ,
 Po se stampano a bista a sti Paise ,
 E tte vide into Napole l' aosanza .
 Spenne co ggusto granne li tornise
 Chillo , ch' è pprimmo a rompere la lanza ,
 E ccomparenno co na novetate ,
 Mette tutta a rrevota sta Cetate .
 Ogn' uuo quanno allumma li vecine ,
 O ll' autra gente , che sò ppate lloro
 Vestute guappe co li panne fine ,
 E c' hanno 'ncuollo cannavacce d' oro ,
 Se vregogna d' ascire doie matine
 Senza portare simmele trasoro :
 Ntra tanto li denare se nne vanno ,
 E ddoce doce se nne v' scolanno .
 De sto mmale un' è capsa lo peccato .
 Ca da nmemmice de la Fede nostra
 Ogne mmal' uso , ch' esce s' è ppigliato ;
 Co tutto che la sauza caro costa .
 Nè li cervielle guaste hanno penzato ,
 Ca certe sfoggie lo ffecero apposta
 Pe coffiare la Ghiesia Romana ,
 Nè dico quacche ccosa , che ssia strana :
 A le femmene lloro sciavorate
 Le mettèro a la capo no torbante ,
 Co le scese da reto lavorate ,
 E na Grocetta 'mpietto de ddiamante :
 De li Viscove nuoste le ffarzate
 Se credèro de fare li forfante ;
 Ma vonno stare frische all' altro munno ;
 Quanno se vederanno a lo sproffunno .

Mme despiacette ca la nvenzione

De botta se pigliaje a sto paese .

E ss'è lassato po lo morrione ,

Ch' è benuta autra foggia a la franzese ;

Vide ogne ghiuorno na motazione ,

E 'li purchie se jettano a le spese ;

Nè ccède a lo marito la mogliere ,

Ca tutte all' uso vonno comparere .

Sò asciute sciammerlucche , e pperziane ,

Li mantò co la coda , e li bustine ,

Sciarpe , mantesinielle , e foggie strane ,

Todeschine , pettiglie , ed angioline ,

Se 'ntosciano le ffemmene cchiù bane ,

Portanno le ccovazze , e ccantorine ;

Vonno porsì a la maneca , e gonnella

La falbalà , che ppare treppecella .

Le bide comparere a sta Cetate

Co nnieve , tuppe , nocche , e 'nforma tale

Che le pienze farranno mascarate

De Pasca , Quaraesema , e Nnatale .

Escano lente , e ppente , e 'mposemate ,

E ppare d' ogne tiempo carnevale ;

Po vattìe ppe ccovielle li marite

Co bonune de panno a li vestite .

Ha cacciato l'Aosanza ciente cchierchie ,

Che pportano le ffemmene da sotto

Piccole , e granne , zitellucchie , e becchie ,

E la gonnella se spanne , e s'abbotta .

Vonno da drappo cchiù pparme soperchie ,

E cco cchesto la vorza cchiù se sgotta ,

E Ssagrestano da tutte è chiamato ,

Comm' autro nomme no ace fosse stato .

Non

Non saccio tanta chellete frostere;
Che sbarcavano ogn' ora a sta marina;
E ddrappe, e ppanne de ciento manere,
Nchievano la Dovana ogne mmatina.
Ascèro poco fa le pprimavere,
Ch' erano de le ccase la roina;
Ma mo n' uocchio de facce aje da pagare,
Se quarche ddrappo te vuoj accattare.
Chi de la Meza-canna fò l' Autore
Restaje a tumpo suio maravegliato,
Ca vennevano drappe de valore,
Che ghievano lo parmo no docato.
Mò da li panne sarria asciutto fore,
Se sentesse lo priezzo a cche è arrevato:
Costano no zecchino doie retaglie,
E le doppie na veste mò te saglie.
Songo arrevate già le zagarelle
A ssaglire lo parmo doie cianfrune,
E le pportano cierste Ssegnorelle,
Che te fanno abbottare li premmune.
Li Marite non hanno chiancarelle,
Ca mettere le fanno li cauzune;
Vedeno li denare scioliare.
Nè le fanno li vruoccole passare.
Non serve cchiù a lo Munno nnommenare
Li cuoccole, che ppiglia chi se inora,
Tutte quante le sfruscia a sforgiare,
E lo spamfio sopierchio le ddevora.
Ogn' uno lo compagno vò avanzare:
Ogn' Artesciana vò fa la Segnora:
E sfornuta la primma comparenza:
Nce mmatte a chella casa la scajenza.

Quattociento docate pe na veste
 Spennette uno a lo tiempo de le nnozie ,
 Li scute ricce a ffare grosse feste ,
 Cchiù zecchine a' mmaurare le ccarrozze
 Lasso quanto nce voze a ddare rieste
 A sserveture , ed altre sfratta-tozze :
 Nè sò sfornute ancora de pagare
 Li Speciale co li Sorbettare .
 Cheste dimme , cche sò ? se no rroine ,
 Che mmannano a ddiaschece casate :
 Non se tratta de prubbeche , o carrine ,
 Se jettano a mmeigliara li docate .
 Sti mpazzute non sulo danno fine
 A tutte li tornise , c' hanno aunatè ;
 Restano 'ndebbetate : e li Mercante
 Nne scippano co stiente li contante .
 Chi è Ddottoe , e cchi campa co le'ntrate
 'Nzora no figlio , e ffa commito tale ,
 Che li Signore , ed altre Titolate
 Non hanno tanta gente into le ssale .
 De sorbetta nne fa na quanterate ,
 E dde la cecolata , che cchiù bale ,
 S'ha da jettare 'nterra pe grannezza ,
 Abbottannose tutte co pprejza ,
 Lo sfarzo de le beste è dda vedere ,
 Che sò cchiù dd'una , e ssogno de valore ,
 Vonno meglio de tutte comparere ,
 Fare a lo parentato assaje onore .
 Vide 'nderizze de varie manere ,
 E ghiettano le gioie no grà sbrannore :
 Va trova dota ! Manco no tornese
 Nce rommane a là casa co ste spese .

Nò la sedeno a cchiste li Mercante ,
 Quacche figlia de mamma 'ngaudianno ,
 Fanno a le ffeste lloro tale spante ,
 Che rresta ammisso chi le bà guardanno ;
 Non c'è chi a li triunfe pozza nnante
 Passarele pe ssuonno ; e se nne vanno
 A llava le mmonete janche , e rrosse ,
 Comme se tale cosa niente fosse .
 Se sò ppuoste 'ndozana l' Artesciane ,
 Faceanno cose fore de misura ;
 Le ccapo a le mmogliere non sò ssane ,
 Ogn' una è ccontentata nche spapura ,
 Vonno cchiù priesto sfuorge , che non pane ,
 E lo marito subeto ha paura .
 De vederla marfosa ; e spenne , e spanne ,
 Nè ppenza , c' ha dd' avere li malanne .
 Ne' è pperzona , che n' ha vita pe n' ora ,
 Juorno pe ghiuorno s' ha da nnostriare
 Se all' arte sòia no stenta , e no llavora ,
 Và lieggio a fè de 'nnico a ttaffate .
 Senza penzare a guaie mmorra , e se' nzora ,
 E cquanto piglia nne lo fa scriare ;
 Vò la mogliere vestire all' aosanza ,
 E ddapò s' ha dda stregnere la panza .
 Non passammo cchiù nnante ca mo schiatto :
 Ogne fatecatore , ogne mmoccuso
 La mogliere , e le ffiglie (è no gran fatto !)
 Se contenta , che llassano lo fuso .
 Isso a bascio arreventa mezzo sfatto ,
 E cchelle 'ncoppa fanno nocche all' uso ,
 'Ngarbano pe la festa no chianiello ,
 Li manecotte , e lo manteseniello .

N' altra cosa assaie peo mme fa cecerepare:
 No le giuvene sulo, o le zitelle
 Le bedarraie sparmate cammenare
 Pe pparere ntra ll' altre le cchiù belle,
 Se cercano le becchie sceregare,
 Quanto penno se stirano la pelle:
 Uh quanto è brutta po la vesione,
 Ca pareno de cascia no leone.

De sti sgarrune se parle co Mmicco,
 O te miette a trascorrere co Rrenza;
 Dice chillo: de me che ha cchiù zio Cicco?
 Responne chella: io no la cedo a Mmenza.
 Tonno fosse de me fuorze cchiù ricco?,
 Fosse meglio de me fuorze Vecenza?
 Vanno vestute all' uso Livia, e Nnora.
 Vogl' ire io porzi all' uso nfi che mmora.
 Tutte avimmo lo spirito a sto Munno,
 Femmene comme l' altre eramo, e ssimmo,
 Non s' è ddato a le ccasce ancora funno,
 E quacche tornesiello lo tenimmo.
 Cagnaimo ll' oro antico, nfi lo tunno,
 E mmo co no lazzetto comparimmo;
 All' utemo non simmo pettolelle.
 Nce commene d' ascire allisciatelle,
 Co sta pazzia, che bonno sforgeare
 Comme le ppare lloro, o le becine;
 Lo marito nne fruscia gran denare.
 Manco fossero graste li zecchine.
 Ogni screttorio, se fosse no mare,
 Co tanta spese se sgotta a la fine,
 Restanno chi se sia senza na maglia,
 Tutte che pprimmo fuie n' ommo de vaglia

Han-

Hanno pouste 'ngrandezza li Scarpare,
 No stirano cchiù ppelle co. li diente,
 Li drappe d'ero le bide tagliare
 Co cciento muode de punte, e dde fente,
 Ne cchiù le mmano le bide allordare,
 Ca pe le ppelle non servono tente:
 Vò cauzare ogne ffemmiona attellata,
 E'ntra tanto se paga a la decata.
 Le basciajole vide pe le strate
 Co le scarpe de drappo ccammenare,
 Portano le gonnelle a garbo auzate,
 Azzò tutte le pozzano squatrare,
 Dalle a ccheste cinquante vessecate,
 Senza farle partire da felare,
 E sse sò ttostr a scire pe la lota,
 Co na sapezza 'ncânna dalle vota
 L'uommene porzi vonno comparare
 Co na scarpetta tutta pontiata,
 E lo vanto se credeno d'avere,
 Quanno la fanno na si cicciata,
 La bellezza consiste a lo beddo,
 De quacche Cicisbeo la passiatu,
 Co ppede-lieggio cerca cammenare,
 E sfuie lo tallonetto d'allordare,
 Le ggente a ttiempo mio aggio veduto,
 Quann'è bierno, li zuoccole portate,
 E nno schitto li povere, o scaduto,
 Ma li Mercante, e li Zagarellare,
 Perzò stavano buone de salute,
 Nè li tornise vedeano mancare,
 Mo se portano scarpe politelle,
 E ccresceno porzi sempre le zelle.

Li piede ogn'uno le teneva asciutte,
 E ppiù Napole era de mantune:
 Mo de vire de bie sò fatte tutte,
 E ccorrono dolore a buonne cchiune.
 Le carrozze a sti guai n'hanno arredutte,
 Ca strudeno le strate, e li pontune,
 E sta le trove 'ncuollo p' ogni parte,
 Besognanno faire, o de scanzarte.
 Megliara nce nne songo a sta Cetate,
 Tanto, che non se pò cchiù praticare,
 Se scontrano a lo spisso a le botate,
 Comme fare non saie ppe te acostare.
 Abbuto certe bore pe le strate,
 Tanta nne truove intra lo ccammenare;
 E nce songo Cocchiere 'mpertinente,
 Che bonno quatto punia a li moriente.
 Sò li manco, che l'anno li Segnure,
 O le pperzane da quarche pportata?
 Non parlo de li Miedece, o Dottore;
 Ll'ha chi campa la mmule a la stringata:
 Se tantillo le veneno dolore,
 Le 'ncenza, nè le ccascia s'è ghitata,
 E llè hanno 'nzomma cchiù seca-trèccalle,
 Che mettono la scuffia a li cavalle.
 Se vedeno Barruocco, e Bolantine,
 Stoglie, Cuoppe, ed altre ccariole,
 Che duie non nce ponno ire se sò cchine,
 O se n'è hanno da mettere dore colà.
 Hanno cacciato mò li carrozzine,
 Che te pareno justo guardiole;
 Altre, che ppeo de me n'hanno catzune,
 Le bide carriate da sporune.

Vaje a le fieste, e ssiente jastemmare,
 Male viaggio chi nn' ha ffatte tante;
 Chi dice: che se pozzano scassare;
 E non siente autro: guardate da nante.
 Non sanno cierte addove se saryare,
 E stanno pe bottarene li Sante:
 'Nfrutto se vede na confosione,
 E nce soccede quacche accensione.
 Una non basta all' antica maniera,
 De seconne carrozze è l' uso asciuto,
 Ed è tale a le bote la filera,
 Che ppe ppassare staie n' ora 'mpeduto.
 E' ffatta sta coccagna, che non nc' era,
 Pe ccerta gente, ch' è ppane perduto;
 'Mprimmo no Gentil' ommo se portava
 Vestuto nigro, e a ppede cammenava.
 Mmarita a tiempo d' oje uno la figlia
 Dannole quattromilia docate,
 Fa lo patto co cchillo, che la piglia,
 Che mmetta la carrozza, e li criate.
 Pe cchesto non mme faccio maraviglia,
 Se vedo cierte ccase nnegrecate;
 Cchiù de chello, che pponno vonno fare,
 E ppo le ssiente de suonno schiattare.
 Galesse senza cunto sò sguigliate,
 L' Artesciane porzi se ll' hanno fatta.
 Pe biche, e bicarielle le ttrovate,
 E nce và dinto na perucca sfatta.
 Correre le bedite pe le strate,
 E no desastro è ffacele nce mmatta;
 Ma se quaccuno se jessè frostanno,
 Ll' altre nce penzarriano a ffare danno.

Arreddutte già assimmo a stato tale,
 Che ll' uorgio quase và quanto lo ggrano,
 Ca sogno cchiù le stalle, e ll' anemale,
 Che non songo le Folleche d' Agnano.
 Chi teme pe le strate quacche male
 Sbruffa, sospira, strilla, e ddice 'nvano;
 Sarria na cosa santa, e se mettesse
 La gabella a ccarrozze, ed a galesse.
 Rido sta vota affè pe non crepare;
 Cierte smorfie cresciute a lo Mantracchio
 Co no spruocolo, e mmiezo fanno fare
 Na galesella quanto no varacchio.
 Uno nce cape, nè se pò votare:
 E borria quatto buffe, e no vernacchio:
 Porta quanto na gatta no cavallo,
 Spennenno 'ntutto seie rana, e no callo.
 Co sfrunne de menesta lo mantene,
 E cco la vrenna quanno fa lo ppane,
 Poco nce vò, e a lo lietto se lo tene,
 Lo striglia, e le fa ffare vie cchiù cchiane.
 Chi vede, e le cconsidera ste scene,
 Canosce ca non so troppo lontane
 Sti poverielle da la Casa Santa.
 Io parlo, e llozo dicono: mo canta.
 Avevano che fare li Varviere.
 Aozanno co li fierre no mostaccio,
 Mo le ffatiche so fatte leggere,
 Radenno a tunno senza tanto 'mpaccio.
 Sò ddeventate tutte perocchiere,
 E 'ntrezzanò capille, che le ssaccio:
 A cchi songo tagliate a lo Spetale,
 E ppo na perucchella saglie, e bale.

Veneno da strafegno le tascette
 De capille frostiere, e llavorate
In ce songo da li Maste, li Spuzzette
 Nne fanno cunto, se songo arrecciate.
 Esce na foggia, e li caca-zibette
 Sò li primme a ghiettare li docate,
 E ffanno po nà degna cammenata,
 Magnannose la terra co n' occhiata.
De perucche lo Munno s'è annegliato,
 Co na rarice arreto uno compare,
 Chi co no cosciniello mmottonato,
 Nè ssannò cchiù che zervole se fare:
 E' lo ppeo ca no viecchio stascionato
 Co la perucca gioveniello pare.
 N'autro po, che no stà 'ncoppa lo punto;
 Spisso cinquanta-cinco porta a sfrunto.
Chi a mmeza capo la porta co sfarzo,
 Chi parte da dereto, e pparte nnante;
 Ogn' uno a ppettenarla non è scarzo,
 E ppare figlio de lo gran Tronante.
 Vasta, che co no garbo sia comparzo
 No zerbenotto, e ffa de lo galante,
 Taffe le bide tutte 'mposetura,
 Facenno chella, o simmele feura.
De porvera de Cipro le ccantara
 Se nne strudeno ll' anno, e non saie dire
 Se nne vò echiù na Ninfa, che s' appara,
 O no Narciso quanno stà ppe ascire.
 Manco cennera vò na Lavannara,
 E una colata janca fa rescire:
 Se no nnorchia magnasse maccarune
 Co tanto caso: Uh povere tremmune!

Scompetura de lo quarto Canto.

CANTO V.

A R G O M E N T O.

Da li Segnure se songo cacciate

Le beglie, e ccheste co tanti' autre spese

Deroppiano le ccase: e sso ppigliate

Le sfogge a la frostera, a la Frangese.

Li drappe antiche se songo scordate,

Banne ferme no ll' ha cchiù sto paese:

Napole s' avertesce a rretornare

Comm' era primmo, se vole sguazzare.

Voglio li stisse taste, o Musa mia,

Toccare n' altra vota, ca so assaje

Li denare, che banno a mmala via

Pe tanta sfarze, nè se penza a guaje:

Na grazea t' addomanno 'ncortesìa,

Che na retaglia de chello, che saje,

Me miette 'ncapo, e ssierveme pe scorta

Perchè rresta lo mmeglio, che cchiù 'mporta

Se so spesate 'ntutto li Segnure

Le mmogliere, e li figlie de sentire

Lo canto de Froncille 'ntra li sciure;

Quanno ll' Arba sbrannente stà p' ascire.

T' allecreano ll' ossa le ffrescure

Nuante, che Efebo stia pe se sosire:

Non godeno pe cchesto maie la stata,

Nè se fanno na doce passeata.

Fanno la notte juorne , e la sorbetta
Co cceccolata cauda , o sia agghiacciata ,
A botta-fascio ogn'uno se la jetta
Passanno cchiù de meza la nottata .
La casa , addò se tene la scoglietta ,
Li compremiente fa a la cammarata ;
Se cacciano deserte , ed altre fruscole ,
E se une vanno 'nfi a l' altre crepuscole ;
Se ritirano 'ncasa , e ll' ora è itale ,
Che già de carne se pò cammarare ,
Se be è Beilia , e ffanno Carnevale ,
Quanno aveano la sera a ddijunare .
Cheste ffaccenne non pareno male ,
Ca meza notte s' è 'ntesa sonare ;
Ma pesannose po a lo campione
Trova rotola scarze lo Patrone .
Ste beglie porzi sserveno a bottare
La varca a mmare ; e itanta serveture ,
Cavalle , e sfuorge vastano a sseccare
Puzze de doppie , e pportano sbenture .
N'è ccosa sauda lo squarcioniare ,
Ed aspettare appriesso li dolore ;
Fa buono chi fa ccunte , e spenne justo ;
Lo spamfio passa , e po non ha desgusto .
Chi ha ssale a la cocozza , fa le rreste
De quacche cosa , perchè se lo trova
Si passa guaje , e a li besuogne ha leste
Li sfrante , e lo malanno maie lo prova .
Sfuie le beglie , li juoche , co le ffeste ,
Nè da lo passo suo nc'è chi lo mova :
E a lo ssonare dell' Avemmaria
Q' stà dinto a la casa , o ppe la via .

Vennero li Franzise a sto paese ;
 E pportaro no muodo de vestire ;
 Taffete foro leste a ffare spese ,
 E a cchella aosanza ogn' uno voze astire .
 A li Dotture ncapo se le mese
 Porzi sto chiuovo , e ffiscero stordire
 Chi sentette ca gente , che dà anorme
 Voleva comparire nchella forma .
 La lebertà non voglio nnommenare ,
 Ch'a ccerte Segnorelle hanno mmescata ,
 Chi s' è troppo allascata a lo trattare ,
 Chi a le beglie , o la juocose ac' è ddata .
 Va cerca sta mal'erva sradecare ,
 Puh ! che rrogha canina s'è attaccata !
 Se semmena lo bene , e a rraro piglia ,
 Lo male cresce sempe , e sempe sguiglia .
 Appriesso po vediste cchiù sbravate
 De reto appedecare li Patrone .
 Comme Ussariella vestute aggarbate ,
 Portanno aunite cauzette , e ccauzune ;
 Da le ffrostere puro hanno pigliate
 Le nnoste e nnocche , e scuffie , e mmenziune .
 Le ccarrozze se fanno vraccolelle ,
 Che non hanno besuogno de scannielle .
 Fà mmezzare lo Puopolo cevile
 Le zitelle de canto , e d' abballare ;
 Ora tenete mò , che ll' atrabile
 Non t' aggia da lo stommaco a ssautare .
 Masto Giorgio che ffaie , che n' arrefile
 A cchi commenza de siesto a sbotare ,
 Ca songo le ppazzie de cchiù mmanere ,
 E bide chello , che non vuole vedere .

Non

Non parlo mo de le ccortine , e liette ,
 Che na meza mascella ogn' uno saglie ,
 De pasta sciorata le boffette
 Co li piede 'nnaurate , e ffatte a 'ntaglie .
 E nce so ccierte caca-pozoniette ,
 Che de vorletta vonno le trovaglie ;
 E li sciecche sò asciute smesorate ,
 Che hanno centenara de docate .
 Li casciane de noce so squagliate ,
 Che na meza Dovana nce capeva ,
 Panne , e ccortine stevano 'ncasate ,
 Tanti' ogne scomma-vruoccole nn' aveva .
 Mo li recipiente so attellate ,
 E no, n' è cchello , che primmo use steva ;
 Schitto nce sengo le galantarie ,
 Robbe apparente , e de baggianarie .
 Napole , fato mio , stamme a ssentire ,
 Ca te dico de core ste pparole :
 Tornate a rreto , cerca d' arrechhire ,
 Sparagnanno quaccosa addò nce vole .
 Leva li troppo sfarze a lo bestire ,
 Chi spenne assaje , appriesso se nne dole ;
 V' ca li Patre nuoste , e li Vavune ,
 Non avevano sfuorgie , ma cianfrune ,
 Quanno veò n' ommo buono , o no Mercante
 Che n' ha cagnato forma de vestito ,
 Nè le garbizza fare lo sbafante ,
 Nè pportare perusca appe prodito :
 Eaccio preiozza , ca n' è , chi è ccostante
 Ire a l' antica modesto , e ppolito ;
 Aggiano pe mill' anne sanetate ,
 Ca servono pe schiecço a sta Cetate .

Ma sento pena, ca vanno mancanno
 Li buone viecchie, che teneano pede;
 E sse all' altre cauzune se nne vanno,
 Ste belle stampe, nesciuno le bede.
 Mo li zembrielle le batino avezzanno
 Tanto smargiasse, che po no la cede
 Ogn' uno, quann' è gruosso, a no Signore,
 Ca de fare 'mparaie lo bell' omore.
 Jevano acconcie assaie l' anne passate
 Le flemmene coperte co li mante,
 Porzi chelle de frisco mmaretate
 Cammenanno modeste tutte quante.
 Da che vozero ascire spampanate,
 Farse vedere sfarzose, e galante,
 Lo malanno a le ccase nce trasette,
 E lo bene, che nc' era, se n' ascette.
 Schitto a lo Muolo-piccolo è rrestato
 De li mante, e bestite lo 'nzegnale:
 Ogne buon' uso intutto s'è llevato,
 Ed è stato la caosa de lo mmale.
 Paese mio comme te si mmutato,
 Pare, che ncapo cchiù non agge sale;
 Ogne ccosa consiste all' apparenza,
 A lo saudo nesciuno cchiù nce penza.
 Li panne antiche fa resorzetare,
 Ca no vestito n' etate dorava,
 E no avive bisogno devacare
 Ogne seie mise li denare a lava.
 De li drappe non serve cchiù parlare,
 Na gonnella no secolo vastava;
 A cchelle robbe torna n' autra vota;
 E quante mo te dico, bene ascota.

A na Ghiesia na Damma le donaje
 A la vecchierza na veste, ch' aveva;
 Se fece na Chianeta, che ddoraje
 Pe tant'anne, che manco se credeva.
 Strudere non se vedde maie, e mmaje,
 E ll'oro vecchio sempe cchiù lloceva,
 La n'forra se nc' aveva da cagnare,
 Nè la robba vedive consumare.

All'utemo ll'ardie lo Sagrestano,
 Ch'era carrega d'oro, e assaie pesante,
 E lo designo fatto non fo bano,
 Ca nne racciaie no sbruffo de contante.
 Co lo stisso denaro mand mano:
 N'otra nova nne fece cchiù galante,
 De vista non pertò; ma ntra poc'anne
 Taffete s'è schiattata da cchiù banne.

Lo ssimmele a na femmena sortie,
 De morcato teneva na gonnella,
 Che le lassate la mamma; e la strodie
 Essa appriesso, e pporzi pareva bella,
 Da po de n'anno santo la vennie,
 E nn'appe de denare quaccosella;
 Se la facette pò de primmavera:
 Passato n'anno va trova che nn'era
 Pare che ssiano fatte parrocchiane
 Li Mercante de panne; e quanto ponno
 Danno a tutte le ppezze nomme strane;
 Nè cchesta è quacche cosa, che mare sonno;
 Comme le pare, e ppiace a li baggiane
 Le batteano le robbe, che isse vonno
 Chi sentè li castore, e ccastorine,
 Sborza senza penzarce li zetchine.

Mateleca mia bella, che d'è stato ?
 Jere tu de li panne la Regina ,
 Da che Nnapole mio t'ave cagnato ,
 Na bona parte n'è ghiuta a rroina .
 No vestito a cchiù d'uno l'è bastato
 Ppe d'anne , ed anne 'nfi ch'era mappina :
 Mo quanto te nce faie na mbrosченata ,
 E non te serve cchiù l'autra 'nvernata .
 Li peluzze de Siena addò so ghiute ?
 Che nne sò ffatte le ssaie mpannate ?
 Le rrobbe de dorata sò scompute ,
 So li scioscia-ca-volano cacciate .
 De sti panne a cchi jevano vestute
 Dicere se potea co ssanetate ;
 Erano a lo strapazzo tanto fuorte ,
 Che pe no piezzo non vedeano morte .
 Saccio sti juorne arreto chi teneva
 De peluzzo de Siena no cauzone ,
 E da na frotta d'anne , che l'aveva ,
 Nè ccà restava l'ammerazione .
 Era n'ommo da bene , e nme deceva ,
 Ca cchiù tiempo l'avea co sfazione :
 Strutto lo Patre ; non perzò era stato
 No farraiuolo , e se l'avea guastato .
 Pe n'autro pover'ommo , o n'artesciano
 Faceva no scioretto de Cerrito ;
 Se a no Carapellese dea de mano ,
 Ghiea de mascesce comme fosse zito .
 Se stemmava pe Pprencepe Romano :
 Chi co sto sfuorgio jeva a no commito :
 Chi de panno vestea de Castiglione .
 Pareva a tutte , che fosse Barone .

Se sti panne le ppienze nòmmenare,
O le cconziglie, a cchi? a no Potecaro
Se 'ncepellesse, e lo siente sbroffare:
Che sò bastaso? o de lo Lavenaro?
Pe cchesto appunto tengo li denare,
Che 'nporta s' altro panno costa caro:
Stento, e rrevento, e boglio comparere;
E cchiude ll' uocchie chi non pò vedere.
De lo Cuerpo de Cristo (sia laudato)
Quanto fa Pescopia processione,
S' abbia ogne mestiero 'nch' è chiammato,
Azzò che no nce sia confosione.
Taffe che lo Portiero appe gredato:
Pizzicarole: ascette 'nguarnascione
Uno de cchille, e tte para Segnore
Vestuto guappo, e cco la panza fore:
Prastena, ch' era Allietto, lo guardaje,
De tale cosa restanno ammerato,
E ppo mbrosolianno se votaje
A tutte quante, che tteneva a llato:
All' uso calavrese jastemmaje
Li muorte suoie, e chi l' avea figliato;
E se be sotta voce lo decette,
No pizzo a rriso ogn' uno se facette.
Morenno chiste, e li figlie restate
Non hanno pane; e la baggianaria
Porzi le gosta; e bonno i' mposomate;
Ne ssanno ascire da potronaria.
Ste ttre ccose, che fanno? hanno smerzate
Tanta capo-cardelle a mmala via;
E se be sempe lo ttristo nc' è stato,
E mò cchiù assaie, ed è cchiù assaie sfacciato.
A sta

A sta corrente se pò reparare ,
 Vestenno ogn' una secunno lo stato ,
 E nn'è gran cosa , ca torna a ppigliare
 Na femmenella ll'uso , c'ha lassato .
 De tanta sfuorgie se nne pò spsare ,
 Tornanno n' altra vota a lo ppassato ;
 Co sto muodo pò mettere da parte
 Quacche ttornese , che guadagna all'arte .
 A la seta che d'è ca dà lo bannò ?
 E llassa tanta nocche , e zagarelle ,
 Li stiente 'npoco tiempo se nne vanno ,
 E rrestano li trivole , e le zelle .
 Senza sti riccie , e ttiruocchie , che se fanno ,
 Le mmamme noste parevano belle :
 Pò ttornare a la saja , e a li scottine
 Chi se vole stepare li zecchine .
 De chesto chi ha bregogna pò ttrovare
 Sto bello muodo co ffare no vuto
 A quacche Santo , che mmeglio le pare ,
 Pe no grà beneficio ricevuto .
 A le ffiglie lo stesso pò fa fare ,
 Parlannole de cose resolutò :
 E vestenno modesto , e dde dorata ,
 Aechiettarà denare a la jornata .
 Vorria no gnsto pe 'nchiattire uh quanto ,
 Primmo che mmora vedere levato
 Da la gente civile tanto spanto ,
 Che ttutta sta Cetate ha rroienato .
 A na veste perchè spennere tanto ?
 Nové canne de drappo n'è peccato
 Farc'ire ? la mmità potria vastare
 A ccorpetto , e ggonnella , e sparagnare .

Ac-

Accosel cchiano chiano levarria

Ogne ccasa li diebete, che ttene,

Subbeto le mmonete sè farria,

E n' autra vota vedarria lo bene.

A grelliare ogn' ommo tornarria;

Ca l' affanno commone da ccà bene.

Via sù, Paese mio, no cchiù dormire;

Cerca da sta caduta de sosire.

Non vide ca na compra non puoie fare,

E llesto lesto no chialto t' accatte,

Escono zelle, che pe le sbrogliare

Nce vonno ll' anne: maro chi nce mmatte.

All' utemo n' accordio s' ha da fare,

E co' annuve sfomiente, e nnuove patte

Perdere quacche cosa te bisogna

Pe te levare da cuollo la rognà.

Ste sfacenne hanno chiena de Dotture;

Scrivane, che non zò la Vecaria,

Pigliano li qualisse 'nche spapure

Ogne ccaosa, o malata, o bona sia:

Tanto votano, e girano scetture,

Che a mmuodo lloro danno longaria

Nfi a tanto, che te stracque, e che l'agghiuste,

E tutte quante bisogna refuste.

Ogne cosa se 'nnustria d' apprezzare

Ncoppa li Tribunale uno, o due figlie,

Tutte trovano muodo de campare

Co ddare buone, o sfatte li conziglie,

Se lo negozio nce fosse de mare

Fornarriano li tieste, e le goniglie;

Cchiù d'uno li prociesse lassarria,

Ed a nnegoziare penzarria.

De mercanzie, che ffanno l' Angretterra,
 E l' Aolazna porzi nn' hanno li munte,
 Le mmeagliara de gente a mmare, e' nterra
 Campano a ttrafecare, e ffare cunte.
 Lo guadagno, ch'è gruosso ogn'uno' nzerra,
 E sà li capitale sempe prunte
 Pe cchi le bole arreto; e dde zecchine
 N'hanno le butte, e li sacchette chine.
 Non è gran fatto le spese che ffanno
 A sfoggie nove, perchè li denare.
 Ciento pe ccianto le renneo ogn'anno,
 E tutte quante ponno sfarziare.
 Ma li Paisane nuoste, che non hanno
 Sto muodo de potere guadagnare,
 L'arredduce lo spamio 'nchiana terra,
 E ssempe la meseria le fa guerra.
 Autro n'avimmo, che l'arrennamiente,
 Poco parme de terra, e ccase strutte,
 Nne cacciammo seie rara, o poco, e niente
 'Ntra poco nfoce morarimmo tutte.
 Simmo fatte na frotta de pezziente,
 E pporzi vide cose, che nn' abbutte:
 Abbesogna pigliare nn' autra via,
 E ffarece passare sta pazzia.
 Dice n' ammico, ch'è n'ommo nnorato,
 A sto paese nuosto ogne berrillo
 Co galessa, e pperucca v'ntosciato,
 Ma co la sarvanguardia a lo verzillo.
 Torna, Napole mio, torna a lo stato,
 Ch' io te sapeva quann' era zembrillo;
 Rieste se nò comme no bello Conte,
 E buote a lo ddereto ossa a lo Ponte.

N'è bia, che sponta chesta, ch'ale pigliata,
Deventarraie penato 'ntra poc' anne;
E no cchiù, che co n' altra scioliata
Vaie dinto a nò conuuto de seie canne.
Cuofene de sospire a la giornata
Poco te serverrà, che tu le mmanne
Quanno non aie lo muodo de nn'ascire;
Vota mò fuoglio, e ccerca de scompire:
Cchiù ccose bone pe' ccierto farraje,
Averraie comme primmo li denare,
Fornesceno di trivole, e li guaje,
Dinto lo ggrassio retuorne a sguazzare;
Uh bene mio! sta cosa fosse craje,
De contentezza fine vorria saltare;
E le ddoppie, che mò correnno a schiasse,
Vorria, ch'ogne Artesciano le stepasse.
De chiste schitto sento lo desgusto,
Ca li Segnure, Dotture, e Mercante
Ponno sperciare, o ire justo justo,
Se non vonno stipare li contante:
Ma na moccosa, che bole lo busto,
Scarpe de drappo, manecotte, e guante;
E lo marito cerca contentarla,
Nesciuno pò sta cosa padiarla!
Siente s'è ccosa chesta da passare;
Na figlia de Vastasio, o na Cantaglia,
Non tene muodo de se mmaretare,
E schitto no saccone ave de paglia:
Da no Monte procura li denare,
E ccomme fosse femmena de vaglia
Veste de seta, e mmettese 'ndozzana;
E' tra poco non ha na straccia sana.

Da ccà bene la caosa de lo mmale,
 E la pezzentaria cresce, e s' avanza,
 La meseria de mute è tanta, e tale,
 Che le manca abboccarse la valanza.
 Dapò vanno a mmorire a lo Spetale,
 Ed è lo bene, che le fa l' Aosanza;
 La vita soia chi stenta, e cchi arreventa
 Non deve fare cose, che se penta.
 Gente, che ffatecate, e Ppopolane,
 Lana vestite vuie co le mmogliere,
 Schitto cercate d'abboscare pane,
 Jate comme jea Mamma co Mmessere;
 Le figlie voste non 'mparate vane,
 Ca le ssapite l' antiche manere,
 E cchello, che s'acchiettano a filare,
 No lo ffacite a sfuorga derropare,
 La meglio parte pareno popate,
 O seure, che ssò a li tammorrielle,
 Nè le bannariole de sordate
 Hanno tanta colure, o colorielle.
 Dalle la cassia tratta a ste zannate,
 Agghiosateve tutte li cervielle;
 Averria hanno la pezzentaria,
 La SPORGHIA de lo BENE fornaria.

S C O M P E T U R A.

